



職原抄大全
四

二之
大坂官
中務式部治部
民兵刑大藏官内

子

73
6643
2



門 3
號 6843
卷 2

職原鈔引事大全卷之二

後學植木悅 集註

太政官

當唐尚書省又號鸞臺

蘭省

○太政官執天下政之屬也蘭省本太政官

唐尚書省通典曰堯設舜於太麓領錄天下事

會若今尚書也漢有尚書臺宋始曰尚書省後

漢書韋昭曰尚書尚奉也言奉天子命書天下

政也蘭省出白居易詩本謂太政官今并官謂蘭省取

身也尚音常○鸞臺者門下省曰黃門省唐高

宗改門下省曰東臺武后改曰鸞臺天寶初又



早稻田大學圖書館
藏書
29.2.11

曰黃門省今按異朝有門下中書尚書三省統天下衆務本朝合門下尚書二省為大政官唐各當官統八省及諸國天下事悉決此官也故云都

省本名乾政官

○都省按漢以僕射揔理六尚書謂之都省至唐垂拱中改尚書省曰都省是則都省之號始於漢○本乾政官續日本紀曰天平寶字二年八月是日改官號大政官揔持綱紀掌治邦國如天施德生育万物故改為乾政官云醒愒云乾政官天平寶字二年禪位於皇太子改易官號大政官為乾政官太政大臣曰太師左大臣曰大傅右大臣曰大保大納言御史大夫以下也同八年五月改官名為太政官

太政大臣一人

相當正從一位 唐名太師 相國

太尉

○是三公之長也但左大臣關白唐名大師百官之時者大政大臣著其座下例也表曰太師古官平帝元始元年初置金印紫綬太師位在太傅上愚按太師其始未詳殷紂時有太師少師之名箕子太師比干少師也○相國漢百官表曰相國秦官金印紫綬掌丞天子助理萬機秦有左右丞相高帝即位置一丞相十一年更名相國按秦昭王時以穰侯魏冉為相國是始也漢高祖十一年丞相蕭何始任相國是漢家相國之始也○太尉漢百官表曰太尉秦官金印紫綬掌武事武帝建元二年省元狩四年置大司馬以冠將軍之號宣帝地節三年置大司馬不冠將軍亦無印綬官屬成帝綏和元年初賜大司馬金印紫綬置官屬祿比丞相去將軍哀帝建平二年復去大司馬印綬官屬冠將軍如故元壽二年復賜大司馬印綬置官屬去將軍位在司徒上有長史秩千石按誤正太尉之太尉者天下兵馬將軍之棟梁也

師範一人儀形四海無其人則闕云故云則闕之
官有德之撰故非其人者常不任之又無職掌之
官也大政大臣行公事希例也

雅實大臣在官時依別勅
內辨叙位除目等被勤之

○職負令曰太政大臣一人師範一人儀形四
海經邦論道變理陰陽無其人則闕注曰謂師
者教人以道者之稱也範者法也儀者善也形
者亦法也四海者九夷八狄七戎六蠻也一人
者天子也人字濁為天子清為凡人唐書曰三師師
範一人儀刑四海又置三公並無其人則闕焉是
則闕出處也言太政大臣天下之棟梁而治否
皆飯此人故擢有德之君子任之若無有德之

人則闕此官也昔之人其貴善擇人可見故此
人無常職掌知天下之政故也書所謂三公論
道經邦變理陰陽官不必備惟其人者是同也
又漢書卷十九九日記曰三公無官言有其人然
後充之舜之於堯伊尹於湯周公召公於周是
也延喜式曰凡內外諸司所申庶務辨官惣勘
申大政官其史讀申皆依司次若申數事各先
神事申神事史不申內事凡庶務申大政官若
大臣不在者申太納言以上事重者臨時奏裁
自餘准例處分其考選目錄及請印六位以下
位記者中務式部兵部三省不經辨官直申太
政官中務申夏冬時服及式部補文學家令以
下廉及簡亦直申凡自京官遷任幾內之輩雖
未進本任解由且聽向國凡太政官考選文者
八月一日少納言辨外記史等別當勘欽成案
畢凡諸司及幾內國司長上考選文者十月
一日進辨官訖同日辨官惣計造目申太政官
云凡諸國考選文及雜公文附朝集使十一月

一日進辨官如諸司儀訖辨官惣計造目申本
 政官云凡諸司官人得考並應成選數者中務
 式部兵部三省二月十日申太政官云凡式部
 兵部二省進成選擬階短冊者各預造簿三月
 內入外記惣造奏文請參議以上署四月七日
 大臣以下共章奏聞○行公事希例也者公事
 公務也三代實錄仁和元年正月朔天皇御太
 極殿受朝賀大政大臣行內辨太政大臣儀不
 可行內辨是日別有勅行之是權時之事也云
 ○雅實大臣村上天皇皇子具平親王四代也
 曰久我相國是也○內辨萃菴曰禁中有閣門
 於閣門內行公事之大臣曰內辨又閣門之外
 行公事曰外辨皆大臣之所務也○叙位公事
 根原曰正月五日行之其儀大臣以下若左仗
 之座而行事次有勸盃之儀近比此事絕次以
 藏人登諸卿公卿至射場殿執箱文次第著御
 前座關白並執筆因召進圓座執筆奏十年勞
 以續紙次第叙位源藤橘之內申文入內一加

階之勳云文有之畧之推古天皇御時始定官位
 十二階天智天皇十四年正月諸王諸臣賜爵
 位此叙位本六日也自天德五年五日行之及
 曉夫則障七日節會故五日行之主上若執柄
 富衰日則六日延引也○除目者有縣召除目
 有京官除目縣召者正月十一日行之召外國
 之人任官曰縣召也京官者三月三日以前行
 之近代秋被行之事見公事根原愚曰雅實大
 臣有勅被務叙位除目之內辨者也內辨者掌
 行之人也令義解曰衛門所守謂之官門兵衛
 所守謂之閣門八省
 太極殿南前門曰
 閣門也見首卷

左大臣一人

相當正從二位

唐名太傅

左丞相

左僕射

職負令左大臣一人掌統理衆務舉持綱
 目惣判庶事彈正糾不當者兼得彈之

唐名太傅漢百官表曰古官高后元年初置金印
 紫綬後省八年復置後省哀帝元壽二年復

置位有三公之上高后者高祖之皇后也事文
聚集太傅古官成王即位周公為之○丞相按秦
武王二年始樽里疾其茂為左右丞相史記注
丞兼也相助也漢百官表曰秦有左右丞相高
帝即位置一丞相十一年更名相國○左僕射
漢百官表曰秦官自侍中尚書博士郎皆有古
者重武官有主射以督課之軍屯吏騶宰未巷
官人皆有取其領事之號秦始皇時周青為僕
射應劭曰僕主也射音夜後漢書曰太傅應劭
漢官儀曰傅者覆也賈生曰天子不踰於先聖
之德不知君民之道不見禮義之正詩書無宗
學業不法此太師之責也古者齊太公職之天
子不惠於庶民不禮於大臣不中於折獄無經
於百官不哀於喪不敬於祭不戒於齋不信於
事此太傅之責也古者周公職之天子處位不
端受業不敬言語不叙音聲不中進退升降不
以禮俯仰周旋無節此太保之責也古者燕召
公職之天子燕業反其學左右之習詭其師谷

諸侯遇大臣不知文雅之儀已語之道簡聞小
誦不博不習此少師之責也天子居處出入不
以禮衣服冠帶不以制御器列側不以度采服
從好不以章忿悅不以義與奪不以節此小傅
之責也天子居處燕私安而易樂而耽飲食不
醉飽不節寢起早晏無常玩好器筭無制此
少保之責也此古天子自輔弼之禮也自為天
子而賢智維之故能慮無失計舉無過事終身
得中

官中事一向左大臣統領之故云一上關白之人
為左大臣時右大臣行一上事是依關白與奪也

○官中太政官也言太政官中諸事左大臣統
領也若左大臣為關白則知天下政故以官中
庶務讓右大臣也與奪代其職之意也
家語注曰以賢代賢是謂之奪此也

右大臣一人

相當同左大臣 唐名太保

右丞相

右僕射

○職官令曰右大臣一人掌同左大臣日本紀日孝德天皇大化元年六月十四日天皇即位此以阿倍倉橋為左大臣此始也同朝以藤原山田石川麻呂為右大臣此始也又天智十年正月以大友皇子任大政大臣此始也○太保漢百官表曰太師太保皆古官平帝元始元年皆初置金印紫綬太師位在太傅上太保次太傅○右丞相秦官上詳太保或云太甲特伊尹為之○右僕射秦漢太傅太保漢書皆皆有僕射無左右僕射漢書作太今本大謬乎

已上謂之三公

○本朝謂公者必限三公也但以例乎文事文類聚云殷太甲以伊尹為大保紂以箕子為太師周成王立師傅保為三公至是始有定制秦以丞相御史大夫太尉為三公漢哀平間以司馬司徒司空為三公復置師傅保

異朝三公者皆則闕之官也為師傅保之職

始尊師傅為三公後魏獨尊師傅保為三公司馬司徒司空為三公○書經太全九陳氏傳良曰周召以師保為冢宰是卿兼三公也顧命自周召太保奭以下皆卿也是時召公為保兼冢宰冢伯為司徒彤伯為宗伯畢公為司馬皆是以三公兼之衛侯康叔為司寇毛公為司空審如是則三公多是六卿兼之但其人足以兼公則加其公之職位無其人則止為卿而已三公三孤皆無其人則闕焉而已而六卿自若也○師傅保書經曰立太師太傅太保茲惟三公論道經邦變理陰陽官不必備惟其人云賈誼云保者保其身師傅者訓此所謂三公也

棟梁干諸官梅干帝道者也

○棟梁隋高孝基有知人之鑑見房玄齡曰異日必為偉器見杜如晦云必任棟梁之重又班固薦謝夷吾誠大僕之棟梁也○鹽梅者和羹必用鹽與梅有風味山谷梅詩所謂古來和鼎實此物登廊廟者是也書說命曰爾惟訓于朕志若作酒醴爾惟麴蘖若作和羹爾惟鹽梅云出干此又范氏曰酒非麴蘖不成美非鹽梅不和人君雖有美質必得賢人輔導乃能成德

是故三公無所職置六卿令掌天下政

○周世始置六卿周禮天官冢宰地官司徒春官宗伯夏官司馬秋官司寇各官司空是為六卿各有徒屬按書經有師傅保周禮三公三孤皆不載或三公三孤兼官無正職故不載也書經曰冢宰掌邦治統百官均四海司徒掌邦教敷五典擾兆民宗伯掌邦禮治神人和上下司馬掌邦政統六師平邦國司寇掌邦禁詰姦慝刑暴亂司空掌邦土居四民時地利云是以六

卿治天下政可知陳氏雅言曰公者無私之義書經周官有大師太傅太保少師少傅少保周禮不載之者依兼官也無職掌也又後漢書注賈生曰太師齊太公職之太傅周公職之太保燕召公職之云今周禮不載三公三孤皆以為兼官愚曰異朝以六卿掌天下之政以三公統領六卿之事日本者以八省掌天下之政以三公統領八省之事和漢共無職掌者可見

秦漢以來有相國左右丞相之號已知庶政異于古三公也

○秦世家曰秦武王二年初置丞相樛里疾其茂為左丞相丞相之號始于此愚按秦始皇以呂不韋為相國漢高祖以蕭何為相國蓋高祖即位置一丞相蕭何任之同十一年更名相國也孝文帝乃以絳侯周勃為右丞相位次第一也陳平為左丞相位次第二也正義曰秦漢

以前右為上左為下晉宋以來左為上也本朝古來以左為上○相國之始者秦昭王時以穰侯魏冉為相國始于此愚按秦漢三公皆以執兵戰為職是異古三公也穰侯為秦將攻魏拔大小六十餘城以此功為相國又相國之後攻魏斬首四萬又漢時韓信為相國擊楚將龍且大破之又韓信為左丞相擊魏主豹大破之此類多皆異古三公者也古者以德治國故致悠久之政秦漢以干戈治故無善治之名○古三公者周世三公也

三公者象天之三台星也三槐者周世外朝植三

槐三公班列其下槐者懷也懷遠人之儀也

○三公史記本紀鄭玄曰風后黃帝之二三公也按黃帝仰天置列侯衆官以風后配上台五天老配中台五聖配下台謂之三公是以三公謂三公之起也書言故事曰元命苞魁下六星兩兩

相比曰三台星注魁下言北斗魁星之下有六星三台者有上台中台下台每台兩星形如雙月故曰兩兩相比登為三級故曰三台史記三公官書中宮天極星其一明者太一常居也旁三星三公也正義曰三公三星在北斗魁西並為太尉司徒司空之象○三槐周禮秋冠之下朝士掌建邦外朝之灋左九棘孤卿大夫位焉群士在其後朝之下左右各樹九棘木取其赤心而外刺能禦也右九棘公侯伯子男位焉群吏在其後面三槐三公位焉州長般庶在其後朝之前樹三槐本取其黃中而表蔭也三公位在三槐之下卿官率衆民列于三公之後蓋孤卿大夫臣道也故位于左公侯伯子男君道也故位于右三公則論道經邦者也故位于南或問曰又三公與公侯之公同否曰公侯之公者公爵之國也周武王克商封微子為宋公以奉湯祀又仲雍之後周章已為吳君文王之弟魏仲封於魏此等皆周始為公爵之國也至周未

諸侯僭而稱公王者多○外朝按禮記玉藻曰視朝於內朝方氏曰天子諸侯三朝外朝在庫門之外治朝在路門之外內朝在路門之內又曰燕朝○槐懷也韻會曰周禮秋官面三槐註槐之言懷也懷來人於此欲與之媒則音懷者古音又懷遠人者中庸所謂來百士柔遠人註三山陳氏曰商賈賓旅也皆是離家鄉而來須寬恤之此章言三公位貴而不便民訴故自下外朝化遠人也

我朝天孫天降給時天兒屋根命津速產靈神天孫中臣氏祖

太玉命高皇產靈神奉天照大神勅為左右之

扶翼如今世左右相歟

○天孫瓊瓊杵尊也按舊事紀始天照太神以吾勝尊欲降臨吾勝尊辭曰以我子速所尊欲

降之于時太神許之速曰尊俄而崩依之同冊弟天津彦彦火瓊瓊杵尊降臨給云以三十五神供奉之又曰天照大神勅天雅彥曰豐葦原中國是我兒可王之地也然愚有殘賊強暴橫惡之神者故汝先往平之乃賜天鹿兒引及天真鹿兒矢遣之天雅彥受勅來降則多娶國神女子經八年無以報命故天照大神乃召思兼神問其不來之狀時思兼神思而告曰且遣雞問之於是從彼神謀乃使雞往候之其雞飛下居于天雅彥門前湯津杜樹之杪而鳴之曰天雅彥何故八年之間未有復命時有國神號天禰女見其雉曰鳴聲惡鳥在此樹上可射之天雅彥乃取天神所賜天鹿兒弓天真鹿兒矢便射之則矢達雉胸遂至天神所處時天神見其矢曰此昔我賜天雅彥之矢也今何故來乃取矢而咒之曰若以惡心射者則天雅彥必當遭害若以平心射者則當無恙因還投之即其矢落下中于天雅彥之胸因以立死此世人所謂

返矢可畏之緣也。云既而天照太神以思兼神，
妹万幡豐秋津姬命配正哉。吾勝速日天忍穗
耳尊為妃，令降之於葦原中國。是時勝速日天
忍穗耳尊立于天浮橋而臨觀之曰：彼地未平
矣，不須也。頗願如目杵之國歟。乃更還登具陳
不降之狀。故天照太神復遣武甕槌神及經津
彥神先行驅除。時二神降，到出雲。便問大己貴
神曰：汝將此國奉天神耶？以不對曰：吾兒事代
彥射鳥越遊在三津之碕。今當問以報之。乃遣
使人訪焉。對曰：天神所求，何不奉歟。故大己貴
神以其子辭報于二神。二神乃昇天，復命而告
之曰：葦原中國皆已平。竟時天照太神勅曰：若
然者，方當降吾兒矣。將降間，皇孫已生。號曰天
津彥彥火瓊瓊杵尊。時有奏曰：欲以此皇孫代
降。故天照太神乃賜天津彥彥火瓊瓊杵尊八
坂瓊曲玉及八咫鏡草薙劍三種寶物。又以中
臣上祖天兒屋命忌部上祖太玉命猿女上祖
天鈿女命鏡作上祖石碓命主作上祖玉屋

命凡五部神使配侍焉。○律速產靈命者，月弓
尊四代孫也。又卜部說曰：天兒屋命者，與台產
靈御子云。○高皇產靈者，日本紀曰：天照太神
之子正哉，吾勝速日天忍穗耳尊娶高皇產
靈尊之女櫛幡千千姬，生天津彥彥火瓊瓊杵
尊。故皇祖高皇產靈尊特鐘憐愛云是也。○扶
翼，羽翼也。前漢高祖之太子惠帝召南山四皓
仍輔弼之高祖曰：羽翼成則此意也。故指大臣
曰：羽翼臣也。太玉命或作布力主命。神皇正統
紀曰：至而尊曰：尊其次曰命。到入代曰：天皇號
臣下曰：朝臣宿禰舊事紀。天照太神亦名大日
靈貴。亦天照大日靈尊。又大日靈尊。愚曰：天兒
屋命，中臣氏元祖。天太玉命，齊部氏元祖。此二
神天孫降臨之時，三公也。從是以卜論本朝三
公之次。

神武東征之後，天下一統，二神之孫，天種子命，天

神武東征之後，天下一統，二神之孫，天種子命，天

富命又為左右又上古無大臣號喚執政之人稱
食國政申大夫

○東征按舊事紀曰天孫天津彦彦火瓊瓊杵尊孫磐余彥尊神武也欲馭天下興師東征往往逆命者蜂起未伏中州終誅豪雄長髓彥入中州都鄙傍山宮檀原地時神武五十九年也始在日向國此時高皇產靈尊兒天富命率諸齊神部擊天靈鏡劍奉安正殿天兒屋命兒天種子命奏神代古事天神壽祠也○二神者太玉兒屋根也○食國政申大夫者神武二年春二月甲辰朔己巳物部連等相宇摩志府治命與大神君相天日方奇日方命並拜為申食國政大夫其天日方奇日方命者皇后之兄也但申食國政大夫者今之大連大臣是矣見舊事本紀

十二代景行御宇初以武內宿禰為棟梁臣

○延喜式曰景行天皇五十一年以武內宿禰為棟梁臣○武內林氏曰日本紀孝元天皇妃伊香色譚命生彥太忍信命彥太忍信生屋主忍男武雄心命景行天皇三年屋主忍男武雄心命詣紀伊國居于阿備柏原娶紀直遠祖菟道彥之女影媛生武內宿禰云孝元帝之子彥太忍信其子武雄心其子武內宿禰也凡武內事六君景行成務仲哀神功應神仁德也其壽殆三百十餘歲仁德七十八年薨今謂高良明神武內宿禰之靈也

成務御宇初號大臣 仲哀朝又以大伴武持號大連大臣大連相並知政事爾來代代有大臣大連之任

○日本紀成務天皇三年正月以武內宿禰為大臣大臣之號於此而起大臣與天皇同日生之故有異寵焉○延喜式曰仲哀天皇始置大連元年詔大伴建持為大連云仲哀日本武之御子身長一丈

皇極天皇四年始置左右大臣止大孝德天皇

御宇以中臣鎌子連始為內臣

○日本紀曰孝德天皇即位日以中大兄為皇太子以阿倍內麻呂臣為左大臣藤我倉山田石川麻呂臣為右大臣以大錦冠授中臣鎌子連為內臣增封若干戶云中臣鎌子連懷至忠之誠擢宰臣之勢處官司之設正皇極天皇時藤上故進退廢置計從事立云我臣蝦夷為大臣此時未置左右大臣至孝德御宇始置左右大臣與本書反

天智朝舉為內大臣賜藤原朝臣姓此時其位在

左右大臣上其後此官久絕

○此章伸鎌子連之事云智天皇本紀曰八年冬十月丙午朔乙卯天皇幸藤原內大臣家親問所患而憂悴極甚乃詔曰天道輔仁何乃虛說積善餘慶猶是無徵若有所須便可以聞對曰臣既不敏當復何言但其葬事宜用輕易生則無務於軍國死則何敢重難云時賢聞而歎曰比之一言竊比於往哲之善言矣大樹將軍之辭賞詎可同年而語哉庚申天皇遣東宮大皇弟天武也於藤原內大臣家授大織冠與大臣位仍賜姓為藤原氏自是以後通曰藤原大臣辛酉藤原內大臣薨日本世記曰內大臣春秋五十有六而薨愚曰凡此中臣鎌子揚名於天下子孫於今為攝家者其始在討逆臣獲我父子者也皇極天皇時獲我蝦夷任大臣其子

入鹿奢驕甚自僭大臣號不待勅而其父授紫冠於入鹿欲頌日位于時中臣鎌子惡之潛與中大臣天智也通而謀蘓我山田石川麻呂者入鹿親族也以蘓我倉山田娘配中大臣是又謀也爰三韓入朝天皇御大極殿蘓我入鹿侍焉古人大兄又侍焉蘓我倉山田讀表文中臣鎌子帶弓箭回城門備其不虞又潛命古麻呂令伏入鹿座側教之曰表文讀了出不意刺入鹿古麻呂中大凡之臣也表文讀了中大凡出而刺之入鹿驚起古麻呂傷其一脚天皇大驚詔中大凡曰不知所作何事中大凡伏地奏曰鞍作耶天皇則起入殿中蘓我蝦夷等臨誅悉燒天皇記國記珍寶船史惠史即疾取所燒國記而奉中大凡因此大勲孝德天皇時為內臣中大凡即位是謂天智天皇此時為內大臣授大織冠凡鎌子性敏正而有大人之相常守禮儀忠孝不喜遊遊戲言平生取周公孔子之風

學儒南洲先生今世俗以藤卷鎌斬入鹿臣大非也又或問以鎌子今人曰鎌足何也日本紀皆曰鎌子系圖謂鎌足今卜部鈔曰斬入鹿臣之後改名曰鎌足又日本紀謂藤原氏無朝臣二字姓氏錄曰天智八年始賜藤原氏天武十年加朝臣二字者也又藤原本居所名也鎌子在加朝藤原以所處賜為姓是古之法也凡姓氏族之事左傳天子建德因生以賜姓胙之土命之氏然則因生賜姓若舜生姚墟以姚姓封之於虞即號有虞氏是也若其後子孫更不得賜姓即遂以虞為姓云姓虞氏故姓者所以統繫百代使不別也氏者所以別子孫之所出今鎌子者中臣姓也鎌子此時居在大和藤原故以居處賜以藤原氏是當古之例此鎌子子孫皆以藤原為姓家又當理今此本書謂賜藤朝臣姓不可也謂賜藤原氏可也○此官又絕者鎌子以後不置內大臣官蓋此時無太政大臣官

故以內大臣置左右大臣之上同朝十年始置
太政大臣因之止內大臣三十九代天智置之
中絕而四十九代光仁時又置
之其位卑而異鎌子之時下詳

至光仁御宇藤原良繼魚名等任之初次左右大
臣之下

○續日本紀曰光仁天皇寶龜八年春正月以
內臣從二位藤原朝臣良繼為內大臣良繼參
議式部卿馬養之第二子也魚名同書魚名贈
正一位太政大臣房前第五子也光仁御宇寶
龜十年進為內大臣後
天應元年拜左大臣

凡內大臣者令外之官也又有太政大臣之時任
內大臣頗似無其謂

○職官令官位令共無內大臣官故云令外官
○上古無大政大臣故置內大臣後代有太政
大臣而又置內大臣不可故實也故謂無其謂
也又按建保六年有太政大臣公房又以源實
朝任內大
臣此類多

又太政大臣者 天智朝初置之皇子大友任之

天武朝皇子高市又任之

○日本書紀天智天皇七年伊賀采女宅子生
伊賀皇子復字曰大友皇子同十年春正月以
大友皇子拜大政大臣○日本書紀天武天皇
二年納丙月形君德采女忍子娘生高市皇子
命持統天皇四年秋七月以皇子高市為太政
大臣此書曰天武天皇時非也以下注可見
愚曰大友天智之子始欲讓位於御弟天武
後以大友皇子為皇太子於此天武漸髮隱

吉野流言曰欲殺天武天武道難回伊勢路至
羨濃國野上陳皇子高市陳不破關塞關東之
通路而以吹眉為將軍攻江州都大友皇子戰
潰大臣以下皆死大友到勢田橋邊而死天武
又治天下後讓位於持統天皇持統時
以高市為太政大臣非天武之時也

**孝謙天皇改云太師藤原惠美押勝任之又改云
太政大臣道鏡法師任之後代皆云太政大臣也**

多是贈官也

○四十六代孝謙天皇天平寶字二年八月改
太政大臣曰太師同四年正月授大保從二位
藤原惠美朝臣押勝從一位是日又授太師又
天平神護元年閏十月以道鏡禪師為太政大
臣禪師同二年十月道鏡任太師法王位見續
日本紀○押勝始名藤原仲磨武智丸之二

男也有寵幸位至三公後孝謙寵弓削道鏡故
押勝恨帝進廢帝謀反帝起軍攻之押勝死廢
帝流淡路國凡我朝上古有仁德天智之遺風
上慕三代之道下准漢唐之制以守官職行年
中政後後帝王或滔戀慕之道快好色或恣邪
侈以集後臣爰以帝道衰微後代多慢以無尊
者今孝謙天皇淫亂而愛押勝道鏡之徒偏不
顧後代之笑悲哉為上一人行三代道不為萬
世本朝之鑑○林氏曰道鏡俗姓弓削連河內
人也高野天皇寵幸之其弟自布衣八年中
至從二位大納言一門五位者○或問押
勝始名神磨而謂惠美押勝事神皇正統記所謂
帝寵見之則會笑故賜氏惠美又於朝廷無押
勝人故改名曰押勝此說是否男女十人曰是
非說世
人誹謗而言之而已今見本紀天平寶字以仲
磨任太保勅曰廢善懲惡聖主格言其中磨太
保者晨昏不怠恪勤守職事君忠赤施務無私
其伊尹有莘媵臣一佐成湯遂荷阿衡之號曰

尚渭濱之遺老且弼文王終得營丘之封况自
乃祖近江大津宮內大臣已來世有明德翼輔
皇室君歷十帝年殆一百朝廷無事海內清平
者哉因茲論之准古無匹况惠之義莫義於斯
自今以後宜姓中加惠義二字禁暴勝強止戈
靜亂故名曰押勝云見此本文則神皇正統記
俗說也○道鏡續日本紀天平寶字八年道鏡
賜號大臣禪師神護二年十月詔授道鏡法王
位同二十八卷神護曇雲二年九月初太宰寺
神習宜阿魯麻呂希旨媚事道鏡因矯八幡神
教言令道鏡即皇位天下太平道鏡聞之深喜
自負天皇召清麻呂於壯下勅曰昨夜夢八幡
神使來云大神為令奉事請尼法均宜汝清麻
呂相代而往聽彼神命臨發道鏡語清麻呂曰
大神所以請使者蓋為告我即位之事因重募
以官爵和氣清麻呂行詣宇佐神宮大神託宣
曰我國家開關以來君臣定矣以臣為君未之
有也天之日嗣必立皇緒無道之人宜早掃除

清麻呂來飯奏如神教於是時道鏡大怒解清
麻呂本官出為因幡負外介味之任所尋有詔
除名配於大隅其姊法均還俗配於備後元亨
釋書沙門道鏡者弓削氏義淵之徒也有梵學
召入內道場修如意輪觀自在供上皇疾保良
詔鏡看待鏡曷為不族議也曷為議侍女主也
寶字六年秋九月道鏡號大臣禪師同七年九
月道鏡賜號大臣禪師鏡媚上皇故書不族號
名非法不書賜寶字之政權在上皇帝只當字
而已藤太師患鏡之籠及反以誅鏡為名壬子
仲亡上皇聞帝知仲事遣兵圍中宮院帝懼退
位降為淡路公配淡州號文書狩也天平神護
六年八月初四帝崩太子攝政令曰道鏡師隱
慝已形罪當大辟然而先皇所厚且從輕恕任
造下野州藥師寺使
○贈官死而賜官也

文德御世藤原良房任之是也
忠仁公爾來連綿任之

職原抄 卷之三

○忠仁公或

曰美濃公

○文德實錄曰天安元年二月右大臣正二位藤原良房為太政大臣○良房是人臣攝政之始人也冬嗣之嫡男又號深殿號白川于時攝政太政大臣謚曰美濃公又曰忠仁公應年六十九清和天皇之外祖也文德之母曰皇太后順子號五條后是良房之妹也然則良房者文德帝之舅也良房以前或置或不置良房以後連綿而置太政大臣

准大臣者 文武天皇大寶三年正月三品刑部

親王為知太政官事又 聖武朝太政大臣高市

親王三男參議從三位大藏卿鈴鹿王知太政官

事是盤觴云帥內大臣伊周歸京之後寬弘二年

列朝參大臣下大納言上五年准大臣賜封戶一

千戶自稱儀同三司其後絕矣

○續日本紀曰文武天皇大寶三年正月詔三品刑部親王知太政官事○同書曰聖武皇帝天平九年九月從三位鈴鹿王為知太政官事云延喜式曰凡親王知太政官事者其李錄准右大臣預議政者一品二品准大納言三品四品准中納言○萃菴曰知太政官事者坐三公之上人也又神皇正統記弓削道鏡准大臣之始也○盤觴者始之義也孔子家語曰江始岷山其源應盤觴又刑部親王文武帝第九皇子高市親王天武之子言昔無准大臣故不載官位今大寶三年刑部任知太政官事是准大臣之義也故是為准大臣之始○帥內大臣伊周者房前九代之孫也父關白道隆母高階二位業忠女也正曆三年任內大臣長德二年四月

職原抄 卷之三

二十四日坐事配流大宰府權師故曰帥大臣配大宰府之時任權帥常例也同三年四月五日飯京寬弘五年准大臣賜封戶一千戶自稱儀同三司○公卿補任曰寬弘二年二月五日宣旨列大臣下大納言上朝參者同十一月十三日宣旨預朝儀五年正月十六日准大臣給封戶○儀同三司者百人一首鈔云伊周公之儀同三司者各別也愚曰鈴鹿王者高市親王之子稱王者天子之子又孫未為親王者稱王也又朝參大臣者現任大臣也行朝廷之政人曰朝參此時伊周預朝政故列朝參大臣之下行事也凡准大臣者依宣旨而預朝廷之政者也無勅許則不得預朝政矣

弘安六年太政大臣

基具堀川太政大臣于時大納言

叙一位辭

大納言七年准大臣可令朝參之由被下口

宣

而擬階奏連署之時被尋問官底多者不可為見

任之由依申之無勅許

云

○基具材上天皇十一代源基具自大納言叙一位自一位任准大臣朝參者預朝廷政之人也口宣天子召藏人有命藏人奉之達其人謂之口宣擬階奏任六位以下之人之政也連署者擬階奏之時公卿以下外記史以上參太政官行之此時署公卿以下之姓名日之連署此時天子被尋問基具官底法家儒門多申不可為見任之由故無見任之勅許○公卿補任日後宇多院弘安七年從一位源基具正月十三日辭退辨學院別當正月十五日遣勅使五位藏人定光於里亭准大臣可朝參之由被下口宣定光奉三月二十九日拜賀自此日召具車副四人自稱儀同三司被申可列大臣下大納

言上之由仍擬階奏連署之時被尋問法家多者不可為見任之旨計申之時無勅許云○公事根原曰擬階奏四月七日是以二月之列見之時之成撰之短冊今自二省持參以之大臣奏聞也列見延引之時者擬階亦延引也事果而短冊入櫃如元以退出按列見者二月十一日也公卿辨少納言外記史參太政官行公事也撰六位以下藝能者式部兵部二省率之參大政官上卿見其器量容儀著朝所並安穩座而有儀式又短尺者定考之短冊也○見任者言與見任大臣同列不可預朝廷政之由法家勘申也

然而清家外記補任見任注從一位行儀同三司

列內大臣下大納言上中家外記條本補任非參

議列次前內大臣實親正二位上所為不同難一決

者與正應二年直轉太政大臣

○補任見任者補任公卿補任也此補任之中有見任非參議之列見任者在官之公卿記之非參議者前官或無官公卿記之今此准大臣記見任列之義也○三條稱號也中原外記號三條也本補任又書名也非參議列萃菴曰前官惣名曰非參議大臣以下參議以上辭其官之人皆入非參議列○內大臣實親者開院太政大臣公季十代孫也父太政大臣公房也實親者嘉禎年中居右大臣人也○轉太政大臣者指基具公也正應者伏見帝年號也○公卿補任曰弘安七年前內大臣正二位藤公親前大納言正二位藤良教從一位源基具位良教上○萃菴曰中原三條家今斷絕又抄云三條字疑在實親之下乎未知何是

其後正應定實公永仁通賴公喜元實家公攝政實經

明倫彙編 家範典 卷之三

男相繼任之是皆可屏大臣之器暫沉淪之間依

重其人慰晚達今朝參者也

○定實公卿補任曰正應五年八月十四日從一位同九月五日准大臣可朝參之由宜下○通賴公卿補任曰永仁七年准大臣○實家公卿補任曰喜元三年十二月八日准大臣○實家藤房前二十代孫也父實經母右中將有信女後至太政大臣從一位又實經者關白道家之男至攝政關白弘安七年薨六十八歲○況淪淪者沒也衰微而終年人也晚達與晚暮同不屏官而老衰也○今朝參者言公卿皆人數有定無關則不任故可屏大臣人任准大臣預朝廷之政也正應永仁共伏見年號也喜元後一條年號也

而先朝御時前大納言定房為名家任之

可謂無念雖然後自任內大臣之上者無是非歟

○定房者名家也左大臣冬嗣公六男良門是勸修寺之祖也良門十六代孫也父權大納言經長母中納言定嗣女任准大臣後任內大臣從一位○下卷曰稱名家者大藏卿為房餘胤兩流號勸修寺葉室參議有國子孫又有兩流號大福寺日野但此流儒門也中納言親宗子孫平氏等名家也經歷侍中辨官昇大中納言多執院中權故振威勢頗有鷹揚之思乎然而累代為執柄家家司職事不通名家之號此外南家式家菅江之儒或屏進或沉淪然而登用之時准名家被召仕流例也○名家二字出所按杜律集解曰名家莫出杜陵人注杜陵有南杜北杜最為名家詔為開江使雖位尚未達而其人則出名家

攝政關白者大臣兼之或去大臣職帶之東二條

職原抄 卷之三

入道攝政已來例也

○自是以下至避虛例也言攝政關白之事萃菴曰攝政者主上幼時置之或女帝置之常不置之關白者常置之凡此職者三公之兼官也前官大臣帶之東三條入道兼家始也○東三條入道者冬嗣六代孫攝政關白從一位又號東三條或曰法興院正曆元年出家法名如實同年七月薨六十二載是去大臣職而任攝政關白始也

凡此職者異朝唐堯時舉舜為攝政殷湯以伊尹

為阿衡當攝政也

○書堯典曰帝曰咨四岳朕在位七十載汝能庸命異朕位岳曰咨德丞帝位曰明明揚側陋師錫帝曰有齔在下曰虞舜帝曰兪予聞如何岳曰齔子父鴈母嚚象傲克諧以孝烝烝又不

格姦帝曰我其試哉女于時觀厥刑于二女釐降二女于嬀汭嬀于虞帝曰欽哉注曰四岳臣名象者舜弟諧者和也烝烝者進也二女者堯女娥皇女英也嬀汭者舜居處也欽哉者堯戒二女之辭也齔者無妻曰齔舜之事也孔氏曰堯年十六以唐侯升為天子在位七十年則時年八十六以二女妻舜以治家觀治國又唐孔氏曰按世本堯是黃帝玄孫舜是黃帝八代孫

舜典曰帝曰格汝舜詢事考言乃言底可績三載汝陟帝位舜讓于德弗嗣云正月上日受終于文祖讓于德者讓他有德之人也試舜三年欲讓位故舜讓于德不受也文祖者帝位也按

注說堯年十六即位七十年載又試舜三載老不聽政二十八載乃崩在位通計百單一年又曰堯年八十六而舉舜試之三年而讓位于時舜辭而不嗣然而終受帝位也然而未稱帝號經二十八年而堯年一百十七歲而崩也堯崩而過三年而舜即帝位也○殷湯者湯王也

崩而過三年而舜即帝位也○殷湯者湯王也

書太甲上曰。惟嗣王不惠于阿衡。注曰。惠順也。阿。倚。衡。平也。阿。衡。商之官。名。言天下之所倚平也。亦曰保衡。或曰。伊尹之號也。葉氏曰。阿。保。通。阿。亦保之意。王氏曰。阿。大陵之有。助者。保。其君。如。阿。平。其國。如。衡。蘇氏曰。阿。衡。尹之號。猶太公尚父其號也。○愚按史記舜名曰重華。自帝顓頊七代也。中微而舜耕歷山。堯舉用。使舜攝政。攝政八年而堯崩。有堯子丹朱。舜三年之喪畢。舜讓辟丹朱於南河之南。諸侯皆飯飯舜。故舜終即天位。殷湯契之後也。誅夏桀。定天下。蓋湯王自契十四代也。名履。字湯。殷人尊湯曰天之伊尹。名摯。力收之後。始居伊水。故曰伊尹。負鼎俎。始見湯王。年百歲卒。聖人也。伊尹仕六君。湯主太丁。外丙。太甲。沃丁也。

周成王幼而即位。叔父周公且攝政。是今攝政之儀也。漢昭帝又幼而即位。博陸侯霍光奉武帝遺

詔攝政如周公故事。然乃以周公且霍光為盪蕩是也。

○周公且。文王之子。武王之弟也。陳氏曰。文王二十四年生。武王四十八年即諸侯位。在位五十年。年九十七而終。武王年七十三而嗣位。嗣位十三年而伐紂。於天子七年而終。年九十三也。書周書曰。既克商二年。王有疾弗豫。公歸乃納冊于金縢之匱中。翼日乃瘳。武王既喪。管叔及其群弟乃流言於國曰。公將不利於孺子。周公乃告二公曰。我之弗辟。我無以告我先王。周公居東二年。則罪人斯得。于後公乃詩以貽王。名之曰鴟鴞。王亦未敢讓公。云管叔者。名。鮮。武王弟。周公兄也。群弟者。蔡叔。度。霍。叔。處也。流言。無根之言。如水之流也。孺子。成王也。商人。兄死弟立者。多。武王崩。成王幼。周公攝政。商人固已疑之。又管叔於周公為兄。尤所覬覦。故武庚管

蔡流言於國以危懼成王而動搖周公武王崩
年成王纔九歲也書大誥注曰武王克殷以成
餘民封受子武庚命三叔監殷武王崩成王立
周公相之三叔流言公將不利於孺子周公避
位居東後成王悟迎周公歸三叔懼遂與武庚
叛成王命周公東征以討之○史記魯世家曰
武王既崩成王少在強葆之中周公恐天下聞
武王崩而畔周公乃踐阼代成王攝行政當國
○詩周南注周國名周國本在禹貢雍州境
內岐山之陽后稷十三世孫古公亶父始居其
地傅子王季歷至孫文王昌辟國寢廣於是徙
都于豐而分岐周故地以為周公且召公奭之
采邑且使周公為政於國中而召公宣布於諸
侯至子武王發又遷于鎬遂克商而有天下武
王崩子成王誦立周公相之○博陸侯霍光前
漢書六十八霍光傳曰霍光字子孟票騎將軍
去病弟也父中孺河東平陽人也年十餘歲為
郎稍遷諸曹侍中去病死後光為奉車都尉光

祿大夫出則奉車入侍左右出入禁闥二十餘
年小心謹慎未嘗有過征和二年衛太子為江
充所敗而燕王且廣陵王胥皆多過失是時上
年老寵姬鉤弋趙婕妤存有男上心欲以為嗣命
大臣輔之察群臣唯光任大重可屬社稷上廼
使黃門畫者畫周公負成王朝諸侯以賜光後
元二年春上游五林宮病篤光涕泣問曰如有
不諱誰當嗣者上曰君未諭前畫意邪立少子
君行周公之事光頓首讓曰臣不如金日磾日
磾亦曰臣外國人不如光上以光為大司馬大將
軍日磾為車騎將軍及太僕皆拜卧内壯下受
遺詔輔少主明中武帝崩太子襲尊號是為孝
昭皇帝帝年八歲政事壹決於光先是後元年
侍中僕射莽何羅與弟重合疾通謀為逆時光
與金日磾上官桀等共謀之叩未錄武帝病封
璽書曰帝崩發書以從事遺詔封金日磾為綏
侯上官桀為安陽侯光為博陸侯皆以前捕反
者叩封光與左將軍桀結婚相親和光長女

為桀子安妻有女年與帝相配桀因帝好鄂邑
蓋主內安女後宮為婕妤數月立為皇后委
見本傳○盤觴家語曰江始岷山其源可以盤
觴及至江津不舟楫不可以涉云又山谷三岷
江初盤觴入楚乃無底○愚曰成王九歲而即
位故以周公且攝政又昭帝武帝之子八歲而
即位是共名攝政之始也攝政者必有幼主時
常不置之周者國名文王之時封周公曰周公
傅陸國名霍光封
傅陸故曰傅陸公

關白者漢宣帝立霍光猶攝政非幼主之故霍光
還政宣帝猶重其人令關白萬機關白之號自此
而始
云云

○按霍光傳昭帝崩亡嗣廣陵王燕且主不能
嗣光與丞相敞以下議而奏皇太后曰孝武皇

帝曾孫衛太子孫病已武帝時有詔掖庭養視
至今年十八師受詩論語孝經躬行節儉茲仁
變人可以嗣孝昭皇帝後奉承祖宗廟子萬姓
昧死以聞皇太后詔迎曾孫見皇太后已而光
奉上皇帝璽綬謁于高廟是為孝宣皇帝明年
下詔曰大司馬大將軍光宿衛忠正以安宗廟
其以河北東武陽益封光萬七千戶與故所食
凡二萬戶賞賜前後黃金七千斤錢六十万雜
繒三万疋奴婢百七十人馬二千匹甲第一區
光自後元秉持万機及上即位乃歸政上謙讓
不受諸事皆先關白光然後奏御天子光每朝
見上虛已歛容禮下之已甚光秉政前後二十
年地節二年春病篤車駕自臨問光病上為之
涕泣即日拜子禹為右將軍光薨上及皇太后
親臨光喪云云○愚曰昭帝幼而即位故以霍光
為攝政昭帝早世而無子故以宣帝為天子宣
帝即位年十八故辭攝政職上又讓而以光為
關白者也關白二字出于此又攝政二字堯舜

禹之時未出此二字周書之注始二字出又堯
典曰我其試又舜時以禹曰汝惟不怠總朕師
也又啟湯以伊尹為阿衡是皆雖無攝政之二
字其心則一也又史記魯世家成王初在強葆
之中周公恐天下聞武王崩而畔周公乃踐阼
代成王攝行政當國云攝政二字始出于此○
万機者天下之萬政也書所謂
一日二日有万機則取此儀也

本朝 仲哀崩皇后攝政平三韓而飯筑紫誕生

皇子在襁褓皇后猶攝政遂臨天下六十餘年雖

同正帝奉稱攝政

○自是以下謂日本之例神功皇后則應神天
皇母也應神四歲而為皇太子此時皇后為攝
政是本朝攝政之始也三韓者新羅百濟高麗
也皇后自征而討三韓三韓悉臣伏皇后飯筑

紫誕生應神天皇號其所曰宇滌于今有其祠
繼緒者小兒之衣也世人號赤子曰襁褓○日
本紀曰仲哀日本武尊第二子也八年春正月
幸筑紫居樞日宮秋九月乙亥詔群臣以議討
熊襲時有神託皇后而誨曰天皇何憂熊襲之
不服是齋之空國也豈足舉兵伐乎此時與皇
后共在筑紫也○此國而有寶國金銀彩色多
在其國是謂栲衾新羅國焉若能祭吾者則曾
不血刃其國必自服矣復熊襲為服其祭之以
天皇之御船及穴門直踐立所獻之水田名大
田是等物為幣也天皇聞神言有疑之情便登
高岳遙望之大海曠遠而不見國於是天皇對
神曰朕周望之有海無國豈於大虛有國乎誰
神徒誘朕復我皇祖諸天皇等盡祭神祇豈遺
神助時神亦託皇后曰如天津水影押伏而我
所見國何謂無國以謝誘我言其汝王之如此
言遂不信者汝不得其國唯今皇后始之有胎
其子有獲焉然天皇猶不信以強擊熊襲不得

勝乏而還之。九年春二月天皇忽有痛身而明日崩。時年五十二。於是皇后及大臣武內宿禰匿天皇之喪不令知。天下則皇后詔大臣及中臣烏賊津連大三輪大支主君物部麿昨連大伴武以連曰。今天下未知天皇之崩。若百姓知之有懈怠乎。則四大夫領百寮令守宮中。竊收天皇之屍付武內宿禰。以從海路遷穴門。還殯于豐浦宮。甲子大臣武內自穴門還。○神功皇后者開化天皇之曾孫。氣長宿禰王之女也。時皇后傷天皇不從神教而早崩。改適更造齊宮於山田邑。筑紫也。三月皇后選吉日入齊宮。親為神主。則命武內宿禰撫琴而請曰。先且教天皇仲哀也者。誰神也。願欲知其名。逮于七月七夜乃答曰。神風伊勢國之伊傳度逢縣之折鈴五十鈴宮所居神名撞賢木嚴之御。龜天疎向津媛命。又曰。幡荻穗出吾也。於尾形吾思節之淡郡所居之有也。又曰。於天事代於鹿事代王籬入彦嚴之事。代神有之也。又曰。於日向國橘小門

之水底所底而水葉纏之出。屈神名表筒男中筒男。底筒男神之有也。以上六神也。時得神語隨教而祭。然後遣吉備臣祖鴨別。令擊熊襲國未。經淡辰而自服焉。而後舉兵擊羽白熊鷲而滅之。又誅土蜘蛛田油津姬。夏四月。但仲哀二月崩。其年四月也。壬寅北到火前國。今肥前也。松浦縣而進。食於是。皇后勾針為釣。取粒為餌。抽取裳系。為縵登河中石上。而投釣。衍之曰。朕西欲求財國。若有成事者。河魚飲釣。因以舉竿。乃獲細鱗魚。時皇后曰。希見物也。故時人號其處曰。梅豆羅國。今謂松浦訛焉。皇后還詣檀日浦。日向國也。解髮臨海曰。吾被神祇之教。賴皇祖之靈。浮海躬欲西征。是以今頭濮海水。若有驗者。髮自分為兩。即入海洗之。髮自分也。秋九月。令諸國集船。船練兵甲。於是使吾瓮海人烏摩呂。出於西海。令察有國耶。還曰。國不見也。遣磯鹿海人各草。而令覘。數日還之曰。西北有山。帶雲橫組。蓋有國乎。爰卜吉日。而臨發。有日時

皇后親執斧鉞令三軍日爾適當皇后之開脫
 皇后則取石挿腰而祈之曰事果還日產於茲
 主冬十月從和珥津發之便到新羅新羅王於
 是戰戰栗栗厖身無所則集諸人曰新羅之建
 國以來未嘗聞海水陵國若運盡國為海乎是
 言未訖之間船師滿海旌旗輝日鼓吹起聲山
 川悉振新羅王遙望以為非常之兵將滅已國
 醒焉失志乃今醒之曰吾聞東有神國謂日本
 亦有聖王謂天皇必其國之神兵也豈可舉兵
 以距乎即素旆而自服素組以面縛封圖籍降
 於王船之前因以叩頭之曰從今以後長與乾
 坤伏為銅部其不乾船拖而春秋獻馬梳及馬
 鞭後不煩海遠以每年貢男女之調則重擔之
 曰非東日更日西且除阿利那禮河返以之逆
 流及河石昇為星辰而殊闕春秋之朝忍廢梳
 鞭之貢天神地祇共討焉皇后乃解其縛因新
 羅王之盟解其縛也為銅部遂入其國中封重
 寶府庫收圖籍文書仍賚金銀彩色及綾羅

練綸載千八十艘船令從官軍是以新羅王常
 以八十船之調貢于日本國其是之緣也於是
 高麗百濟二王聞新羅收圖籍降於日本國密
 令伺其軍勢則知不可勝自來于營外叩頭曰
 從今以後永稱西蕃不絕朝貢故因以定內官
 家是所謂之三韓也皇后從新羅還之十二月
 戊戌生譽田天皇於筑紫皇后欲向京時麿坂
 王忍熊王反此二人者譽田天皇應神也之兄
 也謀誅皇后時麿坂王忍熊王共出菟餓野而
 祈神之日若有成事欲殺皇后並譽田天皇之
 祈也必獲良獸也二王各居假庭赤猪忽出之
 登假庭咋麿坂王而殺之軍士悉慄又忍熊王
 引軍返屯於住吉皇后聞此事命武內宿禰懷
 皇子橫出南海泊于紀伊水門則紀伊國也
 武內宿禰終誅忍熊王冬十月群臣尊皇后曰
 皇太后是年也大歲辛巳即為攝政元年也三
 年立為皇太子元史高麗傳曰古新羅百濟高
 句麗三國而為一也始三國至元代為高麗國

一也。○誕生皇子，是應神天皇也。父仲哀母八神
切皇后。今宇佐八幡大神是也。其後天平勝寶
元移京都，貞觀年移男山，今所謂石清水
八幡太菩薩也。又神功皇后者，與上筒底筒中
筒相共為住吉之神，攝州住吉明神是也。○
繼祿論語曰：四方之民繼有其子，而至其朱子
目繼繼，縷為之以約小兒於背者，史記曰：成王
少，而有強葆之中，註索隱曰：強葆即繼祿正義
日強闊八寸長八尺用約小
兒於背而負行葆小兒被也。

其後 推古天皇朝皇太子廐戶皇子推古攝政
齊明天皇御宇皇太子中大兄皇子又攝政 清
和天皇幼而即位外祖忠仁公奉 文德遺詔而
攝政是本朝以入臣為攝政之初也爾來彼一門

為執政之臣

○廐戶皇子用明天皇之子又名耳聰聖德或
名豐聰耳法大王或云法主王此之皇子初居
上宮後移班鳩於豐御食炊屋姬天皇推古也
代位居東宮摠攝萬機行天皇事始敏達天皇
五年春三月詔立豐御食炊屋姬尊為皇后是
生菟道貝鱒皇女又名菟道磯津貝皇女也是
嫁於東宮聖德云按推古者用明之妹也故曰
姪姪甥同又推古之女菟道貝鱒者聖德之妻
也元享釋書太子傳云太子有六名誕廐邊故
曰廐戶用明帝愛敬居宮南上殿故曰上官八
人券事一時善聽故曰八耳睿明仁愨故曰聖
德豐聰耳聰者八耳之同稱也太子造九伽藍
池後寺葛城寺日向寺推古時聖德攝政則該
之攝政也○齊明天皇者皇極天皇之重孫也
始皇極帝因入鹿臣之事讓位於輕皇子輕皇

子者則孝德天皇也。皇極之第天智帝叔父也。是時立中大兄為皇太子。孝德治天下十年。此間中大兄為皇太子也。而齊明帝重祿。齊明帝者中大兄之母也。中大兄者天智天皇之事也。齊明治天下七年七月崩。此間中大兄為皇太子也。齊明崩時皇太子素服稱制。遷居于長津宮。云三十六代皇極也。此時有入鹿亂。三十代孝德也。三十八代齊明也。三十九代天智也。始各曰中大兄也。○清和天皇三代實錄曰。清和天皇諱惟仁。文德天皇第四子也。母太皇太后藤原氏太政大臣贈正一位良房朝臣之女也。文德天皇有四皇子。第一惟高親王。第二惟條親王。第三惟彥親王。第四惟仁也。則清和天皇也。嘉祥三年三月二十五日生。同十一月立皇太子。先是有謠云。大枝乎。超天走。超天騰。躍上那加。哩超天。我那護。毛留田。仁那搜。阿左。哩食。無志岐。那雄。雄伊志岐。那識者以為大枝謂大兄也。超三兄而立。故有此三超之謠焉。天安

二年八月二十七日。文德天皇崩。十一月七日。天皇即位於大極殿。時年九歲。此時藤原太政大臣良房攝行天下之政也。良房後曰忠仁公。貞觀十四年九月二日。太政大臣從一位良房薨。十月贈正一位。又以美濃國封之。為美濃公。謚曰忠仁。云其後陽成天皇幼而即位。右大將藤原基經攝政。是又忠仁公之一門也。是在位之攝政始也。神皇正統紀曰。五十六代清和天皇。此天皇之御時。良房之大臣攝政以來。正人臣攝政事始也。又此大臣遠慮有之。為子孫勸學。造勸學院。又大學寮有東西曹。司管江二家掌之。彼大學之南。建立此院。申南曹。良房大臣攝政以降。傳彼一流。不絕。獨非俗。以聖德太子幼主時而已。代代有此職。云。誤。正。俗。以聖德太子長者。女。云。大訛。聖德之母。穴。總部。皇女者。欽明帝之女也。又俗用明帝下。豐後國。是又流言也。用明即位治天下二年也。無下豐州之餘日。又清和天皇即位之時。與兄有爭位。則有名虎之

相僕之事是又非也
蓋此時有童謠上詳

又執柄者必蒙一座之

宣旨故稱一人又云然

而開院太政大臣公著關白左大臣賴

上又我太

政大臣

實著關白左大臣

忠上是邂逅例也

○執柄者關白也必蒙內覽之宣旨必著上座者也假令左大臣攝政則著太政大臣上也執柄又曰攝錄代天子執錄云李周韓曰文選註云錄符也又錄也命紀也執柄柄毛詩周公且美其德比芥柄又柄柄也陳孔章云有芥無柄何以自濟云又傳子云治國有二柄一曰賞二曰罰也云又禮記禮者君大柄也云○一座旨旨左大臣關白則著太政大臣上也公季著賴通上事希例也但公季者此時老人也其上賴通之父道長者公季之姪也因此儀無何賴

通讓而不著上乎又雜實村上天皇之孫具平親王四代也忠通者賴通之四代忠實之子也任攝政關白氏長者號法性寺殿是也後白川院時人也百人一首有和田乃原漕出天見禮半之歌此人也○公季者右大臣師輔子也師輔有十四男一曰伊尹二曰兼通三曰安子四曰兼家五曰忠尹六曰遠度七曰高光八曰遠重九曰如覺十曰為光十一曰愛宮十二曰公季十三曰尋禪十四曰深覺云公季開院祖也長元二十月十七日薨年七十三載○賴通者道長子也道長者兼家之子也于時任氏長者攝政關白從一位守治殿是也年八十三載薨○延喜式凡諸王諸臣任太政大臣者不得以親王為左右大臣但得任八省卿諸臣任太政大臣者不得以諸王為左右大臣親王任左大臣者不得以諸王為右大臣但親王諸臣不得為左右○邂逅詩鄭風野有蔓草篇有美一人清揚婉兮邂逅相遇適我願兮注邂逅者不期而

會也○或問執柄者非攝政之義哉又有關白之時攝政之名又有哉曰天子幼時攝天下政以代天子曰之攝政此時無關白之名天子非幼主常蒙內覽宜自行天下政以助理萬機曰之關白此時無攝政之名故幼主時曰之攝政常曰之關白二名而一也執柄者正關白也

大納言

令四人相當正從三位今從二位
○官位令曰正三位大納言勳一等云職負令大納言四人掌參議庶事敷奏宜旨侍從獻替令義解曰大納言謂納言王者唯舌之官也言納下言於上宣上言於下也○今從二位按職負令四人官位令正三位中納言從三位也今此謂相當正從三位者不審也從三位中納言又太宰師相當而非大納言相當又謂今從二位是指親房時歟又醒惘首書曰大納言近年正三位○令四唐亞相非唐名亞者爾雅次也人令指職負令唐相者丞相之相也言大納言

官亞丞相之義也○獻納按杜律集解獻納者納諫言之名也唐世奏諫言則焚其草案也令入不知也本朝納言奏言之任也故號獻納乎○亞槐又次三槐之義也三公謂三槐自周世始○納言之二字出于舜典詳于中納言之處又班孟堅西都賦日月獻納者是也

其職掌與右大臣以上參議天下事然者大臣不候之間奉行與大臣同故云亞相之官也異朝上古少師少傅少保是云三孤又云是三公之貳也故云亞相

○參譏天下事者令義解曰謂與右大臣以上共參議天下之庶事若右大臣以上並無者即大納言得專行云言大納言之職者大臣之次也若大臣或有病或故障不候之時者大納言

代大臣行天下政也。○少師少傅少保者書周官曰少師少傅少保曰三孤。戴公弘化寅亮天地弼予一人。注孤特也。三少雖三公之異而非其屬官。故曰孤陳氏雅言曰公濬其源孤導其流公正其本孤治其末公提其綱孤張其目公孤之職雖異而實同。雖同實異者如此。云三孤與三少同稱也。前漢書曰又立三少為之副少師少傅少保是為孤。卿與六卿為九焉。○愚曰周世三孤則當大納言者也。○大納言之始公卿記曰大納言十八人。案近江朝廷始置御史大夫。天智天皇時也。同又淨御原天武也。朝改魏稱大納言。元年八月巨勢比登臣等稱大納言也。

漢以來為御史大夫者必轉丞相依之有丞相之魏然而御史之職當今彈正其義不叶

○漢御史大夫轉丞相例。高祖時張蒼為御史大夫。文帝時為丞相。申屠嘉文帝時為御史大夫。于時張蒼免丞相。故拜申屠嘉為丞相。又御史大夫邴吉孝宣帝時為丞相。皆此類也。○蓋按漢御史大夫當大納言。又唐御史臺大夫當彈正也。今此書彈正尹唐名謂御史大夫者准唐例也。親房有逆旅不能廣考。故曰其義不叶者也。○漢書曰御史大夫秦官位上卿。銀印青綬。掌副丞相。有兩丞。秩千石。一曰中丞。在殿中。蘭臺掌圖書。秘書外督部刺史。內領侍御史員十五人。受公卿奏事。舉劾按章。成帝綏和元年更名大司空。金印紫綬。祿比丞相。置長史。如中丞。官識如故。哀帝建平二年復為御史大夫。元壽二年復為大司空。御史中丞更名御史長史。侍御史有繡衣直指。出討姦猾。治大獄。武帝所制不常置。○御史大夫始始皇時。馮劫為御史大夫。秦官也。當今彈正其義不叶者。彈正。唐漢又有此官。名謂御史大夫也。愚按漢御史

大夫副丞相行政則今大納言也。漢元壽年中侍御史之官討姦猾治大獄是似彈正職掌。又後漢御史大夫是正糾彈之職也。以是見旃則漢御史大夫大納言。後漢御史大夫當彈正尹者也。謂今其義不叶非也。○周禮曰御史注御者猶侍也。侍御于君之史官也。云周御史同漢御史大夫。○御史事詳干彈正之下。

爰稱德御世暫改大納言為御史大夫是故

大納言唐名為御史大夫不叶舊式者也令正貞四人也

○神皇正統紀曰稱德者孝謙帝之重祚也。孝謙帝在位寵道鏡法師後讓位于廢帝于時孝謙帝出家為尼以道鏡任太政大臣因茲押勝謀反進廢帝于時道鏡誅押勝以廢帝遷淡路

國此時尼帝重祚稱稱德天皇云見神皇正統記○改大納言為續日本紀曰天平寶字二年八月是日改易官號太政官惣持綱紀掌治邦國如天施德生育萬物故改為乾政官太政大臣曰大師左大臣曰大傳右大臣曰大保大納言曰御史大夫又同朝復元天平神護以道鏡為太政大臣神護景雲二年以正三位弓削御淨朝臣清人為大納言今本書以暫字舍復元大納言之儀也○此故以下不叶舊式者以上之文不分明凡天知天皇御宇以蕪我縣安臣巨勢人臣紀大人臣為御史大夫注曰御史蓋今大納言也其後天武時以御史大夫為大納言今稱德時以大納言為御史大夫天智之例也。是守舊式然此時謂不叶舊式者非也。又大納言唐名為御史大夫漢朝例最當理者也。令職負令也。正貞對權官之詞也。大納言四人也。故曰正貞四人。

寬平御宇為正二人權一人其後權官加增高倉
御宇始為十人先朝後醍醐未皇御時被定六人凡當
官者人臣之重職也可昇大臣之人任之而光賴
卿以來為諸大夫輩又任之然而至今為重寄

○寬平宇多御宇也清三位曰寬平九年又正
貞二人之外管家令任權也延喜以來或又二
人或三人永觀元年始置四人權二人云今平
家物語曰太政大臣師長公始仁安元年十月
自前中納言昇權大納言給于時無大納言之
闕而加貞外給大納言成六人事始此時云然
後醍醐以前始定六人乎○寬平五十九代宇
多天皇光孝帝之子後號寬平法皇○高倉八
十代後白川第三子又後醍醐後宇多第二子
○光賴卿藤原良門十一代顯賴之子干時權

大納言正二位參議
号葉室大納言是也

中納言

令外官也
唐名納言

權官古來有之
龍作黃門

相當今從三位

○大寶年中定官位令日無中納言故不載仍
且令外官其後養老年定官位令有中納言故
載之但大寶元年三月止中納言官同元年八
月撰律令成之同九年者慶雲二年也更又置
中納言因之不載官位令也官位令則是令之
篇名也○權官權中納言古來多在之也○今
從三位養老年官位令為中納言從三位又續
日本紀曰天平寶字二年勅中納言准格正四
位上此則職掌既重季祿尚少自今以後宜改
為從三位公卿記曰慶雲二年四月十七日
勅曰依官令大納言四人職掌既比大臣官
位亦超諸卿朕顧念之任重事密充負難滿宜
廢省二員為定兩人更置中納言二人以補大
納言不足其職掌敷奏宣旨待問參議其官位

料祿准令商量施行者於時准正四位上宣別封二百戶資人三十人勅負依奏即以阿倍朝臣衛齋麻呂正四位下粟田朝臣真人從四位上高向朝臣磨唐納言書舞典帝曰龍汝作納言三人任之唐言夙夜出朕命惟允注曰納言之官如今之門下審復自外而進入者既審之自內而宣出者亦審之云龍作亦此故事也○黃門漢百官志曰黃門侍郎六百石注曰無負掌侍從左右給事中閔通中外及諸王朝見於殿中引王就坐獻帝起居注曰帝初即位初置侍中給事黃門侍郎各六人出入禁中近侍帷幄省尚書事云又同後漢書有侍中比二千石本注曰無負掌侍左右贊導眾事顧問應對云又董巴曰禁門曰黃闥以中人主之故号曰黃門云

持統天皇六年始置此官其後罷之大寶二年定

官位今日無此官仍為令外敷但慶雲四年又置之云

○按延喜式實持統天皇時始非置中納言官日本紀持統六年之處有中納言之官而已非監觴之言委記上篇之間畧之○其後罷之延喜式曰文武天皇五年大寶元年三月罷中納言官同年後月撰律令故以中納言不載官位今乎同九年者慶雲二年也更置中納言云又此書始曰大寶元年撰律令今此作大寶二年愚按大寶元年八月律令成同二年二月始頒新律於天下冬十月頒下律令于天下諸國事見續日本紀此書謂二年非謬也但慶雲四年非也公卿紀作慶雲二年也

相當三位也四位參議任之時執筆人即書從二

位人數近代為十人前朝被定八人其後又不同
凡任當官者參議勞二十年以上檢非違使別當
大辨宰相攝政關白子為二位三位中將者近代大臣
息三位中將等直任非舊儀者納言以上殊可撰其人之官也

○天平寶字為相當從三位故曰相當三位也
若四位參議任中納言則押以書中納言從三
位也。不書四位也。○中納言人數上古負數不
定。大寶年三人也。其後有權官近代為十人事
未考但長和四年置八人又前朝者後醍醐也
此時後醍醐在吉野京都光明院代也。故曰前
朝參議勞任參議勤二十年餘人也。此人必任
中納言又使別當任之也。大辨宰相者大辨兼
參議也。攝關子二三位中將以上皆有中納言
關則任之也。攝關子不經參議自二位中將直

任中納言是近代例也。又曰近代大臣息三位
中將直任之事不可然事也超等任日直任

參議八人

和訓不分明云

唐名諫議大夫

相公 八座

父天皇 文武天皇也 大寶三年始置參議大寶
二年五月九日 詔曰從三位大伴宿禰安麻
呂正四位下栗田朝臣真人從四位上高向朝
臣磨從四位下毛野朝臣古麻呂小野朝臣
毛野等宜參議朝政本官如元者養老二年始
宜論奏天平三年 勅始給食封八十戶依延
曆八年八月廿日符致仕之封准減大同元年
五月廿四日改号為觀察使畿内七道各一人
加判官主典各一人弘仁元年九月十日復為
參議初任四人正四位下藤原諸嗣朝臣正四
位下巨勢野足朝臣從四位上秋篠安人朝臣
從四位下紀廣濱朝臣○江匡房曰參議兼國
時任權守○愚曰參議其位有中納言下諸公

事參議共行其事同納言雖然唐諫議大夫秦
無職掌只參議政事故非正官名置諫大夫後
漢光武增為諫議大夫後漢書曰諫議大夫六
百石本注無負世祖中興以光祿大夫為諫議
大夫○相公按白氏文集卅七及七十共以三
公謂相公非參議唐名○八座是亦非唐名大同
年置畿內七道觀察使各一人合八人也故稱
八座又異朝有八座是各別事也下詳○宰相
是不相應萃菴曰以參議稱宰相事不知何世
始按異朝宰相當日本三公也但是參議異名
也非唐名凡參議於禁中預諸政者如三公雖
無正官又無不參議故世人稱宰相乎蓋杜氏
通典并仁宗實錄冠萊忠愍公準召為參知政
事掌奏事切直太宗怒起輒舉帝衣復坐櫬決
乃退太宗曰此真宰相才也云又案參知政事
則當日日本參議然則取太宗言以為參議之稱
乎但上古宰相者三公之任也以下
參與政事人為宰相自隋唐始之

參議者諸臣之中四位已上有其才之人奉勅參
議官中政之意也故非正官然而除目任之又例
也四任任之者稱某朝臣三位以上稱姓朝臣也

○非正官者參議者議天下政助三公以奔走
禁內誠規模官也然無自執掌之職故曰非正
官○除目京官除自也秋行之詳于太政大臣
下○其朝臣以名書朝臣上也假令正四位下
藤原諸嗣朝臣正四位下巨勢野足朝臣類也
諸嗣野足名也姓朝臣者以名書朝臣下則姓
與朝臣連續假令參議從三位藤原朝臣諸嗣
從三位巨勢朝臣野足也凡某朝臣之事限參
議四位者也姓朝臣上下相通也一位以下初
位以上皆用姓朝臣是位署之相傳故實也○
凡昔姓戶繁多也日本紀天武天皇十三年冬
十月更改諸氏之族姓作八色之姓以混天下

万姓一曰真人二曰朝臣三曰宿衛四曰忌寸
五曰道師六曰臣七曰遊八曰稍置云又是曰
尸蓋代受寵祿之謂乎句會曰爾雅註郭璞曰
尸寵祿也禮記曰尸謂不知人事無辭讓也以
其尸皆神像居位不言但受祭享小人在位亦
無言而受寵祿有似於尸故云尸寵祿也本朝
傳其姓雖非其人世受寵
祿猶受不言而祭享也

八座者異朝八座其職各別也本朝 聖武天皇

天平二年置參議大同御宇罷參議置五畿七道

觀察使合八人 弘仁御宇罷觀察使皆為參議

○八座通鑑綱目曰八座漢制左右僕射并戶
吏禮兵刑工六部尚書凡八光武分尚書為六
曹并一令一僕射為八座魏以五曹尚書二僕
一令為八座隋唐八座注見唐太宗貞觀十年

留中七日留所奏於宮中七日不報 正誤八座
今按漢成帝初置尚書五人其一人為僕射四
人分為四曹常侍曹二十五曹民曹客曹尚書
各一人後又置三公曹是為五曹後漢五曹六
人其三公曹二人或說有交曹分客曹為二也
并一令一僕為八座魏以五曹尚書二僕一令
為八座晉與魏同至隋始定吏禮兵刑工六
部集覽以二僕六部尚書為漢制非也以上見
通鑑十 正 聖武置參議非也公卿紀曰大寶三
七注 誤 年始置參議天平三年十一月四日
勅始給食封八十戶○大同罷參議同公卿紀
曰大同元年五月廿四日改號為觀察使畿內
七道各一人弘仁元年九月十日復為參議初
任四人云○五畿內一人七人合八人也東海
東山比陸山陰山
陽南海西海也

八人自此而始依之有八座之号任參議有數道

左右大辨并近衛中將有其才者藏人頭及勘七箇國公文受領等是也

○江次第第曰除自參議藏人頭每度關被任非參議大辨近衛中將有年薦者式部大輔為侍讀者五箇國舊吏政亦叶格式散位三位經年勞者○清三位宗允曰七箇國者神皇記七箇國之受領勘合格公文而任參議中習也又一國年限四年七箇國則北八年之受領也但年限事依時代不定雖然大略用四箇年也江次第曰五箇國受領任參議又此曰七箇國受領未知何是○勘公文以一年之租稅國物作狀帖數冊送京如此四年四年共勘定算數成就日勘一任公文也公文者公儀之勘定成就名也一在公文成而又遷他國也如此七箇國而任參議也

已上号見任公卿是也納言以上有封戶職田又每年除自有年給大臣隔年任諸國掾一人納言三年一度任掾一人參議者不在掾但獻五節之翌年給之其外皆給諸國目一人史生一人是分其俸之義也

○以當官曰見任或現任以前官曰非參議但不預朝政之人曰非參議以上者三公以下參議以上也江次第曰大臣以下年給大政大臣目一人一分三人或曰親王每年二合大臣隔年二合左右大臣目一人一分二人大臣或三合任介但末見其例以上隔年二合愚按二合則掾也主稅式曰凡國司處分公廨差法者大上國長官六分次官四分判官三分主典二

分史生一分云譬有目一人史生一人目者二分也史生一分也合此二人爲三分三分則祿也是日二合勘文也納言二分一人一分一人四年一度二合獻五節明年不侍巡二合今此書三年一度任掾一人是匡房說相反○參議二分一人一分一人獻五節明年外不二合大臣以下參議以上獻五節明年必二合參議五節二合自安和二年始之蓋以二合公廨爲當五節之用途也又納言已上獻五節翌年自然當巡年二合者不可申五節二合其故者安和宣旨曰自今以後大臣以下參議已上今年獻五節舞姬其明年給殊許二合但納言以上若當二合今年巡者止爲恒例云或以五節二合爲采給追申請之更無謂事也其故者納言每年給二分一人一分一人也以此爲二合申巡年給了此外無餘分故也有謂二合勘文三合勘文事合目一人史生一人爲二合申三分掾也又合目一人史生二人爲三合申四分也永

觀二年二條關白賴忠出二合申文云○封戶職田者賜戶曰封戶戶家也職田賜田町事也封戶職田事詳于首卷○年給每年所給之祿也隔年二年一度也言大臣納言各有定年給其外以二年一度或三年四年一度給掾一人是日二合勘文○或問五節者參議常奉之乎曰凡五節舞妓者天子即位則有大嘗會其後奏五節舞妓文德天皇時與大嘗會同月奏五節舞以之可知其前後又非參議奏之凡大臣以下皆奏此姬可依時事也此書言公卿之中參議其位有三公納言下故不克祿給雖然若參議奏五節則翌年給祿也但爲當舞姬用度也○五節公事根原云十一月十五日行之有五節帳臺試於常寧殿主上有御覽也五節舞姬者五人也有參之儀式參內今日曉參座主上出御帳臺殿上人共陪從之主上着御衣干差貫給事限此時有亂舞有日大歌小歌事寅日有殿上宴水謠朗詠今樣終三獻有亂舞

次第帶香回北陳向五節所其後參所之成邸
曲謠之皇后女院有宴水於御殿之庇有乱舞
昔者年大行之今者大嘗會時行之昔者有日
狩使事今日為給五節所召交野雉等此使曰
狩使卯日者童女御覽召清涼殿抑五節舞姬
之起昔天武天皇御吉野宮彈琴給自前拳天
女天降以羽衣袖五度龍而歌曰云女登母遠
登目佐日壽母波良多摩遠多藻止亦摩幾天
女佐目須母天平十五年
五月正於內裏有五節舞也

准三宮大臣者每年給官爵之即從五位下官乃
掾若內官也如三宮之儀

○准三宮則准后大臣也准后賜年官事太政
大臣良房始乎又東三條入道兼家蒙准三宮
宣旨也○內官者謂三宮之年給太皇太后皇
太后皇后是曰三宮也按大江匡房書曰院三

官內親王女御等皆有年給正月叙位之時給
之西宮云自從五位下至正五位下也叙四位
無通例云是給爵之儀也今准三宮大臣年給
與三宮年給同又給官之事匡房說曰除目內
給當年給並未給名替國替等也以上皆袖書
注內給云以上院官給也東宮准后在此中次
任內給當年給掾二人也三人也有書近江權大
掾正六位上貞朝臣時晴當年內給有越前權大目
從七位上藤井宿林春武當年內給等類也又大掾
正六位上源朝臣助光皇后官當是也○萃菴曰
准三宮大臣給官爵事給從五位下爵則以其
家人叙從五位下給官掾則以其家人任諸國
也

少納言二人 相當從五位下
唐名給事中

○職負令少納言三人掌奉宣小事請進鈐印
傳符進付老驛函鈐兼監官印其少納言在侍

從負內又讀唐給事中事物紀原曰秦置通典
詔勅宜命職名曰加官也初秦漢別有給事黃
門之職後漢有給事黃門侍郎左右給事中云
唐武德三年改給事郎為給事中漢書百官志
獻帝起居注曰帝初即位初置侍中給事黃門
侍郎負各六人出入禁中近侍惟幄省尚書事
○少納言兼國
多兼紀伊權守

昔者重職也二人必兼侍從拾遺補闕之任也弘
仁御宇置藏人所之後其職掌遷於侍中仍少納
言只掌鈴印等事其職兼大政官中務省也近代
可然之諸大夫任之花族又任之兼近衛中少將
之例有之先者叙四位者避職四位之後帶之又

常事也

○拾遺補闕者職負令中務下曰侍從八人掌
常侍規諫拾遺補闕云少納言兼侍從故曰拾
遺補闕之任也拾遺遺忘補益闕失即是少事
也云○弘仁嵯峨天皇御宇也清三位宗尤曰
嵯峨天皇弘仁元年三月始以從四位上左衛
門巨勢野足從四位下中務藤冬嗣為藏人頭
又弘仁之時始置此官○侍中藏人也言少納
言職掌遷于藏人也○鈴印鈴驛路鈴上古少
納言掌之今此鈴寶物鈴也又印天子之印判
也此二者少納言令奉行延喜式曰凡下諸國
公文少納言奏請印狀云主鈴印之但勅符并
符等皆納漆簾子主鈴與少納言共預供奉其
馱者左右馬寮充之公式令曰天子神璽國印
則印外印方二寸半六位以下位記及太政官

文案則印諸司印方二寸二分上官公文及案
移牒則印諸國印方二寸上京公文及案調物
則印凡行公文皆印事狀物數及年月日並署
縫處鈐傳符凡給驛傳馬皆依鈐傳符尅
數事速者一日十驛以上事緩者八驛還日事
緩者六驛以下親王及一位驛鈐十尅傳符三
十尅三位以上驛鈐八尅傳符二十尅四位驛
鈐六尅傳符十二尅五位驛鈐五尅傳符十尅
八位以上驛鈐三尅傳符四尅初位以下驛鈐
二尅傳符三尅皆數外別給驛子一人其六位
以下隨事增減不必限數其驛鈐傳符還到二
日之內送納凡諸國給鈐者太宰府二十口三
閑國各給關契二枚並長官執無次官執凡車
駕巡幸京師留守官給鈐契○萃菴曰鈐印驛
鈐傳符之事久絕而世不行也故今人不知之
先昔有曰勅符官符事以天子命遣勅使於外
國其先今開所自太政官告知之符曰官符初
其勅使持參而行符曰勅符以其勅符通開也

官符者先行符也是傳馬人夫負數事兼以令告
知也驛與傳馬別也驛傳舍也傳馬勅使入用
馬也又大事之勅符有刻符事書木干字以是
刻二一方留禁中二方勅使持參也鈐勅使持
行也禁秘抄鈐後實通後曰件鈐太有與物也
或六角或八角云云○少納言掌鈐并印等事也
但少納言太政官屬官也侍從中務省屬官也
故兼太政官中務省者是也○花族者清花也
閑院中院花山大炊御門是曰花族又當代西
園寺閑院流也又我者與中院同德大手閑院
流也今出川者西園寺之流菊亭也三條西三
條正親町四辻滋野河鱸共閑院之流也以上
之家曰清華家○叙四位避職者少納言任四
位則去少納言官四位之後又在少納言又例
也○鈐印愚曰凡驛鈐上古法而親房時已絕
或曰天子證印付鈐故謂鈐印

外記

大二人相當正六位上 近代五位

少三人相當正七位上 唐名外史或門下錄事

載原少

引事大卷二

四十三

○官位令曰大外記正七位上少外記從七位上也。延曆二年五月改為正六上正七上。○職負令曰大外記二人掌勘詔奏及讀申公文。勘署文案。檢出舊失。少外記二人掌同大外記。此書少外記三人。後加之乎。又曰外記書宜首役也。凡有謂口宜宜首事。天子有命則召裁人。宜之。裁人受天子言達之上。卿此裁人文案曰口宜也。上卿以口宜達外記。外記受之則署曰之宜。宜故口宜案之與書藏人。唐外史者周禮名也。又宜首與書外記名也。春官下曰外史掌書外令掌四方之志。掌三皇五帝書。掌達書名。于四方云。○門下錄事物紀原曰。門下侍郎秦官。秦有門下侍郎。歷代不改。與侍中俱管門下眾事。凡禁門黃闥。故號黃門。其官給事於黃闥之內。故云。唐天寶元年改曰門下。○抄云在黃闥門內錄事故曰門下錄事。

太政官中有三房。左右辨官。外記是也。左右大史掌其房。

近代左大史兼左右。此云官務外記上首。此云房務。仍今稱兩房也。

○左大辨左中辨左少辨。此一房左大史掌其房。但辨官。近習人也。重職也。故一房事大史知。又右辨官右大辨右中辨右少辨。此一房右大史掌之。此外外記房合三房也。近代左右辨官為一房。左大史上薦掌之。是名官務。合外記房二也。故云兩房。是近代例也。大外記二人之中上薦曰房務也。

外記恒例臨時公事。除目叙位等事。奉行之官也。尤為重職。近代清中兩家任其職。於少外記者。彼兩家董同門生等依器量任之。

○臨時者非定式之公事臨時行之也○任官
曰除自授位曰叙位目名也除前官之名記當
任之意也公事根源叙位正月五日大臣以下
著左儀之座行事次著儀所有勸盃之儀式近
比者斷絕次以藏人召諸卿公卿於射場殿取
箱文次第著御前座闕白并執筆因召著圓座
執筆奏十年勞委詳干太政官三公下○除目
公事根源曰正月十一日縣任外官外官者
諸國之司也以田舍曰縣其執筆之大臣參而
著御殿廣此行申文色人多有之書大間虎
付事執筆大事也家々口傳流々之故實共樣
樣有之大方節會官奏叙位除目此四箇之大
事有職之家為難義又名替國替快滿更任任
符返上等之申文色々不可勝計凡此除目可
知識者以十年學亦難究盡不習先達者何務
乏乎式日自十一日始而十三日而終之景行
天皇時以武內宿禰為棟梁臣是官職之始也
又曰有京官除目秋行之其儀同縣召除目清

中清原中原也凡上古任外記不定其家有才
學之人任之除書曰外記諸道成業者居諸司
者諸司三分二分者任例希有三分助也二分
丞也歲人所出納經坊官出納之者多任之按
古者清中之外撰文才任之大小外記善淵愛成
少外記嶋田忠臣等此類多○門生者清中之
門弟也輩者謂同姓
或附屬之者也

辨七人

左右大辨二人

相當從四位上
唐名尚書

左右大丞

○令義解曰左大辨一人掌管中務式部治部
民部受付庶事糾判官內署文案勾替失知諸
司宿直諸國朝集若右辨官不在則併行之右
辨官一人掌管兵部刑部大藏宮內餘同左大
辨左中辨一人掌同左大辨右中辨一人掌同
右大辨左少辨一人掌同左中辨右少辨一人

掌同右中辨○萃菴曰辨官者則大政官丞也
愬而就諸司以丞訓曰政人所以丞則支配其
一家事也故辨官唐名曰尚書假令謂內藏察
則內藏丞事也呼內侍則掌侍事也且尚書省
則太政官也曰尚書後漢百官志尚書六人
尚書則辨官也唐書六百石本注曰成帝初置尚
書四人分爲四曹注蔡質漢儀曰典天下歲
盡集課事○秘笈新書曰尚書秦時少府遣吏
四人在殿中主發書故謂之尚書漢初因之武
昭以後其任稍重成帝建始四年置尚書五人
一人爲僕射而四人分四曹掌圖書秘記○
左右大丞事物紀源曰左右丞秦置尚書丞一
人漢成帝建始四年置四人光武始減其二分
左右佐令僕之事唐以來在尚書之下宋朝官
制改陞在上
又爲執政官

官中事大辨所執行也仍爲重職名家譜第董殊

依清撰任之華族中有才名之輩參議之時兼之
爲規模無文才人不居之乎

○名家者勸修寺葉室日野南家式家管江大
福寺等也當代廣橋鳥丸柳原甘露寺万里小
路中御門等皆名家也○清選者選其人意也
清選二字出于杜通典○花旗清花也○官中
太政官也

左右中辨二人 相當正五位上 唐書尚書

左右少辨二人 相當正五位下 唐名尚書

○左右中丞事物紀原曰中丞御史大夫有兩
丞一曰御史丞一曰中丞初學記曰秦官漢因
之謂之中丞以其別在殿中掌蘭臺秘書外督
部刺史內領侍御史故云成哀間更名御史長

史光武復為中丞○司郎中階煬帝即位尚書
都司初置左右司郎一人副左右丞唐又置員
外郎諸司号為都公唐書百官志云天后
永昌元年置左右司員外郎各一人也

名家譜第任之多者先補五位藏人乃任辨也藏
人帶之頗清撰也○任辨任中少辨也

近衛中少將中有才名之人遷任辨官或兼之又
為規模矣○辨官指大辨乎

五位辨叙四位之日去其職者也近代多叙留又
中辨者多分四位也少辨者多分五位是近來之
例也又中少辨之間權官一人必任之仍謂之七

辨○五位中少辨等叙四位去辨官也而至近代
雖叙四位不去辨官故曰叙留叙留叙位留官
之儀也

凡尚書者管轄之任權衡之職也尤可撰其人士

象七星故也又漢朝尚書即親近之官也仍口含

鷄舌香手握蘭故此云握蘭之職也

○管轄者肝要之儀也車軸頭鐵也說文曰車
鍵也○權衡按戴象釐賀注尚書啓云開望權
衡北斗之司云則出于此又曰權重衡平所以
任權而均物平輕重也○象七星歷代事實尚
書王之喉舌猶天北斗注代宗大曆四年詔詩
云仲山甫王之喉舌皆尚書之佐李固疏曰陛
下有尚書猶天之北斗為天喉舌尚書陛下之
喉舌○七星則北斗也○握蘭應邵漢官曰尚

書郎伏奏事與黃門對揖跪受故稱尚書郎懷香握蘭趨走丹墀又古今原始曰前漢宣帝賜鷄舌香凡侍臣奏事恐氣觸至尊故賜鷄舌香以含之欲香氣上達也香出西國順和名云鷄舌香南州異物志云鷄舌香者草花之可含香也杜律集解注曰漢尚書郎含香握蘭云

史八人

左右大史各二人

相當正六位上

唐名尚書左右大都事

○一日佐官一日作官一日曾官三點之訓按云匡房說訓佐官見在大臣所又古今集序訓甲斐サウ官以二思之和歌書可訓サウ官乎今此職原抄皆佐官可然也此以下錄屬舍史目志主典皆可讀佐官之訓者也○職負令左大史二人右大史二人左少史二人右少史二人左史生十人右史生十人○史二次第曰除月式部錄民部錄勘解由主典檢非違使道

志。歷文文章生居諸司者諸道成業者等任史中古以來小槻之家傳之

唐大都事

中古以來小槻宿祢為一史行官中事謂之官務

多是五位也其餘彼一族及門徒等依與量任之

凡官務者太政官文書悉知之樞要之重職也小

槻氏稱祢家宿禰之儀也

○姓氏錄曰垂仁天皇皇子捨知別命之後也○一史左大史也門徒或未流之者又錄者家人之中有器用俊秀者也宿祢尸字也

左右少史各二人

相當正七位上

近代六位唐名尚書主事

已上謂之八史

○尚書主事事物紀原曰主事二漢有之漢光祿勳有南北庭主事范遷光祿主事是也後魏於尚書諸司置主事令史隋煬帝去令史名但曰主事云

史生二十人 唐名行署

大臣以下判授之職也居其職者多轉史但小

規氏輩不補之門徒等補之

○職負令有左史生十人右史生十人○萃菴曰太政官史生書記官中細事人也○行署唐官也有內行署外行署趨走九察之官也

官掌四人 唐名掌國

○萃菴曰官掌神祇官有史生官掌於諸察曰察掌於諸司曰司掌於八省曰省掌各皆知其一家雜事人也○職負令曰左官掌二人掌通傳訴人檢校使部守當官府廳事鋪設右官掌二人掌同左官掌又左使部八十八人右使部八十八人左直丁四人右直丁四人
唐掌國古本無此唐名或曰掌國可作掌固掌固周官也掌城郭溝池樹渠之固頌其土庶子及其衆庶之守設其飾器今官掌其職有相似者又唐官諸司皆有掌固如今官掌省掌察掌司掌類也

太政官被官也大辨以下判授之凡諸官有長官次官判官主典也假令太政官大臣為長官納言為次官少納言辨為判官史為主典也餘可准之

太政官長官行節會任之納言已下主典以上者
除目任之史生官掌者判授官也然而太政官者
其寄異他仍史生官掌猶為重職

○官掌者太政官被官也大辨以下判任之判授者不奏天子大辨以下批判而任之也諸官指八省百官而言也長官則頭也次官助也判官丞也主典錄也日之四分一切之官皆四分有之矣此太政官為四分則三公頭也納言助也少納言辨丞也八史錄也是所以令知位次也但太政官三公行節會任日之任大臣節會納言已下八史以上者除目任之但秋除自也史生官掌者不奏天子大辨以下撰而任之雖然太政官者其職掌異他諸官故史生官掌雖判任人以重之也○萃菴曰大臣節會之事曰之任大臣節會又曰片節會大臣節會無諸司

奏故曰片節會當代不及節會而內大臣被任大臣也○凡任大臣節會者奉勅任大臣時行之月日不定也正判授可為判任今人曰判授是見于江次第誤流俗之謬乎按選叙今日凡內外五位以上勅授內八位外七位以上奏授外八位及內外初位皆官判授又任官大納言以上左右大辨八省卿五衛府督彈正尹太宰師勅任餘官奏任主政主帳及家令等判任舍人史生史生諸司史生也非太政官史生使部伴部帳內資人等式部判補愚曰叙位曰授陞官曰任今史生官掌官也故可為判任也

職原抄引事大全卷之二

職原抄引事大全卷之二

職原抄引事大全卷之二

後學植木悅 集註

中務省

當唐中書省 又号鳳閣

職負令曰。中務卿一人。掌侍從。獻替贊相。禮儀。審署。詔勅。文案。受事。覆奏。宣旨。勞問。納上表。監修國史。及女王。內。外。命。婦。嬪。人等。名帳。考。叙。位。記。諸國。戶。籍。相。調。帳。僧。尼。名。籍。事。○八省之中。中務其位。高也。又知女官之事。職也。又知詔書勅書表。唐中書省事物紀原曰。中書之官。雖文等職也。起自漢武而所治之府。魏晉始有之。謂之中書省。通典曰。中書之官。舊矣。謂之中書省。自魏晉始焉。○鳳閣。事物紀原曰。唐顯慶中始云。不經鳳閣。鸞臺。不得林。勅云。鳳閣。中

書也。鸞臺黃門省事文類聚云唐光宅改中書省曰鳳閣通鑑綱目卷十七注曰鳳凰池俗謂中書省也文選十五注鳳池者中書省也異朝中書省黃門省尚書省曰之三省晉書曰自魏及晉中書監令掌贊詔命記會時事典作文書以地在禁近云愚曰中務中書其職同故配唐名

八省中以中務為重職宮中事當省可統領之義

也異朝同重之以尚書為南衙以中書為北司本

朝近代之例頗無其實然相當異于七省

○八省之中中務重位又高宮中禁中也言太政官者行天下政中務者掌三宮女玉命婦宮人等詔勅宣命表文等事故宮中令統領者也○南衙北司書言故事曰唐開元中謂尚書省為南省門下中書為北司南省者則南衙之同稱也字彙衙牛加切音牙今官府曰衙○異于

七省七省卿相當正四位下也中務卿正四位上也七省大輔正五位下也中務大輔正五位上也以下少輔丞丞同相當高故曰異于七省也○中務省者官舍各也卿輔丞錄等參會而行公事之所曰中務省七省皆同

又當省卿以下雖文官帶劔職也

○帶劔職延喜式曰中務省凡大儀日輔者淺紫襖金銀裝腰帶金銀裝橫刀鳥皮靴策著幟必丞并內舍人皂綉緋襖掛甲白布帶橫刀引箭麻鞋其日依時尅輔丞各二人相分率內舍人極殿前庭近衛陣以南隊之各居胡床光肅幘二流鉦鼓各二面寅一尅擊裝束鼓三尅列陳鼓郊一尅進鼓丞二人分率內舍人供奉駕前天皇御大極後殿即分就胡床禮畢駕還供奉如初云愚曰此中務省常々文官而不帶太刀但天子即位時或三韓入朝等又元日輔以下皆帶橫刀引箭供奉天子者也故曰帶劔

職也大儀曰者天子出御大極殿也大極殿者有別殿是八省院之正殿曰大極殿在于大內裏南與大政官相並圖記首卷此大極殿前門曰閣門此閣門內取政大臣云內辨閣門外取政大臣曰外辨此時中務陳閣門外還御行幸又中務供奉也此時帶橫刀弓箭也但卿不供奉輔以下供奉也

卿一人

相當正四位上 唐名中書令

親王任之

四品以上

臣下不任之

○此卿昔者臣下有任例後代必親王任之也。卿字醒暢首書曰卿章也章善明理也又響也言為人所歸響釋曰卿明也白虎通曰以其章明臣道故謂之卿也又毛氏曰常作卿俗作卿誤也○四品親王必曰一品二品三品四品無正從別諸王諸臣以下曰一位二位三位四位有正從別雖天子孫蒙親王宣下又稱品也

唐

中書令事物紀原曰舜納言周內史皆中書之名之任也漢武游宴後遲始官者典事尚書謂之中書謁者置令不言謁者省文也通典云唐百官志則曰秦始置中書謁者漢元帝去謁者字漢魏品早而任重隋文帝廢三公府寮令中書令與侍中知政事遂有為宰相職林以謂漢成帝建始四年改中書謁者令曰中謁者令以士人為之魏文帝黃初始改秘書令為中書令也

大輔一人

權大輔一人相當正五位上唐名中書大卿或中書監異朝中書令上置監然者以大輔比于監無其職

名家殿上人任之

○輔字首書曰勺會車兩旁木曰輔廣韻助也弼也增韻又扶也周禮大宰置其輔註鄭司農云輔為民之平也職貢令大輔一人掌同卿唯規諫不獻替令義解曰以恩正君曰規以義匡

王曰諫又獻替相導人君也。○各家曰野大福寺葉室勸修寺南家式家管江等曰之名家此等之人聽屏殿曰名家殿上人也殿上人或曰雲客五位殿上曰五位殿上人又四位未昇殿曰地卜四位諸大夫見弘安禮節又清涼殿者天子之常居也其南有殿曰殿上則上此殿人曰殿上人也今清涼殿西相並有之地下之人不得入也。唐中書監晉書曰自魏及晉中書監令掌王此殿。名贊詔命記會時事典作文書以地在禁近。愚按大輔唐名為中書監非也可卿中書監輔為中書令丞為中書舍人。○中書大卿少卿等事是疑非唐名異朝中書省為三省與尚書省相並行政日本以中務為八省列休之又作大卿少卿等之唐名。通典魏黃初置監與各入此始也。

少輔一人

唐名中書少卿或中書侍郎

同前

○令大小輔無權官後代置之矣。唐中書侍郎同前者名家殿上人任之儀也。名事物紀原云漢武帝置中書領尚書事有置丞即魏黃初始置通事郎後改曰中書侍郎。

中務八省中相當已高然而於大輔少輔者名家

強不執之治部民部兵部執之

○萃菴曰名家殿上人者任辨官故不望中務輔是辨官下官也。但治部民部知諸國事兵部知武官考敘故名家人執之者也。殿上之後執治民兵輔者也。○按治部民部兵部輔者公達依時任之也名家為規模者叶理。

大小丞

相當大正六位上少從六位上

可然六位侍任之大者常不在之

○職負令大丞一人掌官人考課餘准神祇太

祐少丞二人掌同大丞大錄一人少錄二人史
生北人○六位侍弘安禮節曰五位六位下北
面者是也又公家諸司官人源平兩家武士十任
五位六位者皆曰之侍也官位令八省大丞正
六位下唐中書舍人初學記曰魏世中書始置
與此及通事一人明帝時有通事劉泰是也
高貴卿公改曰通事都尉尋為通事侍郎晉初
置舍人通事各一人東晉各為一職梁始掌詔
誥其後除通事直曰中書舍人舍人本周官掌
平宮中之政

大少錄

○錄者執筆役也中務一家書記掌之自餘之
錄屬令史即志等皆同之官位令錄大正七位
位上少正
八位下

侍從八人

相當從五位下
唐名拾遺補闕

八人之中三人者少納言兼任之其餘者公達
任之諸太夫中常不任之又大中納言參議以
上有兼任之例

○職負令侍從八人掌常侍規諫拾遺補闕令
義解曰拾遺遺忘補益闕失即是少事與大輔
規諫同也○按昔有出居侍從次侍從延喜之
比者為次侍從百人此時本侍從曰正侍從與
次侍從紛亂故也此次侍從省輔中將等奉勅
任之正侍從入百人之中○公達者清華也又
大臣大將子至中將納言人皆公達也此侍從
者納言以上又任之也華菴曰大臣納言以侍
從為兼官凡此侍從之役者近參天子傍納規
諫又天子有疑問侍從故納言以上任之預其
御內談故也諸大夫則名家等事也諸大夫事
見下卷六條修理大夫顯季餘流只四條是諸

大夫也。此外名家人，皆諸大夫也。此人任四位，曰四位諸大夫，任納言，曰諸大夫，納言也。

唐拾遺補闕書言故事曰：補闕左右，補闕古無。其官詩云：袞職有闕，仲山甫補之。蓋取此儀。

拾遺古無其官，漢及黜愿為中郎署長，出入禁闈，補過拾遺。唐制左補闕六人，右拾遺六人，右補闕六人，左拾遺六人，掌諷諫。○見唐制拾遺補闕兩官也。今用一官，又古今原始曰：宋孝宗置拾遺補闕官，專主規諫人君，不可糾劾。

近代無定數五位侍從，叙四位者，又去之四位以上任之別儀也。

上任之別儀也

○無定數萃菴曰：侍從者古今皆八人也。今此無定數者不審也。但親房時分人數不定乎。五位侍從，從叙四位，去侍從官四位以上之人，又任侍從例也。

○續日本紀曰：文武天皇大寶元年六月始補內舍人九十人。於大政官列見云：是始也。江次第曰：除自次內舍人，勞帳任之三人，任坂東椽件，東海東山道多驍勇之者，仍以練弓馬之者用之。歟。上總權大掾正六位上藤原朝臣忠信等類也。百寮訓云：是童殿上等任之。昔者撰武勇，故坂東國遣之，令習弓馬，或坂東國人任之。今無其事，未元服人著殿上之簡，皆是內舍人也。又下薦人任之侍之呼姓內假令平氏人任之，平內源氏人任之，源內三善任之，善內藤氏任之，號藤內。又內舍人任左右衛門尉也。此時或曰：平內左衛門，或曰：源內右衛門也。藤善皆同。○愚按此內舍人者公卿子，又任之奉公，始先任內舍人，後依其人，至納言有例也。三代實錄參儀藤原良繩，昔為內舍人，貞觀十年正月十八日云：諸內舍人皆是豪家年少云。

內舍人九十人

唐名通事舍人

○續日本紀曰：文武天皇大寶元年六月始補內舍人九十人。於大政官列見云：是始也。江次第曰：除自次內舍人，勞帳任之三人，任坂東椽件，東海東山道多驍勇之者，仍以練弓馬之者用之。歟。上總權大掾正六位上藤原朝臣忠信等類也。百寮訓云：是童殿上等任之。昔者撰武勇，故坂東國遣之，令習弓馬，或坂東國人任之。今無其事，未元服人著殿上之簡，皆是內舍人也。又下薦人任之侍之呼姓內假令平氏人任之，平內源氏人任之，源內三善任之，善內藤氏任之，號藤內。又內舍人任左右衛門尉也。此時或曰：平內左衛門，或曰：源內右衛門也。藤善皆同。○愚按此內舍人者公卿子，又任之奉公，始先任內舍人，後依其人，至納言有例也。三代實錄參儀藤原良繩，昔為內舍人，貞觀十年正月十八日云：諸內舍人皆是豪家年少云。

唐 按通典中書省屬官有通事舍人掌詔命非此任
名 此通事舍人者秦漢以下北齊以上皆謂之謁者
隋改謁者為通事舍人善辭令者職是也

可然侍任之攝政關白給內舍人隨身時殊撰其
器召仕之帶劔之官也

○職負令內舍人九十人掌帶劔宿衛供奉雜
使若駕行分衛前後○給內舍人隨身抄云近
衛舍人者隨身之下屬也隨身有兩樣一曰本
府隨身一曰小隨身也小隨身武官家召仕也
不及御免者也本府隨身以御免召仕之云弘
安禮節曰僮僕負數事隨身太上天皇十四人
將曹二人府生二人番上二人近衛八人步近
代六人攝政關白十人府生二人番長二人近
衛六人云弘安禮節此曰近衛者舍人上首也
給隨身禮節載之給內舍人不載之但依其人
給之不定者也

內記

唐云內史局又云柱下

大一人

相當正六位上近代五位
唐名柱下起居郎

○職負令曰大內記二人掌造詔勅凡御所記
錄事內記二人掌同大內記少內記二人掌
同中內記○內 **唐** 內史局周禮內史掌王之八
記執筆職也 **名** 枋之法凡四方之事書內史
讀之內史掌書王命遂貳之○唐字用異朝之
惣名此書云唐名者皆同○柱下者索隱曰周
秦皆有柱下史謂御史也所掌及侍立恒在殿
柱之下故老聃為周柱下史今蒼在秦代亦居
此職也按史記漢高祖時張丞相蒼為秦柱
下史主四方文書本朝內記准之○起居郎周
有左右史王言則左史書之動則右史書之蓋
起居之本也漢武有禁中起居後漢馬后自撰
明帝起居注則其事以在宮中女史之職也
此始有起居之名魏晉以降著作掌之後魏有

置起居令史別置修起居注隋煬帝置起居舍人唐正觀二年於門下省置起居郎

儒門之中堪文筆者任之草詔勅宣命故也上下

諸人位記悉內記所奉行也故雖為中務被官別

云內記房

○儒門是云四道日野南家菅江清原中原等也草草創之心草創詔書勅旨宣命事內記役也但詔書大事御用之書用詔書小事御用用勅書宣命者用神社山陵者也書樣有法式延喜式日凡節會及尋常詔旨者內記預書但臨時詔勅者兼旨即內記作詔書畢納管令參議以上若內侍進於御所凡神社山陵宣命大臣奉勅命內記作之內記作了進大臣大臣給使凡宣命文者皆以黃紙書之但奉伊勢太神宣文以縹紙書賀茂社以紅紙書○詔書式注日

謂詔書勅旨同是綸言但臨時大事為詔尋常小事為勅也○草論語云為命禪謀草創之朱子曰草略也創造也謂造為草藁也○勅字事物紀原三代而上其總謂之書漢初帝王命令始稱勅○詔字事物紀原又文心日有熊唐虞同稱曰命其在三王事兼詔誓詔誥也教也所以告教百姓三代無文起於秦漢史記秦始皇廿六年李斯議命為制今為詔歷代因之○位記者神社俗僧皆叙位則內記書位記遺其人也位記之事首卷載之

少二人

相當正七位上 近代六位 唐名著作郎

○令中內記二人有之延喜以來罷中內記○三國志日魏置著作郎掌秘書

儒胤并同門徒等任之

○儒胤四道末流上詳門徒弟子或與力之人也

監物大 從六位下 唐名城門郎又 文主監六位

侍任之

○官位令大監物從五位下。中監物從六位上。少監物正七位下也。與此書反。相當從七位上。

主典

○令無主典延喜式曰凡諸司請管鑰者每且監物并典鑰等共候延政門外凡奉口勅出大藏物者本司奉勅經中務省輔一人監物一人與本司輔以上一人相共出之二省輔不任者丞代之職自令大監物二人掌監察出納請進管鑰中監物四人掌同大監物少監物四人掌同中監物唐名城門郎前漢有城門校尉同丞後史生四人各漢又有城門校尉共掌洛陽城門通典曰宋齊俱衛尉掌官城也兵及管鑰隋煬帝改校尉為城門郎置四人唐因之文主監未考

主鈴

大正七位下 少正八位上 唐名符寶郎

近代強不任之

○職負令曰大主鈴二人掌出納鈴印傳符飛驒函鈴事少主鈴二人掌同大主鈴延喜式凡下諸國公文少納言奏請印狀說主鈴印之但勅符并位記少納言印之凡行幸從駕內印并驛鈴傳等皆納漆簾子主鈴與少納言共預供奉其馭者唐事文類聚曰前漢有符節令丞後馬寮充之改為符璽郎唐武后改為符寶郎

典鑑

大從七位下 少從八位上 唐名門僕

同前

○延喜式典鑰凡諸司藏庫鑰匙每日與監物共且請夕進圖書寮民部省大藏掃部大膳寺殿大炊寮鑰也但兵庫鑰臨時請進凡鑰袋皆以牛革縫造若有損破者申省請換凡納御鑰辛攬是納典鑰月職真令大典鑰二人掌出納管鑰少二人掌同大典鑰省掌二人使部七十人直丁十人○唐名門僕唐世置門僕八百人

者正鑑延喜式職負令皆作鑰按鑰弋灼切音也誤藥鎖鑰也又鑑與溢通國語二十四兩為鑑是無鎖鑰之心今本作典鑑非也○主鈴者鈴印傳符職也今代絕無此官典鑰專鑰之奉行也

天皇太后官職

帝王祖母也云

皇太后官職

帝王母也云

皇后官職

帝王妻也云

以上謂之三宮 和漢同之

○今義解曰天子祖母登后位者為大皇太后居妃位者為大皇太妃居夫人位者為大皇大夫人也天子母登后位者為皇太后居妃位者為皇太妃居夫人位者為皇太夫人也又皇后謂天子之嫡妻也○愚按上古三宮共置太夫人

亮進屬也天安年參議從三位伴宿稱善男兼皇太后宮太夫人又曰仁明天皇時皇后曰順子或号五條后文德天皇母也藤原左大臣冬嗣為太皇太后此類也○職者三宮共有大夫以下官故云職是掌三宮之雜務者也近代中官職有大夫以下官太皇太后皇太后無大夫以下官○和漢同者和本朝也漢異朝也本朝人指異朝曰漢或曰唐今代大明而又曰漢是本朝之言傳也前漢書第五景帝者文帝太子也母曰竇皇后後七年六月文帝崩丁未太子即皇帝位則尊皇太后薄氏曰太皇太后又皇后曰皇太后薄氏者文帝母景帝祖母也同武帝時以皇太后竇氏曰太皇太后又皇后曰皇太后云云后字三代以上無其稱但曰正妃周人始曰王后○皇后字漢以前以嫡妻不稱皇后高帝即位尊王后曰皇后○太后字史記秦本記昭王母羊氏号宣太后王母於是始以

為稱漢襲秦故号皇帝故亦尊母曰皇太后○
太皇字漢因秦事母号皇太后故尊祖母曰太
皇太后其禮雖始於漢要之自孝武始也按史
記景帝二年四月孝文太后崩高祖薄后也景
帝之祖母爾時未号太皇武帝即位迎魯申公
議明堂事司馬遷於儒林傳乃始稱太皇竇太
后好老子言是太皇之号自漢武始明矣

中宮職

帝王妻也

○上古三宮之摠名曰中宮其後至光仁時以
皇后宮為中宮其以後皆為嫡妻之
名又曰光仁置二宮事未詳下記之

中宮者即皇后也本朝并置二宮太無其謂然而
光仁御宇被置此職以來代々并置仍今号四宮
也四宮中中宮皇后宮之司左擇其人太皇太后

等宮司強不清撰但可依時事也

○中宮天子后也皇后又天子后也二宮謂中
宮皇后此有中宮無皇后有皇后無中宮常事
也中宮皇后并置則為天子嫡妻二人故曰無
其謂光仁四十九代帝也此時始置中宮職也
抄云中宮之居曰常寧殿在清涼殿北也○續
日本紀光仁御宇天應元年夏五月始置中宮職
以參議官內卿正四位上大伴宿祢伯磨為兼
中宮大夫衛門督如故從五位下大伴宿祢弟
麻呂為亮左衛士佐如故外從五位下伊勢朝
臣水通為大進外從五位下上毛野公薩摩外
從五位下物部多藝宿祢國足並為少進○太
皇太后等官司大略兼官也清撰者規模之儀
也言中宮當時天子之后也故大夫以下官司
規模也太皇太后等隱居之人也故大夫以下
官司強不規模雖然太皇者至尊不可執下者
也又四宮之事未詳清三位曰天應元年四月

三日皇太子桓武受禪同二十五日即位此日
高野夫人授正一位為皇太夫人五月日始置
中宮職云延曆二年四月日詔云正三位藤原
夫人乙牟漏為皇后云今案二宮中宮皇后宮
職相並之例歟延曆帝以母后号中宮以妻后
稱皇后乎三宮外則号中宮及四宮之例中古
以來出來乎委可勘之高野夫人桓武之母也
○三代實錄曰天安二年八月文德天皇崩同
十一月七日清和天皇即位時年九歲同月九
五日宣詔内外曰改先中宮職為皇太后宮職
云此時中宮實雖非清和之母后以文德天皇
向清和代貴之為皇太后貞觀四年三月十四
日河内國交野郡古荒田一町六段攝津國嶋
下住吉兩郡古荒田卅五町九段奉苑中宮職
○愚按先上古以三宮慈而曰之中宮初井上
内親王為光仁之皇后依有重罪棄之其後置
中宮職則實非置四宮矣又高野夫人不稱皇后
名見之此時非置兩妻后只以皇太后為中宮

大夫一人

相當從四位下
唐名長秋監

近代華族納言等兼之

○大夫職負令大夫一人掌吐納啓令注謂納
啓於上吐令於下也亮一人大進一人少進二
人大屬一人少屬二人舍人四百人使部三十
人直丁三人○知一家政人曰中宮大夫以下

乎其後例皆以中宮為妻后也又近代妻后任
准三宮給也是古例不分明但近代例准三宮
而後為母后時蒙院号給也后曰紫之雲又曰
後宮母后云國母○又監物之事有監物左衛
門尉監物兵衛尉或又曰監物大夫是五位監
物也又任監物人之子曰監物太即二即也親
為左衛門尉人子其子為三即四即者曰左衛
門三即平家侍為越中守人子二即者任右兵
衛尉此曰越中二即兵衛昔以父官令名乘事
多也

也○華族納言清花之人任納言曰亦也大夫
納言兼唐長秋監前漢百官表曰將行秦官景
官也唐帝中六年更名大長秋又後漢書曰
大長秋一人二千石掌奉宣中宮命

權大夫一人

同納言參議及三位以上兼之名家雖有其例

不打任事也近代尤被擇其人

○不打任者華族納言任之也名家之人雖納言
可有斟酌乎不打任者不可容易任事也○令
無權大夫

亮

相當從五位下
唐名內常侍

名家四位中擇其人任之知職中之諸事故也

○職中者中官職中也

唐內常侍事物紀原曰秦置中常侍官參用士
人給事殿省隋避諱改內常侍

權亮

華族四位五位中少將等兼之

○令無權亮

大進一人

相當從六位上
唐名內給事

名家五位任之

唐內給事周禮內小臣之職也後魏有中給事
中後為中給事煬帝改曰內丞直唐曰內給
事神龍元年內侍省屬有內給事八人是也

少進權

相當從六位下
唐名同

諸大夫五位六位任之

○令無權少進諸大夫五位者四條源平武
士院上北面醫陰兩道官外記執柄家累代家
禮人等諸大夫列也此等之人叙五位曰諸大
夫五位叙六位曰諸大夫六位叙四位曰四位
諸大夫也

屬 大正八位下 唐名內侍主事或錄事
少從八位上

院主典代官史生等任之

○主典代院家執筆人也主典代之官在下卷院廳之處○官史生唐內侍主事按唐置內侍太政官之史生也 各省屬官有內給事八人又有主事錄事等是也

大舍人寮

唐名官圍局掌官中駟使事 昔八百人云

頭一人 無權官 相當從五位上 唐名 官圍令

諸大夫五位任之

○職負令左大舍人寮右大舍人寮准之頭一人掌左大舍人各帳分番宿直假使容儀事助一人。大允一人。少允一人。大屬一人。少屬一人。大舍人八百人使部二十人直丁二人。注大舍

助

人供奉官也○凡大舍人昔有八百人此頭以下之人掌其八百人之者雜事人也假令有駟使事大舍人頭奉其仰則 唐官圍局事文類聚 召大舍人令遣其處也 各曰唐內侍省官屬 有官圍局令丞各二人宋不置元因唐曰 相當正六位下 同六位任之 唐名官圍令

○令無權助○百寮曰隨本寮奏而任之故曰 本寮奏

允 大正七位下 少從七位上

唐名官圍主事

六位侍任之

○官位令左右大舍人大允正七位下少允七位上與此書反

屬

大從八位下 少大初位上 唐名官圍令史

○官位令屬從八位上少屬從八位下云與此書反

圖書寮

唐名秘書省

○百寮云經籍圖書佛像紙筆墨等皆掌之今宿紙出自此寮但宿唐秘書省漢藝文志曰武紙澱墨色之紙也
 帝建藏書之府置寫書之官天下文籍悉在天祿石渠圖廣內秘室之書故曰秘書後漢有蘭臺東觀雖孝桓始置秘書監而不以名其省至梁始曰秘書省也唐六典曰秘書省中外三閣掌圖書古今文字皆在禁中宋朝神宗改官制易崇文院曰秘書省復唐制也

頭一人

無權官 相當從五位上 唐名秘書監 或著作郎

諸大夫五位及諸道輩任之

○職貢令頭一人掌經籍圖書修撰國史內典佛像官內禮佛校寫裝潢功程給紙筆墨事助一人大允一人少允一人大屬一人少屬一人

寫書手二十人掌校寫書史裝潢手四人掌造經籍造紙手四人掌造雜紙造筆手十人掌造管造墨手四人掌造墨使部二十人直丁二人紙戶○圖書者書唐始置秘書監漢桓帝延熹二年物筆墨紙奉行也名唐始置秘書監一人○著作郎事事物紀原曰漢東京使名儒碩學入直東觀撰述國史謂之著作以他官領之未以為官也魏明帝大和中始置著作郎○諸道者紀傳又曰秀才又曰大業儒是日野南家式家高影大江等儒門也明經者清原中原也明法者城上中原也算道者三善氏也詳于大學寮下故畧之此外醫陰兩道醫者和氣丹家陰陽者賀茂安倍也以上家々合之諸道令無權頭權助相當正六位下唐名秘書少監

同六位等任之

○令無權助○諸大夫諸道唐秘書少監隋煬帝始置秘書少監

允大六位任之故曰同六位也唐六位侍等任之

○官位令大允正七位下少允從七位上○允字說文信也尔雅誠也唐秘書丞齊職儀曰漢真韻也俗允是非也唐獻帝置秘書令丞二人魏文帝分秘書別掌文籍自置丞一人此蓋置官之始也或云魏武帝置之

屬大秘書主事

○官位令大屬從八位上少屬從八位下○令義解曰圖書寮謂五經六經河圖洛書之類其諸史百家亦兼掌也又官中諸作佛事正月金光明會及臨時轉讀般若等之類也○愚按此寮造紙筆墨用諸寮百官之公用多分佛事此寮所掌也見于延喜式

內藏寮

唐名倉部又云少府掌御服御膳等事

頭一人 相當從五位上 唐名倉部郎 又少府監 或尚衣奉御 又藏帑令

○職負令頭一人掌金銀珠玉寶器錦綾絲氎褥諸蕃貢獻奇瑋之物年料供進御服及別勅用物事助一人允一人大屬一人少屬一人大主鑰二人掌主當出納餘丰鑰准此少主鑰二人掌同大主鑰藏部四十人價長二人掌平物價市易典履二人掌縫作靴履鞞具及檢校百濟手部百濟手部十人掌雜縫作事使部二十人直丁二人百濟戶官位令頭從五位下也與此書唐倉部郎隋煬帝時始置倉部郎按倉部及府則此任也掌金帛官也○少府監秦官掌山海池澤之稅以給共養云後漢有少府卿一人丞一人○尚衣奉御事物紀原如淳曰掌天子

之物曰尚。秦置六尚，乃有尚食。則尚食，秦官也。奉御者，北齊門下省。初置典御之官，隋改曰奉御，以隸殿中省。唐代掌天子御物之人有六尚：一曰尚食，二曰尚藥，三曰尚醞，四曰尚酒，五曰尚衣，六曰尚服。掌御服。五曰尚舍，掌殿中六日尚輦，掌車輦。准秦制也。六尚長官謂奉御次官曰直長，判官曰主衣，餘以可知而已。○藏帑令說文：帑，金幣所藏也。義與倉部同。○少府監秦置少府，隋煬帝大業五年又分大府監蓋少府之名本起於秦而為監，自隋始也。

四位五位殿上人擇其人任之於禁中為重職也。世俗說妻室凡早之人不任之專知御服等事故也。

○基親抄云：凡此職撰人，也近代為三位昇進之道故也。又奉養曰此章不信仰知御服者內

藏寮之役也。斷縫事縫殿寮之役也。假令御服雖令奉行之內藏頭妻非觸手事御服斷者別有之非所知妻室。雖然此內藏寮者諸神社奈之綿綸雜物其外一切御服御器此寮奉行之官也。故因時可嫌妻室凡卑乎。○妻室者內藏頭妻也。種姓卑下者為妻者不可任此頭也。○御膳內膳掌之非內藏寮所知今謂掌御膳誤也。內藏寮掌諸神幣帛御服之事也。

權頭一人

諸大夫五位任之諸寮權頭中內藏木工左右

馬殊為宜也

○令無權頭。○諸寮者此書之中稱寮者都以曰諸寮宜吉也。

助 權助 相當正六位下 倉部負外郎

職原金 引事方卷三
○令無權助官位令助從六位上與此書反○
倉部負外郎魏時有倉部之官負外郎隋文帝
置之煬帝改為承初郎武德三年復為負外郎
齊以度支尚書領之後魏有大倉尚書後周有
司倉下大夫隋初制倉部侍郎煬帝止曰倉部
郎唐武德三年加中字龍朔二年改司廩大夫
咸亨復天寶中為司儲郎中至德復大明倉部
判司事一人以無職事官克凡倉庾受納租稅
出給祿廩之事皆飯三司而別置提點倉場官
以督察本司別無所掌元豐官制行即中負外
郎始實行本司事見續會要愚曰倉部不相應
河為少府卿乎凡日本九穀者民部所掌而主
稅知之故主稅唐名曰倉部也此內藏者掌金
帛寶器也故少府唐名尤當理

近代多者醫陰兩道任之勤仕賀茂祭內藏使者也

○宗尤曰賀茂祭山城使內藏使騎馬渡之近
衛使為勅使詣御社讀宣命也又山城使賀茂
大明神為城州之地主故國司參詣此祭也內
藏使為御幣渡之乎春宮中宮御座之時有東
宮使凡賀茂祭嚴重之神事也檢非違使判官
渡之也○醫陰和氣丹家賀茂阿倍也○萃菴
曰內藏使之事自天子給宣命之祭內藏寮行
其幣物也幣者絹布綿鞍緒之類雜物令奉行
也此時此助添勅使而參向矣但伊勢者四姓
人為勅使四姓者王氏中臣齊部卜部也○愚
曰此章自近代至任之一句自勤仕至者也一
句也或曰醫陰賀茂阿倍者賀茂使有便故以
醫陰在助此說非也此賀茂祭近衛中少將為
勅使此外內藏助參向是為幣物用度也○延
喜式曰內藏寮賀茂祭右四月中酉祭之當日
已一冠寮使就內侍申罷狀給宣命然後使內
侍已下退出於寮廳前與使官人等共解除訖
松尾社幣使附祢宜祝等即使等再拜兩段退

各就座掃部主水等寮司並供奉寮家供饌行
酒乃發山城國司率騎兵等於京外路前馳祇
禱○公事根原曰賀茂祭中西日未日先上卿
陳而召六府仰警固之由當日使近衛中少將
勤之昔有夢告故今日人々懸葵鬘也賀茂
松尾社司自前日可然所々奉之欽明御宇始
有此祭下賀茂御祖上賀茂別雷二神祭也此
社神曰玉依姬賀茂健角身命娘也凡有太祀
中祀小祀二月神事曰太祀大嘗會等也三日祭曰
中祀此賀茂祭也一日神事曰小祀松尾平野
以下諸社祭也凡伊勢率川鹿嶋香取大原野
枚岡大神山科當麻杜本當宗賀茂等祭幣料
內藏寮奉行也

允 大或無大小 六位侍等可任之

歟但強不望之

○官位令內藏允從七位上無大小○萃菴曰

此允辨官必任之辨官者太政官中執行人也
又允七位也故唐倉部丞魏官也少府丞事物
六位待不望乎名紀原漢所置官

屬 大從八位下 唐名倉部主事

○主事錄事令史主簿皆共執筆之官而錄屬
目志之同稱也此以下准之可見○大初位八
位之次也是入位之初也故曰初位

縫殿寮 唐名尚衣局 掌裁縫事

頭一人 無權官 相當從五位上 唐名尚衣奉御 或服庭令

諸大夫五位任之

○職負令縫殿寮頭一人掌女主及內外命婦
官人各帳考課及裁縫衣服事助一人允一人
大屬一人少屬一人使部二十人直丁二人官

助

位令頭從五位下也與此書反延喜式縫殿寮年中御服春復秋冬御服中官四季御服右四季御服並依前件每年依數從內藏寮受之准列洙縫臨時定色月別一日十六日兩般均分供進若數不等者上般加之元日御禮服前二日受內藏寮煎脩即付本寮凡洙手六人各日墨米一升五合凡官人以下女孀以上春夏二季料菜直錢一貫文并漬料鹽四石二十八升各受唐尚衣周有司服為禮官之屬戰國始有所司唐尚衣尚冠之職北齊制主衣隋復曰尚衣置奉御在氏曰昔虞閔父為周陶正註云陶復陶也陶正主君上之衣服此尚衣之始也奉御謹于內藏寮之下○腋庭今前漢有掖庭後漢掖庭令一人六百石本注曰宦者掌後宮貴人采女事云○正腋庭腋字前後彩縫監漢書共作掖字相當正六位下唐名尚衣少監同六位任之

允

○令无權助官位令助從六位上與此書反○唐名尚衣奉御與內藏寮下并出兩官相通故用兩方者也同者指諸大夫諸大夫事上詳唐名尚衣直長六位侍任之

屬

○官位令允從唐直長後漢有太史史階城門七位上无大小唐御府殿內皆有直長而太史無之宋朝正官神宗始置太史直長通典曰隋大業三年置尚衣局奉御二人置直長以貳之唐名尚衣令史

陰陽寮

○官位令屬大從八位下少大初位上唐名司天臺或云大史房

掌天文曆數事昔者一家兼兩道而賀茂保憲以曆道傳其子光榮以天文道傳弟子安倍晴

明自此以後兩道相分

○今義解曰天文者日月五星二十八宿也曆數者計日月之度數而造曆授時也昔鄭氏一家知天文曆數之兩道之事後安倍晴明傳天文道以來分為賀茂阿倍之二家○賀茂林氏云保憲其先孝靈天皇第三子稚彥命以功封于備之中列其後胤吉備公靈龜二年入中華五經三史陰陽諸藝悉傳而啟朝於是乎聖武帝進位於右大臣孝謙帝賜姓於賀茂氏賀茂氏十世後胤保憲奉勅造曆云○清明林氏曰清明者仲鷹後也就賀茂保憲學天文極其淵奧又清明五世孫安倍泰親者人皆稱曰指神子人也○本朝天文之始推古帝十年十月百濟觀勒來之貢曆書及天文地理書并遁申方術之書也是時選書生三四人以俾學習於觀勒矣陽胡史祖玉陳習曆法大友村主高聰學天文遁用山指臣曰並立學方術云是本朝

天文曆數之始也又曆書渡日本始者唐司天欽明時也日本人習之始者推古也
史房事物紀原曰少昊曆正曰鳳鳥氏夏曰太史隋以名謂曰太史曹煬帝改曰監唐曰房乾元元年曰司天臺後復曰太史宋朝以來亦曰司天臺神宗改官制亦曰太史房後漢書曰太史令掌天時星曆凡歲終終奏新年曆凡國祭祀喪聚之事掌奏良日及時節禁忌凡有國瑞應災異掌記之一人明堂及靈臺丞一人百石本注曰二丞掌守明堂靈臺靈臺掌候日月星氣皆屬太史云

頭一人 无權官 相當從五位下 大史監 祠部郎中

○職負令曰頭一人掌天文曆數風雲氣色奏聞事助一人允一人大屬一人少屬一人陰陽六人掌占筮相地陰陽博士一人掌教陰陽生等陰陽生十人掌習陰陽曆博士一人掌造曆

及教曆生等曆生十人掌司曆天文博士一人
 掌候天文氣色有異密封及教天文生等天文
 生十人掌習候天文氣色漏刻博士二人掌率
 守辰十人同漏刻之節守辰丁二十人掌伺漏刻
 之節以時擊鐘鼓使部二十人直丁三人○愚
 曰當寮者伺天文造曆勘日蝕元日御藥陪從
 童女之年并衣色定之擊開閉諸門鼓又諸時
 擊鼓子午各九下丑未八下寅申七下卯酉六
 下辰戌五下巳亥四下並平聲鐘依刻數又成
 追讎糸御本命祭勤學田十町老陰陽諸生等
 食料名唐司天監大史監唐長安二年置太史令
 延喜式名唐二人景龍以後以令為監改令一員為
 少監國家又曰司天監少監○祠部郎中秘笈
 新書曰東晉而下逮於北齊皆有祠部郎後周
 春官府有典祠中大夫隋有祠部郎唐改為郎
 中龍朔中改為司裡大夫後復故唐職林本朝
 祠部判司事一人以無職事朝官克凡祠祀享
 祭皆隸大常禮院而天文刻漏版於司天監本

當道極官也

司但掌祠祭畫日休暇令受諸州僧尼道士一
 官童行之籍給剃度受戒文牒而已元豐改制
 郎中負外郎始實行本司事續會要○五行尹
 按論語五行列次曰曆數又通典有五官正唐
 乾元元年改太史房為司天置官正謂春夏秋
 冬中五官也尹尔雅正也掌五行之儀也

助

○當道者陰陽道也謂賀茂安倍之兩家第一
 之者任之也更他人不任之○令頭權官无之
 權相當從六位上唐名司天少監
 大史少監 五行少尹

同道輩五位六位共任之

○同者賀阿二家名唐少監唐長安二年置大史
 也○令无權助名唐令二人景龍二年以令為
 監改令一員為少監國
 家又曰司天監少監

允大 唐名司天丞 大史丞

同道被官門生等任之

○被官者附屬之者也。陰陽諸生以上者名也。門生門徒皆當察與力之者。又弟子等者中撰其器也。○丞司馬彪續漢書曰大史有丞一人。歷代因之。疑漢官也。

屬大 唐名司天主簿

○官位令大屬從八位下少屬大初位上。○主簿主事共掌簡策者也。○簿字麋韻伴媵切籍也。笏也。徐廣云手版也。周禮司書註疏古者有簡策以記事若在君前以笏記之。後代用簿簿。今手簿正許國大曰督簿。又與典正字五書版也。

陰陽博士 權 相當正七位下 唐名大卜正

同道五位以上任之

○令无權博士職負令曰陰陽博士一人掌教陰陽生等陰陽正唐名大卜正不當理也。大卜生十人習陰陽正者灼龜而占吉凶者也。周禮有大卜掌三兆之灋是灼龜也。唐書有大卜令掌卜筮之法。今此博士掌陰陽生教授之事。非灼龜之任。凡日本者於神祇官灼龜故神祇官唐名謂大卜今博士謂大卜非也。

陰陽師 相當從七位上 唐名大卜師

近來強不任之歟

○職負令陰陽師六人掌占筮相地注占者極數知來曰占也。筮者著曰筮也。相視也。○近來者不在此。陰陽師也。百官唐名抄陰陽師無唐名也。愚按周禮正大卜師又不當此官。此陰陽師。筮人當此官也。誤勤周易著策者也。非灼龜之

任凡卜筮者上龜占也筮著占也此大卜師用陰陽師之唐名非也蓋又後代掌卜法殷延喜式不見譬雖成私卜法不掌天子之占上又不

曆博士

權 相當從七位上 唐名同曆 或司曆正保

曆道任之近代五位以上任之

○職負令曰曆博士一人掌造曆及教曆生等曆生十人習曆○令无權○曆道賀茂也○按欽明天皇十四年夏六月遣使百濟召醫博士辨博士曆博士等十五年二月百濟奉勅貢易博士施德王道良曆博士因德王保孫醫博士奈卒王有悽陀採藥師施德潘量豐固德丁有陀樂人德三斤等皆依請代之是日曆博士之始也呂氏春秋曰容成作曆世本亦云黃帝內傳曰既斬蚩尤乃命唐司曆此二字出左傳容成造曆以司天也

曆博士唐代有此官○正保者保章正之心乎唐代有保章正掌星辰日月之變動

天文博士

權 相當正七位下 唐名司天 又靈臺郎

天文道任之近代五位以上任之

○職負令曰天文博士一人掌候天文氣色有異密封及教天文生等天文生十人習候天文氣色私曰氣色風雲之氣色也言以五雲之色見其吉凶候十二風氣知其妖祥其天文博士職掌唯言氣色不言風雲者藥氣色則有風雲可知○天文道安倍氏也○令无權博士○百寮云蒙可伺變異之由唐司天上詳○靈臺郎兼宜旨曰之密奏宜旨唐改太史為司天監掌天文曆數風雲氣色其小吏有靈臺郎時乾元元年也文選靈臺銑曰天子觀氣候之臺天子升於此臺以考校歲時政理善惡

漏尅博士

權 相當從七位下 唐名司辰又挈壺正或司辰司尅

五位六位共任之

○職負令漏尅博士二人掌率守辰丁伺漏尅之節守辰丁二十人掌伺漏尅之節以時擊鐘鼓○擊開閉諸門鼓擊時鼓依刻數撞鐘皆漏尅博士職也唐司辰掌辰尅之心挈壺氏風俗令無權博士名唐通曰挈壺氏始構作漏尅數年而挈壺死漏尅不鳴三日人皆驚云挈壺人名後則為官名○日本漏尅之始齊明天皇六年春正月皇太子初造漏尅使民知時皇太子者則天智天皇也○梁刻漏經曰肇於軒轅之日宣于夏商之代至周挈壺氏掌之○司辰司尅如字○宗尤曰箭立壺中而其箭為刻百而浮水從水漏頭一刻則為一刻則為二刻而浮如斯知晝夜百刻時尅也年中四十八箭交替也但一歲二十四氣也一氣十五日也十五日

之半分七日半也七日強半更立一箭一月而四箭可立替也故十二月四十八箭代之

内匠寮

令外唐名少府 掌工匠事但近代木工修理知其事頗似無其實

頭人

无權官 相當從五位上 唐名少府監 或中匠令

諸大夫及諸道五位等任之

○令外令義解曰漆部正大同三年併内匠寮内匠助令外置之内匠頭從五位上助正六位下延喜式内匠寮凡每年元正前一日官人率木工長上雜工等裝飾大極殿高御座蓋作八角角別上立小鳳像下懸以玉幡每面懸鏡三面當項著大鏡一面蓋上立大鳳像惣鳳像九隻鏡光五面慢臺一十二臺立高御座東西各四間又朱漆器飯椀以下皆當寮處掌云○諾道四道并醫陰也○愚按續日本紀聖武天皇

神龜五年八月始置內匠寮頭一人助一人大
 允一人少允二人大屬一人少屬二人史生八
 人使部始于此御宇也又此寮職天子即位或
 元日於大極殿裝高御座今代無大極殿故用
 紫宸殿所謂高御座天子御座處也形如輿八
 方懸鏡合北五面頂上有鳳像女官以長柄唐
 團蔽之群臣立殿前地上拜之又天子即位時
 今代陳座內建幄家行內辨也此高御座內匠
 寮造之又漆供御雜器臺盤膳花盤飯椀擎子
 盛御膳盤也蓋割爪刀子筥之類柳筥屏風骨
 御鏡御太刀內印外印以銅鑄造之諸司印同
 上諸國印同上斗帳御輿腰車牛車幄柱
 五月六日毳子大寒自立諸門土偶人笠柄杵
 筥銀鍋子燈臺皆唐名少府之名出于內藏寮下
 內匠寮掌之作之名唐○中匠令或曰此非唐名
 掌內工匠故名追可考
 助權 相當正六位下
 唐名少府監 同六位任之

允大 唐名少府丞 六位待任之

屬大 唐名少府主事

已上中務被官也

○愚曰聖武置內匠寮時未定位相當天長年
 定令義解時以內匠頭為從五位上助為正六
 位下允屬相當未定也故此書不付相當者也
 ○被官者附屬之官也入中務省下也被官有
 行公事者則申中務中務申太政官太政官奏
 天子也中務者今代與頭類也被官者其與予
 類也八
 省皆同

式部省 當唐吏部

周禮天官大宰之職也國家典章皆是此官所

統也本朝文官除授考選事今掌之

○職負令式部卿一人掌內外文官名帳選叙禮義版位位記按勲績論功封賞朝集學校策試貢人祿賜假使補在家令切臣家傳田事大輔一人少輔一人大丞二人掌勘問考課餘同中務大丞少丞二人掌同大丞大錄一人少錄三人史生二十人省掌二人使部八十人直丁五人○文官者雅樂大學木工內匠等之類也武官兵部集人近衛衛門等類是也除者除目任官也授者叙位之儀也○周禮天官冢宰大宰之職掌建邦之六典以佐王治邦國一曰治典以經邦國以治官府以擾萬民二曰禮典以和邦安邦國以教官府以擾萬民三曰政典以平邦國以正百官以均萬民四曰刑典以誥邦國以刑百官以糾萬民六曰事典以富邦國以任百官以生萬民云鄭目錄曰象天所立之官也冢大也

宰者官也天者統理万物天子立冢宰使掌邦治亦所以惣御衆官使不失職云釋云象天者周天有三百六十餘度天官亦惣攝三百六十官故云象天也官者又是管攝為號故題曰天官也又云冢大也宰者調和膳羞之名此冢宰亦能調和衆官故号大宰之官○書周官冢宰掌邦治統百官均四海注曰冢大宰治也天官卿治官之長是為冢宰內統百官外均四海蓋天子之相也百官異職管攝使皈于一是之謂統四海異宜調劑使得其平是之謂均○按延喜式式部職掌專文官之事掌之武官兵部掌之也凡節會行列次第除自奏座配之事神事佛事之使之事任諸國史生定諸司史生郡司大領等有闕申太政官知考選之事知四度解由事知諸國博士醫師補在諸神官司司之事掌馬料事太政官以下諸官皆給之右皆式部省所掌也此省者與周禮天官職相配典章者法度之儀也天官者定六典以章明天下故曰典

章又本朝式部如此但文官官位昇進之事考
 年勞奉公而令選舉事此省掌之也○考選令
 義解曰考校也言考校一年切過也選者選其
 官者也周禮周世記官職書也或云周公且作
 之吏部唐書掌文官名唐置列曹尚書四人其人
 選舉如式部者也名唐置列曹尚書四人其人
 曰常侍曹光武改常侍曹為吏曹令主選舉靈
 帝改吏曹為選部魏改選部為吏部主選事晉
 宋梁陳亦然初學記宋武帝大明二年分吏部
 尚書置二人通鑑後周依周六官置大冢宰卿
 隋復改曰吏部唐改選部龍朔間改為司列咸
 亨初復舊光宅改吏部為天官神龍初復舊天
 寶間改為文部至德初復舊掌文官選舉總判
 吏部司封司勳考功四曹事通典○愚按六位
 以下官位式部掌之但武官六位以下官兵部
 掌之或曰除授者任官之名是非說也除官也
 授位也
 上記之

卿一人

相當正四位下 唐名吏部尚書

七省皆同之

○八省之中中務卿正四位上也七省卿皆正
 四下也故曰名唐吏部尚書歷代後漢有選部尚書
 七省皆同名魏改選部為吏部專掌選職右
 於六曹尚書宋置二吏部尚書廢五兵尚書尋
 復舊名齊梁陳後魏北齊皆曰吏部尚書後周
 依周官置大冢宰卿一人七命隋復曰吏部尚
 書六典注自漢及魏授此職者咸云吏部尚書
 近代親王四品已上任之人臣任之希例也凡當
 職其寄異他每年於本省行諸國一分召也一分
 召者任諸國史生之名也史生謂之一分

○當卿親王任官也又人臣任例公賢公建武
 元年十二月十七日任式部卿于時前內大臣
 同二年二月十六日轉右大臣式部卿如元大

納言大伴宿祢安磨參議之時任式部卿天寶是卿之始也○異他其職異他六省者也本省式部省也○一分召愚曰諸國史生者與諸司史生並見之則諸國史生至重故諸人望之諸司史生以年勞任諸國史生式部卿掌之又院官大臣參議等入每年給年給時給此諸國史生也式部式曰凡左右近衛長上十五年番上北年為限每季各二人左右兵衛各一人左右衛門隔年各一人任諸國史生凡在外國諸司史生准諸國史生申補任凡雜色輩頗有耐書筆者省課試補任諸國史生凡大舍人勞北年為限每年一人在諸國史生凡主計主稅勘解由等寮使史生勞十年為限以外諸司史生北年為限並補諸國史生凡諸國史生者大國五人上國四人中國三人下國二人並不得任當國人云云批云元明天皇和銅五年始置諸國史生○萃菴云一分召者史生曰一分目曰二分椽曰三分介曰四分守曰六分史生曰一分又

年給椽以下給之假令給史生則其人執史生祿以召仕史生也越而五位以上文官中務掌之六位以下文官式部省奉行也自五位取位田今之如取所領者也六位以下無位由今之如切米取者也其故叙位之時六位以下不被載云本省者式部省也一分召事是干首卷召者召選任之儀也

內給院官大臣以下參議以上皆有年給式部卿行之也近代其禮久絕畢件日者式部卿乘鹿差

絲毛車殿上丞一人乘結唐尾馬前駢云

○院宮給江次第椽一人殿二人太政大臣目一人一分三人或云親王每年二合大臣隔年二合左右大臣目一人一分二人大臣或三合任介云但未見其例納言二分一人一分一人四年一度二合獻五節明年不待巡二合參儀

二分一人一分一人獻五節明年外不三合大
 臣以下參議以上獻五節明年必一合又云諸
 官給院官任寮助內親王任寮允院官給不在
 司佑亦無任彈正忠例又不任式部民部兵部
 大藏等丞○內官三官也院官者太上天皇東
 宮御給也議于首卷三官以下參議已上皆有
 年給則式部卿奉行也但近代此禮絕○庶差
 絲毛車者內親王內命婦更衣以上之處乘之
 車也車軒下葦庇曰庶差以白糸裝車屋上曰
 絲毛也○唐尾者大唐之馬不燒毛不剃髮故
 尾長生因茲結其尾曰之結唐尾也此時者鞍
 又置唐鞍也女房乘絲毛車則以牛引之其鞍
 緋今式部卿所乘可牛見延喜式○前駟乘式
 部卿先故曰前駟詩衛風伯兮篇執殳為王前
 駟又出

大輔一人

權一人相當正五位下
 唐名吏部大卿又吏部侍郎或考功郎中

近代儒中二位三位帶之

○令无權大輔○儒中者日野南家式
 家菅江清中坂上等詳于大學寮下
 此大卿不相應也按後周曰大家宰卿今式部
 卿相應也又此書以大輔為大卿事手務輔與
 式部輔而已其外六省以大輔為侍郎不言大
 卿今見百官唐名抄中書輔為侍郎式部輔下
 注曰今見李部大少卿云是皆非唐名本朝之
 名稱也八省中中務式部其任重故以輔為大
 少卿者也是類多可辨知者也○吏部侍郎
 杜氏通曲曰隋煬帝置六司侍郎貳尚書之職六
 品以下銓補多貳之六典通典隋高孝基為吏
 部侍郎古之小宰之職也○考功郎中杜氏通
 典後魏有考功郎也宋齊並置考功郎也隋文
 帝置考功侍郎煬帝改考功郎中唐武德初復
 為考功郎中又唐選舉志曰玄宗開元廿四年
 考功員外郎為貢舉說謂帝以員外望輕遂移

貢舉於禮部以侍郎主之禮部選士自此始註
考功吏部有舊考功員外郎分掌考選科試毀
謗也訶怒也當時李昂為員外郎與貢舉為進
士李權所試望輕猶言職小也舊制考功員外
郎掌試舉人由是被詆訶之後朝議以考功位
輕不足以臨多士次年遂以禮部侍郎掌焉○
愚曰考功郎中異朝考校奉公勞功選才能進
官之職也式部又如此故附此唐名也此式部
唐名昔曰選部是又選功能之心也

少輔一人

唐名吏部郎中又吏部員外郎又大
權一人相當從五位下

儒中之重職也仍他人不任之

○令唐吏部郎中此郎中可為丞唐名也百官
无權名唐名抄云式部輔大小吏部侍郎云八
省皆輔侍郎丞郎中也又以權官為員外郎事
是古來例也又以少輔為郎中不叶理○吏部

員外郎唐六典吏部員外郎掌選院謂之南曹
注曰其曹在銓曹之南故謂之南曹○大常少
弼大常神祇官之唐名也不相應又百官唐名
抄无大常少弼是後人附之乎按周禮司常漢
太常後漢太常卿唐太常皆以掌廟社之禮儀
者也今附之謬也又白和朝文章曰李部者皆
式部事也通典隋開皇始置吏部員外郎

大丞二人

相當正六位下七省丞相當皆同

○七省者八省之中除中務其餘七省丞皆正
六位下相當也但今見官位令八省大丞共正
六位下也此書八省之中中務大丞為正六位
上與七省異之是後代以中務丞為重乎
唐李部郎中杜氏通典曰周官大宰屬官有下
名大夫益吏部郎中職在選舉魏晉用人效於
時選其諸曹郎功高者遷吏部郎也隋煬帝改
吏郎中為選部郎唐
為吏部郎中有二人

少丞二人

相當從六位上丞又云侍郎
使部侍郎職侍中著緋初出紫微官云
是六位藏人為式部丞而叙爵時事也

○官位令八省少丞從六位上○侍中指六位
藏人著緋緋五位袍也紫微官禁中也此詩在
衡自六位藏人任五位式部丞之時橋正通賀
乏詩也此詩出于和漢朗詠集又叙爵者叙從
五位下儀也夫六位以下者無位田至五位始
有位由從五位下領位田八町故以從五位下
稱叙爵此以下謂叙爵者以之可知也又六位
藏人叙五位日必去職故在衡叙五位日為式
部丞者也○紫微官春秋元命苞曰紫之言此
也官之言中也言天神圖法陰陽開閉皆有此
中私曰紫微元天名也以禁中比天故曰紫微
官○或說曰此在衡始為式部少輔五位而補
五位藏人而出入禁中橋正通賀之作此詩與
本書意相違也又以式部丞另侍郎無其謂事
也云又云此詩入此事非親房作後代人加入

之平云

當省并民部丞謂之二省丞必可給爵者所任也

但式部者可然諸大夫云魁象任之民部者侍之

中宿老重代輩任之号民部大夫五位是也假令

檢非違使受領等次也抑當省丞者依關所任也

若無其關者以太丞上薦令叙爵次第轉任加新

任者也又叙爵時乃去其職

○可給爵可叙爵也宿老有多年奉公勞人也
重代代守其職侍也大夫五位惣名也此時
訓多伊守又四職大夫者馭以武訓也檢非違
使受領者廷尉尉兼諸國人也左衛門尉兼伊
豫守是日檢非違使受領以此類可知今此二

省丞者對檢非受領有其下者也。依闕者大丞二人之中一人闕則少丞任之是例也。若又久无大丞闕而少丞其勞重則以大丞宿老為少輔而少丞入其闕也。又丞相當六位也。叙五位時去丞例也。○良家異朝之例為高家。勳名不限諸大夫者也。晉書胡貴嬪名芳父舊家世將門為鎮軍大將軍武帝多寵良家之女以充內職。○轉任江匡房曰以少任大以權任正曰之轉任。○民部大夫清三位宗尤曰八省丞左右近將監左右衛門尉左右兵衛尉等叙五位時謂中務大夫式部大夫治部大夫兵部大夫刑部大夫大藏大夫宮內大夫左近大夫右近大夫左衛門大夫右衛門大夫右兵衛大夫左兵衛大夫今此民部大夫以是可知六位丞叙五位凡稱大夫也是侍之面目也。掃部助主計助等叙五位謂掃部大夫主計大夫玄蕃大夫大炊大夫官與位一度呼之民部丞叙五位則曰民部大夫也。

錄

大正七位上少正八位上
唐名吏部主事

○或云式部曰李部事進士李權故事也李權事上詳又李蕭任吏部尚書故也吳志

大學寮

唐名國子監

頭一人

无權官
凡諸寮頭權官有無不同

相當從五位上
唐名國子祭酒

○職員令大學寮律學二人明法生十人文章生二十人得業生十人。頭一人掌簡試學生及釋奠事助一人。大允一人。少允一人。大屬一人。少屬一人。博士一人。掌教授經業課試學生。云○延喜式云大學釋奠式多用漢音按凡讀書法儒書史傳皆用漢音佛書用吳音本朝之書吳漢交用是故實也。但經史傳之處漢音自餘吳音可用之也。此大學寮儒法也。故用漢音

○今御注長久四年格曰大學者尚才之處養賢之地也。天下之俊成來海內之英並萃云百寮曰儒道之輦道達有名譽人任之此寮有先師御影曰之。庶堂自諸國撰學生於此寮晝夜學問不怠有寮試有燈燭料故學者日秀出。今代其事絕也可悲。周禮曰凡國有學遂有枝鄭玄曰勘校。名周國子監晉初立國子學改大學經業之處也。名周國子學始置祭酒唐高祖作國子監釋奠先師後漢有博士祭酒官。祭酒唐書曰國子監祭酒一人從三品司業二人從四品下掌儒學訓導之政云。愚按祭酒古者指其席長上。人曰祭酒索隱曰食必祭先飲酒又祭先必以席中之尊者一人當其祭耳。後代因以為官名是祭酒事也。

大學寮者四道儒士出身之處也。和漢取為重職紀傳明經明法筭道謂之四道。又當寮安置先聖先師九哲春秋二仲釋奠有東西二曹管江

二家為其曹主諸氏出身之儒訪道於此二家而已寮頭者儒中之撰也但雖非儒又有例

○四道則儒家也。紀傳風士記曰四道書經宗者毛詩二十卷尚書十三卷周易十卷禮記二十卷左傳三十卷以上五經儀禮十七卷公羊傳十二卷穀梁傳十二卷老子經二卷論語十卷孝經一卷周禮有故實以上十二經畢記傳者漢書百廿卷或三十卷後漢書九十二卷或百廿卷。史記八十卷或百十卷。三史文選卅卷。注文選六十卷。魏志卅卷。吳志廿卷。蜀志十五卷。謂之三國志。晉書百卅卷。宋書百卷。齊書五十卷。梁書五十卷。陳書八十卷。真書二百卷。高祖實錄三十卷。太宗實錄四十卷。貞觀政要十卷。群書治要五十卷。北史九十五卷。南史八十卷。修文御覽三百卷。百詠二卷。朗詠六卷。蒙求三卷。唱和集二卷。唐勺一卷。大

功勺○明法者法家本律六卷唐貞觀勅格十卷新律十卷以上唐書養老二年右大臣不比等撰令十卷天長十年右大臣夏野等撰之弘仁格十卷自大寶至弘仁十年中式卅卷弘仁十年四月廿一日癸貞觀格十二卷自弘仁至貞觀令二十卷貞觀十三年八月廿五日癸延喜格十三卷式五十卷延長五年十二月六日癸纂筭道大行曆一卷九章剽除私記九卷九司筭術一卷長慶宣明曆二卷新集筭例一卷此外不載云○先聖孔子先師顏回九哲閔子騫丹伯牛仲弓宰我子貢冉有季路子游子夏春秋二仲公事根原曰釋奠二月上丁日是者每年二度二月八月行之上丁日行之若日蝕國忌祈年之祭等相當時中丁日行之也於大學寮孔子并十哲之影祭之也上卿辨少納言等參立廟著寔德之座文章博士出題孝經禮記毛詩尚書論語周易左傳順年讀之明日釋奠之饌持藏人持之進朝餉之前藏人又一人

於御手水之間簣子曰彼何者藏人吞曰大學寮昨日之釋奠物高捧持入瀛中此釋奠文武天皇大寶元年二月始之禮記王制釋奠與幣禮先師云以此故曰釋奠後漢明帝孔子宅幸而祠仲尼并七十二弟子云又先聖者曰孔子先師者曰顏回上古以周公曰先聖以孔子曰先師唐太宗貞觀二年改先聖先師為孔子顏回又神護慶雲二年改孔宣父曰文宣王見弘仁格至今奉納大學寮孔子十哲影自異國來而我朝為累代物也又八月釋奠上丁日如春也愚曰二仲二月春之中也八月秋之仲也故曰二仲禮月令上丁日命樂正習舞釋菜天子乃師三公九卿諸侯大夫親往視之仲丁又命樂正入學習樂注必用丁者以先庚三日後甲三日也樂正樂官之長也習舞釋菜謂將教習舞者則先以釋菜之禮告先師也嚴陵方氏曰凡言釋奠則有飲焉言釋菜則以芹藻之類而已○二曹者大學寮中有二曹管原一曹大江

曹則為主。非儒非儒家而任頭事也。權中納言實世建武元年十二月十七日任大學頭。是非儒而任之。此例多。紀傳明經明法筭道事下詳。釋奠祭法禁中先聖先師九哲共祭。諸國先聖先師也不祭。九哲延喜式曰：釋奠十堅鹽座。二座先聖文宣王。先師顏子。座別。籩十。堅餅。乾魚。乾棗。栗。棗。榛。子。人。菱。人。芡。人。鹿。脯。白餅。黑餅。豆。十。韭。菹。醢。青。菹。鹿。醢。芹。菹。菹。笋。菹。魚。醢。脾。折。菹。豚。胾。籩。二。稷。飯。黍。飯。籩。二。稻。飯。梁。飯。籩。三。大。羹。銅。三。肉。羹。俎。三。牲。肉。外。方。日。籩。外。圓。日。籩。似。小。盃。次。從。祝。九。座。閔。子。騫。毋。伯。牛。仲。弓。毋。有。季。路。宰。我。子。貢。子。游。子。夏。座。別。籩。二。栗。黃。鹿。脯。豆。二。葵。菹。鹿。醢。籩。一。稷。飯。籩。一。黍。飯。瓠。一。大。羹。銅。一。肉。羹。俎。一。牲。肉。先。聖。酒。樽。壘。三。具。先。師。樽。壘。二。具。凡。祭。器。弊。則。埋。祭。服。弊。則。燒。凡。應。講。說。者。禮。記。左。傳。各。限。七。百。七。十。日。周。禮。儀。禮。毛。詩。律。各。四。百。八。十。日。周。易。三。百。一。十。日。尚。書。論。語。各。二。百。日。孝。經。六。十。日。三。史。文。選。各。

准天經凡博士誦說者依日數給食料且米二外酒一升監一合東鯁二兩雜臘二兩雜鮓二兩海藻一兩油夜別一合誦說訖准經賞錢大經卅貫中經廿貫小經一十貫論語孝經小經三史文選律各准大經令孫子五曹各准小經凡諸博士學生等計宿給燈湯料錢明經博士夜別各廿文餘博士十五文先生十文後生五文。

助

權助 相當正六位下

諸大夫任之

唐名國子司業 唐名國子司業 隋煬帝大業三年始於國

允

權助 相當七位

近代六位侍任之

唐名國子丞 唐名國子丞 唐書曰 國子丞隋置官與司業之官同置也唐書曰 國子丞一人從六品下掌判監事每歲七學生業成與司業祭酒蒞試登第者上於禮部

屬大少 唐名國子主簿

○官位令大屬從八唐國子主簿事物紀原曰

位上少屬從八位下名北齊初置國子主簿唐

書曰國子主簿一人從七品下掌印句督監事

七學生不率教者舉而免之

文章博士二人相當從五位下唐名翰林主人又翰林學士

紀傳道儒士之撰也異朝殊重之居此職者必

轉于參議也又詔勅等悉學士所書也本朝同

雖主文章於詔勅者內記之所掌也

○文章博士者史記漢書以下之史官歷代書

并詩文之書讀人也其紀傳之役也管原大江

日野南家也○詔勅異朝學士所書也本朝不

掌詔勅文章但內記之役也其餘文章或讀書

之事文章博士之所奉行也唐太宗時召名儒

以草制待詔常於北門候進止號北門學士

是詔勅者學士所書之證也但詔書者大事所

給之書也勅旨者小事用之三代實錄曰貞觀

元年六月廿五日文章博士職由元給四町余

加二唐翰林主人翰林學士事物紀原曰唐太

町名宗時名儒時召以草制待詔常於北

門候進止號北門學士明皇改曰翰林待詔已

而改爲供奉開元二十六年乃爲翰林學士此

蓋其始也○延喜式有文章博士明經博士明

博士一人

相當正六位下

唐名大學博士

職負令曰大學寮博士一人掌教授經業課

試學生助教二人掌同博士學生四百人掌分

受經業官位令大學博士正六位下○愚按養

老年令無文章博士明法博士等博士只有博

職原金

卷之三

三

士一人是明經博士也。此時三道无博士。明經一道有博士。此博士參天子御侍讀。此曰大學博士。蓋天子讀書初必孝經也。此博士令講釋。故世以号大博士。此博士讀十三經。職也。聖人之心學。飯之清原中原其家也。

唐 大學博士通典曰。漢武建元五年初置五經博士。按趙岐孟子題辭云。漢興孝文欲廣游學之路。論語孝經孟子爾雅皆置博士。後罷傳記博士。獨立五經而已。此今大學博士之職也。晋江左增置國子博士六人。始謂之太學博士。唐書大學博士六人。正六品上。掌教五品以上及郡縣公子。孫從三品。曾孫云。

明經道之極官也。中古以來清中兩家依位次任之。號大博士也。近代五位官也。

○清原中原曰明經道也。依位次依位階次第任之也。清中兩家五位以上才文明哲。人任之。

又雖清中非其才。非其學位。又早人不可任之。故曰依位次也。○後漢光武之時。載蕭宗次仲舉明經試博士。云是後漢代明經始乎。

助教二人 相當正七位下 唐名國子助教

司道輩任之近代六位以上之官也

同道明經也。○助教又與博士同。十二經職之元慶六年之比。從五位下助教善淵。朝臣愛成。宜陽殿奉讀。日本記。天子御殿群臣侯。是又助教令侍。唐國子助教。晋咸寧四年。初立國子讀之例也。唐學置助教。以教生徒。唐書國子助教五人。從六品上。掌佐博士。分經教授。

直講二人 相當正七位下 唐名直學士 同上

○令外也。○愚曰。此直講明經道任之。故謂同上。假令明經博士長官也。助教次官。唐直學士也。直講判官也。以之可知其職掌。唐職林曰。

唐憲宗朝裴均奏集賢御書院請五品已上為學士六品已下為直學士非登朝者為校理唐書直講四人掌佐博士助教以經術講授

音博士二人

相當從七位上 唐名音儒

同道末儒官也近

代五位以上

○令曰音博士二人掌教音○令御注延曆十一年格曰如聞明經之徒不事習音發聲讀誦既致訛謬靜言其弊尤乖勸誘宜令大學及國學明經生等兼習又十七年格曰一諸讀書出身等皆令讀漢音勿用吳音一大學生年十六以下欲就明學者先讀毛詩音欲就史學者先令讀爾雅文選音○愚曰音博士教諸書之音訓各目人也明經道末流之人任之日本持統天皇御宇大唐續守言陸弘恪是音博士也百濟末士善信是書博士也此時既自異朝來也○音儒正音之儒也故曰音儒非唐名乎

書博士二人

相當從七位上 唐名書儒

同上

○職負令書博士二人掌教書○教筆法官也明經儒故曰之書儒也異朝之例音博士書博士則唐名也音儒書儒皆之者乎是非唐名乎

明法博士二人

相當正七位下 唐名律學博士

明法道之極官

也中古以來坂上中原兩流為法家之儒門以當職為前途

○明法博士令外官○愚曰和漢讀教律令格式之官也坂上中原人任之此兩家曰法家唐律學博士晉始置唐因之掌教八品以下及庶人子為生者律令為顯業兼習格式法例○坂上者後漢靈帝五世孫高貴主始來于本朝其子忘拏直任丹波賜坂上姓○中原者安寧天皇第三皇子磯城津彥命後也

算博士二人

相當從七位上
唐名算學博士

算道之極官也。算道者王善氏傳之，仍一人者必用其家儒也。今一人小槻氏任之，善家者習

算術，小槻氏者為諸國調賦，算勘居其職云。

○職負令算博士二人，掌教算術，算生三十人，掌習算術。○算博士則算道博士也。知大行曆宣明曆等之曆書造曆，或又諸國調賦之算用之事，皆掌之官也。三善小槻家任之，調賦小槻氏任主計，算師是也。或云文二寮知算勘事也。○或曰以三善氏曰其家儒何也？曰三善氏不學，則不克讀曆書，故古來善家有儒者，清行等任文章博士，以此曰其家儒也。但小槻氏一向習算勘而已。小槻氏者今雄之後胤也。代々任左右大史家也。善家小槻習算之道各別。

唐算學博士二人，從九品下，掌教八品以下及庶人子為生者，二分其經以為業。云後漢律曆志曰：隸首作數，晉律曆志曰：黃帝使隸首作算數，是算之始也。

凡四道儒者第一等秀才，第二等明經，第三等明

法，第四等算道也。見令條紀傳儒者古來多有登

用之人，大業之儒任大臣菅氏及粟田大臣在衡

公等是也。至今日野南家儒，昇納言日野俊光卿

始任大納言，畢菅家相續，又任參議者也。明經者

昔承成爲寬平侍讀，聽昇殿，其後清中兩流立，其

家以外史房務爲先途，或以候院上北面列

職原錄 引事考卷三 四十九

執政家別當為極望近至先朝清原良枝真人為

二代侍讀作七旬者老口奉授六經之說古今未

曾有云仍有勅問被聽昇殿其子賴先又繼父跡

昇殿畢

○秀才紀傳道也令條考課令也以上第中第
下第選四道其法詳載之曰凡秀才試方略策
二條文理俱高者為上上文理高理平理高文平
為上中文理俱平為上上文理粗通為中上上
劣理滯皆為不第凡明經試周禮左傳禮記毛
詩各四條餘經各三條考經論語共三條皆舉
經文及注為問其答者皆須辨明義理然後為
通通十為上上通八以上為上中通七為上下
通六為中上通五及一經若論語考經全不通
者皆為不第通二經以外別更通經者每經問

大義七條通五以上為通凡進士試時務策二
條帖所讀文選上帙七帖介雅三帖其策文詞
順序義理皆當並帖過者為通事義有滯詞句
不倫及帖不過者為不帖策全通為甲策通二
帖過六以上為上以外皆為不第凡明法試律
令十條律七條令三條識達義理問無疑滯者
為通粗知綱例未究指版者為不全通為甲通
八以上為上通七以下為不第又策者簡也○
登用者登高官之号也或作登庸書堯典曰帝
曰疇咨若時登庸云始出于此○大業紀傳儒
也○管氏天神林氏曰天德日命十有四世孫
曰野見宿祢居出雲國垂仁天皇時野見宿祢
奉勅到大和國與當麻蹶速角力而贏而終以
足踏腰殺之其後又賜土部姓其後光仁天皇
御宇土部宿祢之後遠江以土師宿祢古仁散
位土師宿祢道長奏請依其所居地名改土部
為菅原姓詔許之桓武天皇延曆九年詔菅原
宿祢道長秋篠宿祢安人並賜姓朝臣古人之

職原錄 引事考卷三 四十九

子曰清公清公之子曰是善是善侍讀清和帝
仕至參議正四位下勘解由長官兼式部大輔
播磨權守是善之子者乃管丞也名道真字
三也世稱管三真觀四年五月補文章生九年
為得業生十八年進成侍從仁和年中任讚岐
國守寬平五年二月進為參議九年六月經中
納言外大納言兼大將是年十月延喜帝即位
昌泰二年二月累進至右大臣右大將如故時
左大臣時平讒之昌泰四年延喜元年也正月
二十日左遷大宰權師延喜三年二月廿五日
右大臣薨于配所葬安樂寺年五十九○粟田
大臣宗尤曰今者其家漸絕又抄云在衡大江
氏也凡大江氏者菅原一家也祖武天皇延曆
九年冬十二月勅管原真仲中師管麻呂改其
姓為大枝朝臣是大江之始也枝又作江又土
師宿祢諸士賜姓大枝朝臣也○日野右大臣
內麻呂一男真夏者日野祖也○南家者淡海
公不比等之一男武智磨南家之祖也武智磨

之子豐成惠美仲磨昇大臣乙磨任參議乙磨
之孫雄友任大納言○俊光者真夏十七代也
任權大納言○愛成愚按大外記善洲朝臣愛
成者貞觀年中詔與右大臣基經等數輩撰修
文德實錄貞觀十年正月十六日為右中辨元
慶二年二月廿五日於宜陽殿東廂始讀日本
紀其後寬平宇多御宇參御侍讀令昇殿○清中
原中原也天武天皇之子舍人親主四代右大
臣夏野始給清原姓曰清原真人中原上記○
外史房務外記房務也詳于外記下先途者極
官之意院上北面院有上北面下北面上北面
者四位五位諸大夫任之聽昇殿下北面侍官
也不昇殿執柄家別當是攝政關白大臣家別
當也諸大夫宿老任之先朝後醍醐也○清原
良枝萃菴曰系圖謂七代侍讀良枝七代侍讀
龜山後宇多後一條後伏見持明院新院東宮
又內昇殿侍讀賞也良枝宗尚良兼宗枝良賢
賴季宗業業忠宗賢宣賢宣賢則清三位宗尤

也自良枝至宗允皆昇殿云者老戶令日六十一為老六十六為首○口授出所宋揚億贊曰伏生明經為秦博士祖習微言流離耄齒壁藏其文口授其旨建號旌儒錫封作里○勅問者有勅被尋問官底而後聽昇殿也召大臣法家問先例曰勅問

明法者昔允亮通成等以當道任廷尉佐勘解由次官等坂中兩家立家以來以廷尉法儒大判事為先途又候院下北面執柄家已下侍所輩等有之中原章職其子章任等依為侍讀致訖訟被聽院上北面其後章任任修理大夫畢竿道者當初尤微微也而王善雅衡屬權貴起其家子孫補六

位藏人至遠衡朝衡者刺聽仙籍訖

○允亮通成事未携本系按水土抄曰寬治七年十二月八日養父房傍親服不可著之由允亮勸申本生服不可著之由允正勸申道成云二允所謂云然則二人寬治比人也當道明法也此時未定坂中家其明律令格式人則任明法博士也坂中坂上中原也系圖記于明法博士下廷尉法儒者檢非違使尉也法儒或法家皆明法之事也大判事刑部屬官也院下北面侍之官也侍所者有別當職事見于關白家之下○中原章職萃菴曰章職子章繼其子章任也然則章任者章職之孫也侍讀者奉授儒經於天子也上北面者諸大夫任之多令昇殿官也微々文選注幽微負謂其家小也雅衡屬權貴者清三位宗允曰雅衡者與力西園寺故曰權貴愚按雅衡東鑑曰寬元四年正月廿八日主稅頭雅衡筭道自京都進狀云今年朔餘事

不可令蝕之旨兼申人之處忽有合之間為其賞所入之叙正四位下候也云寬元比人也仙藉萃菴曰補藏人頭事也或謂院昇殿非也

治部省

當唐禮部

周禮春官太宰伯之職也天地神祇之禮此官

之所掌也本朝又當省掌禮儀事准唐禮者神

祇官 唐云祠部 可屬此省也當時此省所掌雅

樂事僧尼度緣廟陵等事也

職負令治部卿一人掌本姓繼嗣婚姻祥瑞喪葬贈賻國忌諱及諸蕃朝事治部式曰凡度緣請印者不經辨官直由太政官凡諸大寺并有封寺別當三綱以四年為秩限凡僧尼并沙弥等身死及犯罪因才還俗者收其度緣年終

申官毀之寮案具注事狀○度緣者自朝家撰度者書式也諸寺有關失則其寺僧綱告玄蕃官奉勅令出家也其符且度緣度緣之式見于玄蕃式又僧正等者有宣命而任之沙弥尼度緣者用治部省印又諸寺僧無心願者擇百姓年十六以上者新度補之但寺別令有壯年者五人又天平六年勅云此來度者不考修學只依官舉是非法意又亂聖政自今不許舉度取才器以妙法華寂勝王經為科先皆誦屢問數義中者可得度云桓武御宇延曆廿年勅曰去十七年度者去幼取壯者然性有敏鈍成有早晚局以壯年恐失英彦自今聽取年廿以上云玄蕃式云凡僧正從僧五人沙弥四人童子八人少僧都各從僧四人沙弥三人童子六人律師各從僧三人沙弥二人童子四人威儀師各從僧一人沙弥一人童子二人從儀師各沙弥一人童子二人云○周禮春官宗伯曰大宗

伯之職掌建邦之天神人鬼地示之禮以佐王建保邦國以吉禮事邦國之鬼神示以禋祀祀昊天上帝以實柴祀日月星辰以禋燎祀司中司命飢師兩師以血祭祭社稷五祀五嶽以狸沈祭山林川澤以鬯享祭四方百物以肆獻裸享先王以饋食享先王以祀春享先王以禴夏享先王以嘗秋享先王以烝冬享先王云云小宗伯之職掌建國之神位右社稷左宗廟兆五帝於四郊四望四類亦禘之云云注禋祀取精意以享之義實柴冬日至于圜丘祀之實柴實牲于柴而燔之也司中司命文昌第五星第四星也血祭者取牲血以祭貴氣臭也社土神稷穀神五祀戶竈中雷門井也祭山川曰禋謂藏諸地也祭川澤曰沈謂置諸水也披牲胸中曰鬯礶曰稷四方百物則蜡祭也肆解牲體也獻匕腥也裸灌以鬯也饋食黍稷也春物生未有以享故曰祠夏陽盛以樂為主故曰禴秋物成可掌故曰嘗冬庶物盛多故曰烝此六者所以享人

鬼也四望謂五嶽四瀆四鎮凡名山大川之在四方以望而祭之者四類謂日月星辰以氣類為之位者亦為兆于四郊也○掌禮儀事者僧尼之禮蕃客入朝之禮廟陵之禮治部所知也○神祇官祠部杜氏通典禮部尚書侍郎即中祠部貢舉則祠部者禮部之屬官也祠部事詳于神祇官下凡祠部東晉有祠部即唐代改為祠部即中掌祭祀僧尼之事今准唐朝之禮者神祇官可為治部之屬官也然而日本神國故建別官以置諸官之上是尊神之儀也雅樂音樂也度緣古今出家入必執治部省印而剃髮日之得度其治部省牒印日之度緣又日度牒廟陵者日本曆代天皇之陵并代々親王皇后三公等之墓每年十二月奉幣諸陵及墓等皆掌之者也○春官宗伯鄭目錄曰象春所立之官也宗尊也伯長也春者出生物天子立宗伯使掌邦禮曲禮以事神為唐禮部按前漢成王亦所以使天下報本反始各帝容曹主外國

夷狄後漢光武吏部曹掌齋祀事則今禮部聯也魏尚書有祠部曹及晉江左有祠部尚書掌廟桃之禮後周置春官卿又有禮部禮部名出于後周至隋置禮部尚書唐因之通典

卿一人

相當正四位下
唐名禮部尚書

大常卿

四位以上任之多為公卿兼官

○公卿兼官例基親卿抄云治部卿以四位被登用無其謂乎大臣兼任例冬教公建武元年十二月十七日兼治部卿于時右大臣氏長者同二年二月十六日轉為禮部尚書按後周左大臣治部卿如元始置春官卿又禮部未尚書之名至隋置禮部尚書唐因之龍朔中改為司禮大常伯○大常卿杜氏通典曰唐虞伯夷為秩宗夔典樂太常之任也周曰宗伯掌邦禮秦奉常漢太常皆典宗廟禮儀魏晉宋齊皆有太常北齊曰太常寺置卿及少卿隋唐

因之但太常卿名出于後漢按周禮太常者王之旌也大事則建以行禮日月曰太常也愚按太常卿後漢書曰太常卿一人中二千石本注曰掌禮儀祭祀每祭祀先奏其禮儀云正太常卿名出于後漢也但可為神祇伯唐名今并出

大輔一人

權大輔一人相當正五位下
唐名禮部侍郎

少輔一人

權少輔一人相當從五位下
唐名同

名家五位任之公達又任之

○令无權大少輔職真令大輔一人少輔一人大丞一人少丞二人大錄一人少錄三人史生十人大解部四人少解部六人省掌二人使部六人直丁四人唐禮部侍郎唐因之

丞

大小

唐名禮部郎中

六位侍任之

○官位令八省大丞正
六位下少丞從六位上
曹即掌吉凶禮制皆禮部郎中之職也隋禮部
曹置侍郎一人煬帝除侍字又改儀曹唐因之
稱郎中郎中之名始於隋

錄

大小

唐名禮部主事

雅樂寮

唐名

掌音樂事也

頭一人

無權官

相當從五位上

五位諸大

夫任之堪音律者可應其選歟

○職員令曰雅樂寮頭一人掌文武雅曲正舞雜
樂男女樂人音聲人各帳試練曲課事助一人

大允一人少允一人大属一人少属一人歌師
四人歌女師二人舞師四人舞生百人笛生六
人唐樂師十二人樂生六十人高麗樂師四人
百濟樂師四人新羅樂師四人伎樂師一人腰
鼓師二人使部九人直丁二人○愚曰此寮掌
音樂事雅樂二字論語惡鄭聲亂雅樂此意也
又日本樂人之始欽明天皇十四年自百濟國
始貢樂人此始也又日本習樂之始推古二十
年百濟人味摩之飯化曰學子吳得伎樂舞則
安置櫻井而集少年令習伎樂是習樂之始也
唐大樂唐書太樂署令二人從七品下丞一人
從八品下樂正八人從九品下令掌調鐘律
以供祭饗凡習樂立師以教而歲考其師之課
業為三等以上禮部云○協律郎事物紀原曰
漢武帝置律協都尉以李延年始為之晉改為
校尉後魏曰協律郎蓋漢武帝以延年善新聲
故特為置協律唐書協律郎二人正八品上掌
和律呂錄事二人從九品上人寺品同云協律

會和也

助一人

權助一人 唐名大樂郎

相當正六位下

六位諸大夫任之

允

○今无權助○大樂郎按秦漢以來有大樂令丞無郎也

允

大小

唐名大樂丞

六位侍任之

屬

大小

唐名大樂主事

○官位令雅樂大允正七位下少允從七位上大屬從八位上少屬從八位下

大樂郎唐書有大樂令丞樂正而無大樂郎又主事主簿共屬令等之相應也

玄蕃寮

唐名鴻臚寺掌諸蕃事并僧尼度緣事

頭一人

無權官

相當從五位上唐名鴻臚卿

典客郎中

五位諸大夫任之近例多以諸道輩任之

○職真令玄蕃頭一人掌佛寺僧尼名籍蕃客辭見謙饗送迎及在京夷狄監當館舍事助一人大允一人少允一人大屬一人少屬一人史生四人使部二十人直丁二人延喜式凡蕃客入朝者差領客使二人掌在路雜事隨使一人掌記錄及公文事掌客二人掌在京雜事有史生二人共食二人掌饗日各對使者飲宴自餘使見太政官下又按玄蕃寮掌諸出家佛經讀誦事諸寺僧尼度緣事諸國諸寺佛經僧尼事布施新羅國入朝事等者也○河海云遷都之始東西大官置此寮弘仁以來東鴻臚為東寺賜弘法大師不空三藏賜鴻臚以西鴻臚為西寺賜修因僧都其後七條朱雀建鴻臚而置韓館舍於其中寬平遺誠曰外蕃之人必可召見者在簾中見之不可直對耳○諸蕃新羅百濟高麗等也今代朝鮮人又蕃人也琉球人亦同

唐 鴻臚寺典客漢書曰秦為典客掌諸侯四方
 名 販義蠻夷漢改曰大鴻臚應劭曰鴻臚傳
 乏也傳聲贊道也劉熙曰鴻臚大也臚陳也欲大
 以禮序陳賓客也唐書曰鴻臚寺卿一人從三
 品少卿二人從四品上丞二人從六品上掌賓
 客及凶儀之事領典司儀二署凡四夷君長
 以蕃望高下為簿朝見辨其等位第三等居武
 官三品之下第四等居五品之下第五等居六
 品之下○佛經之始日本紀欽明天皇十三年
 冬十月百濟聖明王遣西部姬氏達卒怒喇斯
 致契等獻釋迦佛金銅像一軀幡蓋若干經論
 若干卷云是佛經始來日本在此時又三韓入
 朝者神功皇后時也先是垂仁天皇之時在那
 國皈化是等蕃客朝貢之始也又與大唐通路
 者推古天皇時十四年秋七月小野妹子臣始
 而遣大唐也又敏達天皇六年冬十月百濟國
 王付還使大別王等獻經論若干卷并律師禪
 師比丘咒禁師造佛土造寺土六人遂安置難

波大別王寺是出家來本朝始也同天皇十三
 年佛像始而自百濟國來以此佛像馬子宿祢
 造佛殿拜之則高麗僧惠便善信尼等令知其
 寺也是日本佛殿家初僧尼之盪觴也

助一人

○令无權助○唐名上記

同六位任之

允

大小

唐名鴻臚丞

六位侍任之

屬

大小

唐名鴻臚史 典客主事

○官位令玄蕃大允正七位下少丞從七位上
 大屬從八位上少屬從八位下○唐名丞上記
 史主事屬之通祿也

諸陵寮

唐名廟陵署 掌諸御陵事

頭一人

无權官相當從五位上 唐名廟陵令

近代賀家陰陽師五位以上任之

○職負令諸陵司正一人掌祭陵靈喪葬凶禮諸陵及陵戶各籍事佑一人史一人云始諸陵司也天平元年改為寮相當從五位上始司正正六位上也見義解○諸御陵者歷代帝王之陵并親王皇后三公等之墓每年十二月奉幣於陵墓掌之也唐廟陵唐百官志諸陵墓令各賀家賀茂也七品下云人從五品上丞各一人從

助一人

權助唐名廟陵監

○通典梁初有陵園監

允大小

唐名廟陵丞

屬大小

諸陵錄事

為禁忌之官仍寮頭之外強不任之

○官位令助正六位下延喜式遠陵近陵合七十三遠近墓合四十八每年十二月奉幣諸陵及墓又曰其頒幣之時申訶陵稱獻出墓稱申出凡山陵者置陵戶五烟令守之有功因墓者置墓戶三烟其非陵墓戶差點令守者先取近陵墓戶充之○寮頭之外者頭者可任也助以下強不任之也依此禁忌之官也凡三韓入朝雖有神功皇后時新羅入朝者垂仁天皇三年新羅皇子天日槍將來物并大玉一箇定高玉一箇鶉鹿赤石玉一箇出石小刀一口出石梓一枝日鏡一面熊神籬一具并七物則藏于但馬國常為神物也其天日槍者田道守之祖也是新羅貢獻之始也又神功皇后卅九年遣使魏見于魏志又昔秦徐福來日本

職原抄引事大全卷之三

職原抄引事大全卷之四

職原抄引事大全卷之四

後學植木悅 集註

民部省

當唐戶部

周禮地官大同徒之職也邦國土地之圖戶口

人民之數此官之所知也本朝又如此天下之

戶口皆掌之又有圖帳國郡勝示載以明白也

謂之民部省圖帳

○職負令曰民部省卿一人掌諸國戶口各籍賦役孝義優復蠲免家人奴婢橋道津濟渠池

山川數澤諸國田事大輔一人少輔一人太丞一人少丞二人使部六十人直丁四人○民部省掌五畿七道諸國郡數正稅公廩米穀織絕布綿監鯨之類貢物四度使事天下圖帳戶籍鄉戶課丁位田等帳地子帳稅帳寺社稅帳諸國年料春米諸國年料別貢雜物雜器等事也孝德天皇大化元年八月詔始而定天下戶籍田畝菌池水陸之利百姓之數云是民田圖帳之始也○周禮曰大司徒之職掌建邦之土地之圖與其人民之數以佐王安擾邦國以天下土地之圖周知九州之地域廣輪之數辨其山林川澤丘陵墳衍原隰之名物而辨其邦國都鄙之數制其畿疆而溝封之設其社稷之壇而樹之田主各以其野之所宜木遂以名其社與其野云小司徒職掌建國之教法以稽國中及四郊都鄙之夫家九比之數以辨其貴賤老幼廢疾云鄭目錄曰象地所立之官也司徒主衆徒地

者載養萬物立司徒掌邦教亦所以以安擾萬民也○周大司徒當民部省故配之此官指大司徒也○天下戶口指本朝凡天下諸國郡名人民數調賦事作大帳在此省天下國繪圖山川民屋悉畫之曰之圖帳皆納此省也○書周官注陳氏大猷曰徒衆也主民衆故稱司徒周禮注檀祭社稷之壇也甲主甲神也樹立木以爲表也榜示榜與榜同養韻補曩切木片廣韻題榜增韻又標榜示神至切音與值同說文示天垂象見言函所以示人也言其國境立抗畫其名以爲表令知人曰之榜示也○戶口按戶令曰戶以五十戶爲里每里置長一人郡以十里以下十六十里以上爲大郡十二里以上爲上郡八里以上爲中郡四里以上爲下郡二里以上爲小郡云但此時以六町爲一里也一人曰口一家曰戶正丁四人次丁又爲一家民部圖帳有數百卷唐戶部杜氏通典曰吳有戶部而今絕而無之晉有度支皆主簿計後周置大

司徒卿一人如周禮之制隋初有度支尚書則并後周民部之職開皇三年改度支為民部唐修隋志謂之戶部永徽初改民部為戶部廟諱故也顯慶元年改戶部為度支龍朔二年改度支尚書為司元太常伯咸亨元年復為戶部尚書初戶部居禮部之後武后改置天地四時之官以戶部為地官自是終居禮部前

卿一人

相當正四位下
唐名戶部尚書

當省卿者雖為四位相當古來公卿兼官也仍無四位拜任之例多是納言以上兼之仍中式之外以此卿為重也

○中式中務卿式部卿也○公卿兼官百寮云此卿昔殊更執之唐戶部尚書吳有戶部未謂納言宿老任之云云

書龍朔二年改度支尚書為司元太常伯咸亨元年復為戶部尚書初戶部居禮部之後武后改置天地四時之官以戶部為地官自是遂居禮部前

大輔一人

權大輔一人相當正五位下
唐名戶部侍郎

少輔一人

權少輔一人相當從五位下
唐名同 貞外郎與

名家輩任之未取下之官也

○令大少輔共無權官○未取下者未位早人任此官之意也又云為名家之人以此官不為卑也唐戶部侍郎杜氏通典隋煬帝始置民部侍郎名唐因之後改為戶部龍朔二年改為司元少常伯咸亨元年改為戶部正朝之例按唐制戶部郎中次有貞外郎

丞 大二人少二人
唐名戶部郎中

可然之六位侍任之必可叙爵之故為重職也

見式部丞之所

○令大丞一人少丞二人與此書及○叙爵者
式部丞民部丞曰之三省丞必可叙爵之任也
○或曰叙五位謂叙爵柯哉曰六位以下不取
位田自五位初取位田八町故曰叙爵○丞大
正六下少丞從六上

錄 唐名戶部主事

○民部一家政書記唐戶部郎中同書隋初制
之人也自餘錄准之唐戶部郎中二人煬帝改曰戶
部郎唐為郎中○主事記錄之任唐官也

主計寮

唐名金部又度支

頭一人 無權官相當從五位上
唐名金部郎中又度支郎中

諸道中為五位者任之

○職真令主計寮頭一人掌計納調及雜物支
度國用勸均用度助一人大充一人少充一人
大屬一人少屬一人。算師二人掌勘計調庸及
用度事史生六人使部二十人直丁二人○主
計式掌諸國貢賦雜物諸交易物諸司年中用
度帳事等也○諸道
四道并陰警也
也。魏世始置尚書金部名通典漢置尚書郎四
人其一一人主賦帛委輸蓋金部郎曹之任也歷
魏晉宋齊後魏北齊並有金部郎隋始為金部侍
郎煬帝但曰郎唐加中字○度支事物紀原曰通
典曰漢張蒼善算以列侯主計領郡國上計者
始今度支之任也魏文帝始置度支尚書唐以
為子司通典隋初有度支侍郎郎中郎中之任也

煬帝除侍字武德加中少字

助一人

權助一人相當正六位下
唐名金部員外郎

同輩為六位者任之近代五位任之

○今無權

允

大小

唐名金部丞

六位侍任之

屬

大小

唐名金部主事

竿師

相當從八位下
唐名金部計史

○官位令大允正七位下少允從七位上大屬
從八位上少屬從八位下同竿師從八位下
唐貞外郎按職林魏晉始置金部郎梁陳隋為
名侍郎唐武德三年為金部郎中又秘笈新書
曰元豐官制行郎中員外郎始實行本司專
丞主事以相應附之計史此以下竿師唐名皆

為計史○竿字今本作竿謬也竿與算同

主稅寮

唐名倉部又云世

同前

○職員令主稅寮頭一人掌倉廩出納諸國田
租畝米碾磑事助一人大允一人少允一人大
屬一人少屬一人竿師二人掌勘租稅史生四
人使部二十人直丁二人○按主稅式掌勘稅
帳勘租帳諸國出舉正稅公廩雜稻國司處分
公廩事諸寺諸社所給之田諸寺社神事佛事
雜料鑄錢司銅鈔事祿物價法馬飼料驛鈴傳
馬稻料等之事○同前頭助允屬竿師唐名頭
倉部郎中助員外郎允倉部丞屬倉部主事竿
師同計史也皆與主
唐倉部事物純原曰周官
計寮同也故畧之
倉人主藏九穀廩人主
其數賜稍食則倉部之職也魏時尚書始置
倉部郎通曲後魏有大倉尚書曆代多有倉部

皆掌倉廩其後隋初制倉部侍郎煬帝止且倉部郎唐武德三年加中字元豐官制行郎中負外郎實行本司事○屯田漢昭帝始置屯田而成帝置尚書郎一人主戶口墾田此蓋尚書屯田之始也魏代為農部晉始有屯田尚書則屯田名曹在晉世也又事物紀原曰漢昭帝時為屯田之始非也按西域傳曰自武帝初通西域置校尉屯田渠犂又征和中桑類言可遣屯田卒益種五穀張掖酒泉然則屯田蓋起於漢武開西域之時也

凡主計主稅謂之二寮當寮頭助為重任給爵之後任受領云近代必不然也主計者掌天下戶口負數筭勘也主稅者掌正稅也依之多者諸道董任之

○給爵叙五位事也受領國守也○主計職掌上記○主稅掌正稅按主稅掌諸國出舉之正稅公廩雜稻共以皆所知也今爰舉正稅者畧而取其重物而已正稅納天子倉廩稻穀也公廩者諸國天子田也但國守以下處分此公廩米者也正稅者近國者運送京都遠國交易而為輕物運送京都○諸道凡主計主稅天下之掌貢物故無才之人不可任諸道者能才之家也依之諸道中撰其人用二寮也公田租地子雜稻奉天子者都曰正稅戶一家也男五人曰一戶男一人曰一口也

兵部省

當唐兵部

周禮夏官大司馬之職也軍旅兵馬及諸武官之籍皆是其當官之所掌也本朝又同之

○職負令兵部省卿一人掌內外武官名帳考

課選叙位記兵士以上名帳朝集祿物假使差
發兵士兵器儀仗城隍烽火事大輔一人少輔
一人太丞一人掌准式部大丞少丞二人掌同
大丞天錄一人少錄三人史生十人省掌二人
使部六十人直丁四人○兵部省掌正月十七
日大射五月五日騎射同節五位以上進走馬
位記請印及內外武官考選叙位除自并季祿
馬料等類一准式部諸國健兒諸國馬牛牧每
年進左右馬寮事諸國器仗每年造以進事也
橫刀弓箭胡篋等也諸國驛傳馬定其數事也
見兵部式○周禮夏官大司馬之職掌建邦國
之九法以佐王平邦國制畿封國以正邦國設
儀辨位以等邦國進賢興功以作邦國建牧立
監以維邦國制軍誥禁以糾邦國施貢分職以
任邦國簡習卿民以用邦國均守平則以安邦
國比小事大以和邦國以九代之法正邦國馮
弱犯寡則贊之賦賢害民則伐之暴內陵外則
壇之野荒民散則削之負固不服則侵之賦殺

卿一人

相當正四位下
唐名兵部尚書

衛尉卿

近代多為公卿已上兼官四位不任之或又親

職官少

七

其親則正之放弑其君則殘之犯令陵政則杜
之外內亂鳥獸行則滅之及及師大合師以行
禁令以救無辜伐有罪云鄭云象夏所立之官
也馬武也言為武者也夏整齊万物天子立司
馬共掌邦政可平諸侯正天下故曰統六師平
邦國周禮萬二千五百人旅唐漢置五曹未有主兵
百人曰軍五百人旅唐漢置五曹未有主兵
書謂中兵外兵騎兵別兵都兵也晉有五兵尚
書而又分中外兵為左右按晉雖中外兵與舊
五兵為七曹然尚書惟置五兵無七兵尚書之
名至后魏如有七兵尚書今諸家著述或謂晉
大康中置七兵尚書誤矣後魏為七兵尚書後
周置太司馬至隋乃有兵部尚書統兵部職方
駕部庫部四曹唐因之○軍旅掌諸軍事之謂

王任之。凡八省中中務武部親王官也。兵部時
時任之。此外不任親王公卿以上任之。民部兵
部此為重治部刑部其次也。大藏宮內又其次
也。然乃治部刑部大藏宮內雖四品侍臣任之
民部兵部更不在四品侍臣等也。

○百寮云非如將軍嗜武藝只奉行武官之事
而已。○公卿兼官例左大臣藤原道平建武元
年十二月十七日兼兵部卿于時內覽。○四品
侍臣者四位。唐名因之。○衛尉卿百官表曰衛尉
殿上人也。秦官掌宮門衛屯兵有丞景帝初更名中大夫
令後元年復為衛尉云。

大輔一人

權大輔 相當正五位下
唐名兵部侍郎

少輔一人

權少輔 相當從五位下
唐名同

名家五位任之。公達又任之。八省輔之中民部
治部兵部名家執之。仍地下諸大夫等細々不
任之。

○令无權大少輔相當七省皆同。○地下不殿
上之者也。

丞

大少 唐名兵部郎中

六位諸大夫并譜第可然之。侍任之。當省丞本
為重職。武兵相並故武官除授等令奉行之近。

代無沙汰不可然事也

○六位諸大夫者諸大夫之家叙六位也譜第
代々系圖不唐兵部侍郎隋置兵部侍郎唐因
斷絕侍也名之○郎中魏有五兵晉有七兵
皆置郎中歷代或單為郎或為郎中隋初為兵
部侍郎煬帝除侍字又改為兵曹郎唐初皆因
隋制武德三年改兵部郎中○萃菴曰武兵相
並者文官叙位武部知之也武官叙位皆兵部
知之也故曰武兵相並一切文武之位皆此省
令奉行之也除授除任官也授授位也言武官人
昇官位者兵部掌之

錄

唐名兵部主事

隼人司

唐名布護署

正一人

此以下諸司無權官并次官
唐名布護將軍

諸大夫任之但近代諸道及侍等多任之五位
六位共任之但侍者五位之後可任之

○職負令隼人司有衛門府下又延喜式有兵
部省下職負令隼人正一人掌檢校隼人及各
帳教習歌舞佑一人令史一人使部十人直丁
一人隼人延喜式曰凡元日又即位及蕃客个
朝等儀官人三人史生二人率大衣二人番上
隼人北人令來隼人北人白丁隼人一百卅二
人分陣應夫門外左右群臣初入自榻床起令
來隼人發吠聲三節凡踐祚大嘗日分陣應夫
門內左右其群官初入發吠悠紀入官人并彈
琴吹笛擊百子拍手歌舞人等從與禮門參入
御在所屏外北向立奏風俗歌舞主基入亦准
此○萃菴曰隼人昔大勢有之自大隅薩摩等
國獻之當司者其隼人奉行也隼人常為禁外
門警固外門有銅駒犬有之居其傍成吠聲只

大嘗會元日事也常油縮篔簹竹器等自作而奉
 乏又元正天皇時自遠國來之隼人六年交替
 之由續日本紀載之○此以下諸司者凡諸官
 職省寮司等有之省職寮四分也司三分也則
 司無助次唐布護將軍是不相應乎按唐制有
 宿則助也名左右街使是隼人正唐名相應乎
 街使衛城門坊角任也但吠狗之事日本之例
 也火酢刑命苗裔為隼人狗吠見日本紀二卷

佑

唐名布護少尹

六位侍任之元者正八位官也

令史

唐名布護主簿
相當大初位下

刑部省

當唐刑部

用禮秋官大司寇之職也斷獄刑法及諸訴訟
 當省所掌也本朝先例如此然而被置檢非違

使之後刑部職掌有名无實但行贖銅等罪之
 時猶移于當省者也

○職負令曰刑部省卿一人掌鞫獄定刑名決
 疑讞囚禁債負事大輔一人少輔一人大丞二
 人少丞二人中判事四人少判事四人大屬一人
 判事二人中判事四人少判事四人大屬一人
 少屬二人中判事十人中解部二十人少解部
 三十人省掌二人使部八十人直丁六人○按
 延喜式刑部省掌盜取佛像事僧尼犯罪事官
 人犯罪流移罪人私鑄錢諸國罪人位記贖銅
 無銅准價徵錢等事也○周禮大司寇之職掌
 建國之三典以佐王刑邦國詰四方一曰刑新
 國用輕典二曰刑平國用中典三曰刑亂國用
 重典以五刑糾萬民一曰野刑上功糾刀二曰
 軍刑上命糾守三曰鄉刑上德糾孝四曰官刑
 上能糾職五曰國刑上愿糾暴以圜土聚教羅

民凡害人者實之國土而施職事焉以明刑耻
乏其能改者反于國中不齒三年其不能改而
出國土者殺云云小司寇之職掌外朝之政以致
萬民而詢焉一曰詢國危二曰詢國遷三曰詢
立君其位王南鄉三公及州長百姓北面群臣
西面群吏東面小司寇擯以叙進而問焉以五
声聽獄訟求民情一曰辨聽二曰色聽三曰氣
聽四曰耳聽五曰目聽以八辟麗邦法附刑詩
云云又鄭云云象秋所立之官也寇害也秋者道也
如秋義殺害收聚斂藏於万物也天子立司寇
使掌邦刑刑者所以驅耻惡納人於喜道也
先例刑部之職置檢非違之後為檢非違使職
者也。只刑部者贖銅知之而已但檢非違和
天皇之時置之淳和延喜以前帝也延喜式刑
部掌斷獄刑法訴訟之事然則與此書相違但
延喜以後其職掌皆移檢非違者也之後後字
可見後代之意也贖銅獄令曰凡贖死刑限八
十日流六十日徒五十日杖四十日笞三十日

若無故過限不輸者會赦不免名例律曰贖罪
五笞十贖銅一斤笞二十贖銅二斤笞三十贖
三斤笞四十贖銅四斤笞五十贖銅五斤杖罪五杖
六十贖銅六斤杖七十贖銅七斤杖八十贖銅八斤
杖九十贖銅九斤杖一百贖銅十斤徒罪五徒一年
贖銅二十斤徒一年半贖銅三十斤徒二年贖銅四
十斤徒二年半贖銅五十斤徒三年贖銅六十斤流
罪三近流贖銅一百斤中流贖銅一百二十斤遠流
贖銅一百三十斤死罪二絞罪銅二百斤斬銅二
百斤愚玉井悅按昔准異朝例有贖銅法近代
斷絕徒者徒役也徒罪外國人不得販國從入
夜日謀而徒役滿而販國者也流罪伊豆安房
常陸佐渡隱岐土佐等國為遠流信濃伊豫等
國為中流越前安藝等國為近流凡異朝例書
經舜典曰金作贖刑註舜贖鞭朴也學校之罪
官府之輕者用贖銅其殺人盜賊等當大刑者
不可赦也後代周穆王五刑皆贖今日本入准
穆王五刑共贖大謬也非善政但五刑墨劓刑

宮大辟也是異朝法隋唐間五刑皆杖徒流死也笞小箠也先三分杖大者先四分也均會曰古者贖罪用銅云後代贖死刑部宋始有刑部各出于此齊梁陳並有都官尚書隋開皇改都官為刑部尚書統都官刑部北部司門四曹唐因之

卿一人 相當正四位下 唐名刑部尚書 大理卿

四位以上任之 雖公卿又任之

唐刑部尚書上記大理卿漢書景帝中六年置大理又唐書百官志大理寺卿一人從三品少卿二人從五品下掌折獄詳刑凡罪抵流死皆上刑部覆於中書門正繫者五日一慮

大輔一人 權大輔一人相當正五位下 唐名刑部侍郎

少輔一人 權少輔一人相當從五位下 唐名同 貞外郎乎

名家五位及諸大夫五位任之 近來雖侍五位任之抽賞之儀歟不打任事也

○令无大小權輔○抽賞侍五位任過分也故曰抽賞不打任者容易不可慢之也○名家諸大夫侍之別見卷終也

丞 大小 唐名刑部郎中

六位侍任之但雖諸大夫任之 賴義朝臣男義光 久為刑部丞

○武家源平諸大夫列也賴義者清和天皇四代滿仲之子曰賴信其子賴義于時將軍任伊豫守其子有四人一曰快譽出家二曰義家鎮

守符將軍曰八幡太即三曰義細曰賀茂次郎
 四曰義光曰新羅三郎武田平賀祖也後冷泉
 院時伊豫守源朝臣賴義奉詔征安倍貞任定
 東夷後建鎌倉由比緋鶴岡宮又伊豫守賴義
 祈八幡賀茂新羅之三神求男子果有三子其
 嫡男義家号八幡太即次男義綱号賀茂次郎
 三男義光号新羅郎但此唐刑部郎中侍郎通
 時源家代不至高直唐典曰隋始有三公
 曹置刑部曹掌刑法置侍郎一人煬帝除侍字
 又改憲部即唐因之武德改刑部郎中

錄

唐名刑部主事

大判事一人

相當正五位下

評事

決新令

大理正

同直

明法道輩任之為極官

職負令大判事二人掌案覆鞫狀新定刑名

判諸爭訟中判事四人掌同大判事少判事四
 人掌同中判事○延喜式判事凡訊獄訟書者
 具錄訴狀其申官解文者少除繁辭宣判之日
 必須委曲凡彈正臺移送罪人若有事不分明
 者遣刑部錄判事屬就臺諮問若明知臺之所
 枉乃追就省勘問其檢非違使所送罪人亦准
 此此外隱田租稅僧尼犯罪良賤訴訟盜人等
 則判事職也又大學寮下曰明法者坂中之兩
 家立其家以來以廷尉法儒大判事為先途云
 是也明法必唐司直後魏永安二年御史中尉
 任之也唐高穆奏置大理司直漢武始置
 司直之官屬丞相之府謂之丞相司直直疑大理
 之置司直亦取漢丞相司直為名爾唐書曰司
 直六人從六品上評事八人從八品下掌出使
 推按凡兼制推訊長吏當停務禁錮者請魚書
 以往錄事二人○大理正秦置廷尉正禮記曰
 獄成告於職之正法曰正周禮卿師之屬則秦
 之置官亦法周也其名亦階改云大理春秋元

命包曰堯為天子得皋陶為大理韓詩外傳有
晉文公使李離為大理春秋左氏傳衛侯與元
咍訟士榮為大理然則大理古官也隋改大理
正又唐書曰大理正二人從五品下掌議獄正
科條○司直評事漢宣帝地節三年初置廷尉
左右評魏晉有廷尉評其後隋煬帝始曰評事
○决斷令非官○理正司

中判事一人 近代不任之

小判事二人 相當從六位下
唐名大理丞

明法道輩兼之

屬大 唐名大理錄事 評事 主簿

○官位令中判事正六位下少判事從六位下
大屬正七位下 唐大理丞晉武帝咸寧中因曹
少屬正八位下 志上書請廷尉置丞隋改為

勾檢官唐置丞六人○大理錄事唐書曰大理
丞六人從六品上掌分判寺事正刑之輕重徒
以上囚則呼與家屬告罪問其服否大理錄事
晉初置廷尉主簿後齊九寺各有主簿唐置二
人從七品上掌印省署鈔目勾檢稽失○評事
主簿唐書為評 評事今本作許事謬也又可
事錄事二人 誤為大理主簿評事錄事也○
理正司之事未見聞但以字論之理舜命皋陶
作士正五刑孔安國曰理官也然則理大理之
謂也正者禮記獄成告於職之正則此正字也
司者大判事長官也中判事次官也少判事判
官也故曰司乎追可考

囚獄司 掌獄舍事

正一人 相當正六位上
唐名斷獄令

佑 相當從七位下
唐名斷獄丞

令史

唐名獄史

近代不必任此司若憚名号歟

○職負令囚獄司正一人掌禁囚罪人徒役功程及配決事佑一人大令史一人少令史一人。物部四十人。掌主當罪人決罰事。物部丁廿人。○延喜式凡禁囚之處當宿官人恒將物部并物部丁等每夜巡檢凡徒役人者令作路橋及役雜事又司每六日將囚人等使掃除宮城四面墓雨後且亦掃清宮內穢汚并廁溝等。○獄風俗通曰三王始為獄夏曰臺殷曰麥里周曰囹圄釋名獄確所以確人之情偽也又謂之牢又謂之圜去見唐斷獄秘笈新書國朝大理寺以于醒惘首書名唐朝官一員或二員判寺事一員兼少卿事熙寧九年神宗謂國初廢大理獄非是於是下詔以京師官寺凡有獄皆係開封府司錄司及左右軍巡二院囚繫猥多難於決訊

大藏省

唐名大府寺

周禮地官戶部之屬歟本朝別置當省不叶異

朝之准據者也此省掌諸國租稅諸公事之時

成切下文令支配于國國矣

○職負令曰大藏者卿一人掌出納諸國調及錢金銀珠玉銅錢鐵骨角齒羽毛漆帳幕權衡度量賣買估價方貢獻雜物事大輔一人少輔一人。大丞一人少丞二人。大錄一人少錄二人。史生六人。大主簿二人少主簿二人。藏部六十人。價長二人。典履二人。百濟手部十人。典革一人。拍部六人。掌雜鞞漆作省掌二人使部六十

人直丁四人駢使丁六人。○按大藏式曰元日諸門懸幡幔佛事裝其座行施物神事遣其雜用。每諸公事行其祿物懸幕諸國所貢獻。絕布綿漆紙銀等納大藏。正月七日十一月新掌正月十六日十七日五月五日九日等節諸司給祿事征夷使給祿諸蕃使賜物入諸蕃使也。大唐客使賜物渤海新羅使賜物等皆大藏職也。○周禮地官戶部者。周禮地官之下有廩按戶部屬相違也。下詳。人倉人廩人掌九穀之數倉人掌粟入之藏本朝之大藏者諸國調及金銀珠玉銅錢鐵骨之類都統掌之非倉人廩人之類。按周禮天官之下有大府掌九貢九賦九功之貳以受其貨賄之入。是則本朝大藏省也是天官大宰屬官也。今謂地官非也。又戶部屬非也。可為吏部屬。○別置者異朝天官屬也。本朝大藏任重故別立一省也。今掌諸國租稅者非也。租田賦稅公田皆民部之所掌也。大藏錢金銀珠玉布絹賣買貢物事知之職也。今

掌租稅者非也。但親房卿時允掌租稅者乎。○成切下文者或問萃菴曰切下文不分明疑成切下文。歟萃菴曰切下文也。成功之事者式部兵部所知也。大藏者貢賦職也。假令諸公事時金銀銅錢布絹雜物用度大藏既盡則遣大藏下文國守以令運送京都者也。切下文者切字今世新居箱根等過書曰女切手與切字字義相似者也。書其事畢而切其紙與故曰女切手切下文又切紙與故也。

卿一人 唐名大府卿 四位以上任之 雖公卿又任之

○公卿者大藏卿。○唐大府寺卿周禮天官下鹿玉參議時兼之。有大府下大夫掌貢賦之貳受其貨賄之入。頒其貨賄于受藏之府。即今大府之任也。歷代不置。然其職在司農少府至梁天監置太府卿掌金帛府帑及關津市肆。

位視宗正。後魏為太府卿。北齊有寺卿少卿。後周太府中大夫掌貢賦貨賄以供國用。隋初與北齊同。所掌煬帝分太府寺為少府監。管尚方織染等署。唐因之。唐書曰：太府寺卿一人。從三品少卿二人。從四品上掌財貨廩藏。貨易凡四方貢賦百官俸秩謹其出納賦物任土所出。定精麤之差。祭祀幣帛皆供焉。○四位以上者謂殿上。四位以上也。

大輔一人 權大輔一人 相當正五位下

少輔一人 權一人 相當從五位下

○令无大唐大府侍郎未見聞此非乎又有侍少權輔名唐即乎凡歷代有大府卿少卿丞主簿而無太府侍郎何代有太府侍郎乎但於本朝改之乎○少卿杜氏通典曰後魏孝文帝改少府為太府置少卿一人又入八省故改侍郎

名家殿上人地下諸大夫共任之近代諸道及侍

五位等又任之異八省輔中頗被取下者也仍可

然之殿上人不望之

○被取下者不執也。不望也。又曰大藏官內本朝既入八省中故有侍郎即中引矣

丞一人 大少 太府郎中殿

六位 侍任之昔者為重職給爵之後任受領云

○給爵叙五位下唐太府郎中秘笈新書曰於也受領謂國守名唐周官為太府上士之任梁選部太府丞一人後周且太府上士唐四人通典掌判寺事凡正至大朝應貢方物皆進而受之分紀本朝丞二人元符中增一員崇寧中置藥局又添丞一員宣和省二員續會要建炎部

罷太府寺，紹興初詔，添置丞一員，十二月詔復添丞。正，大府侍郎，非也可為太府少卿。○大府一員，誤，即中非也可為太府丞，但於本朝入八省，列故，改侍郎即中矣，尤有故。

錄

唐名太府主簿

○太府主簿，周禮太府下士之任也。梁置一人，陳因之。唐書曰：太府主簿二人，從七品上。掌印省鈔目，勾檢舊失，平權衡度量，歲以八月印署。然後用之。錄事二人。

織部司

唐名織染署

正一人 相當正六位下

五位諸大夫諸道輩等任之。昔當司正，依功勞

任受領云云

○職員令 織部司正一人 掌織錦綾細羅及雜染

事 佐一人 令史一人 挑文師四人 掌挑錦綾羅

等文 事 挑文生八人 使部六人 直下一人 ○延

喜式 織部司 七月七日 織女祭 年料 冠羅 綾錦

一切 織物 染 織染 按隋世 太府寺 屬有 織染

物 事 奉行也 唐書曰 織染署 令一人 正八品

上 丞二人 正九品 上 掌供冠冕 組綾 及織 雜色

染 錦 羅 紗 縠 綾 細 絕 絹 布 皆 廣 尺 有 八 寸 四 丈

為 匹 布 五 丈 為 端 綿 六 兩 為 屯 絲 五 兩 為 絢 麻

三 斤 為 練 云云

佑

相當正八位上

六位侍任之

令史

唐名織染史

○令史 大初位下。唐書織染史典事，掌固等有之。

宮內省

當唐工部又云司農

周禮冬官考工之職也百工事當省所掌也本朝又如此宮內大少務又此省知之其職似分

中務

○職貢令曰宮內省卿一人掌出納諸國調雜物春米官由及奏宣御食產諸方口味事大輔一人少輔一人大丞一人少丞二人大錄一人少錄二人史生十人省掌二人使部六十人直丁四人○延喜式宮內省職掌神事神食新幣踐祚太掌等供奉小齋春秋釋奠丞以下向大學寮檢校饌具六月十二月月祭系同兩月晦日公事七月孟蘭盆供物藏米之處十二月晦日白散等事諸節賜群臣饗事諸國所進御饗親王諸王名籍諸國女十吉野國柄諸節會獻御饗奏歌笛以每節十七人為定被管諸司考選文苑內親王家令已下考文六年一除等

事皆奉行也○分中務或曰女官上臈中務奉行也同下臈官內奉行也故分中務是也曰不悉女官上中下臈皆中務奉行也但分中務者就職曰之非女官之儀但中務者於禁中掌重職官內於禁中掌輕職中務掌詔勅女官之事官內神事就食諸國女丁內親王家令彼官者掌之○又中務三官女王等事掌之官內親王諸王等事掌之○中務女御以上事知之官內女御以上召仕女暨事掌之以此等見之一職而兩分也○周禮考工記國有六職百工與居一焉或坐而論道或作而行之或審曲面勢以飭五材以辨民器或通四方之珍異以資之或飭力以長地財或治絲麻以成一坐而論道謂之王公作而行之謂之士大夫審典面勢以飭五材以辨民器謂之百工通四方之珍異以資之謂之商旅飭力以長地財謂之農夫治絲麻以成一坐而論道謂之工五設色之工五刮摩之工五搏埴之工二攻

木之工輪輿弓廬匠車梓攻金之工築冶皂象
 段桃攻皮之工函鮑鞞韋裘設色之工畫績鐘
 筐幌甜摩之工玉柳雕失磬搏垣之工陶沉云
 軫之方也以象地也蓋圓也以象天也輪輻三
 十以象日月也蓋弓二十有八以象星也鄭目
 錄曰象冬所立官也是官名司空者冬閉藏萬
 物天子立司空使掌邦事亦所以富充家使民
 無空者也司空之篇出漢興購求千金不得此
 前世識其事者記名唐工部漢成帝初置尚書有
 錄以備大數云名唐民曹主凡吏民上書光武
 改民曹主繕修功作鹽池園苑晉宋有起部尚
 書而不常置每管宗廟官室則權置之事畢罷
 其屬有工部中大夫至隋乃有工部尚書唐因
 之名唐司農少皞氏以九鴈為九農正舜命棄為
 后稷播時百穀周禮有太府掌九賦九貢下大
 夫秦為治粟內史掌穀貨景帝更名大農令武
 帝太初更名大司農掌
 九穀六畜之供膳羞者

卿一人

相當正四位下
 唐名工部尚書
 司農卿

殿中監

光祿少卿

四位以上任之雖公卿又任之

○公卿任例大納言實忠建武元十二月十七
兼官唐工部尚書上記○殿中監魏始置殿中
內卿名唐監蓋分門下太僕二局以為其職也○
 光祿少卿漢書曰秦即中令掌宮殿掖門武帝
 太初元年更名光祿勳通典曰梁除勳字曰光
 祿卿○司農卿武帝太初有大司農平帝改曰
 農和後漢為大司農掌諸錢穀金帛郡國監官
 鐵官并屬歷代皆有綱置十二卿以署為寺官
 為卿唐有司農卿唐書司農卿一人從三品少
 卿二人從三品上
 掌倉儲委積之事

大輔一人

權大輔一人相當正五位下
 唐名工部侍郎

少輔一人 權少輔一人相當從五位下 唐名同負外郎殿

名家殿上人及諸大夫五位任之

○令大 唐工部侍郎隋煬帝改置工部侍郎唐少無權名因之○負外郎隋唐共有郎中次令以少輔為負外者非也又開元中杜子美任工部負外郎也本朝以八省少輔為負外郎又以權官為負外有其例

丞 大少 唐名工部郎中 六位侍任之

錄 大少 唐名工部主事

唐工部郎中晉宋齊皆有起部郎中梁陳改置起部侍郎隋初為工部侍郎煬帝除侍字改起部郎唐武德改工部郎中

大膳職 唐名大官署 又此祿 掌所少饗膳事

大夫一人 權大夫一人相當正五位下元正五 位上弘仁改從四位下云 唐名大官令

殿上四位五位地下諸大夫共任之華族殿上人強不任之

○職真令大膳職大夫一人掌諸國調雜物及造廄膳羞醢道醬鼓未醬肴菓雜餅食料率膳部以供其事亮一人大進一人少進一人大屬一人少屬一人主醬二人主菓餅二人膳部一百六十人使部三十人直十人駟使丁八十人注 具食曰膳熟食曰羞 ○大膳式掌御膳神八座供物竈神菓餅所火審神等饌供物六月十二月神今食又鎮魂大直神祭供雜給參議以上人別糯米大豆小豆壘酒酢醬滓醬東醜隱岐鯁堅魚鳥賊熬海鼠與理刀魚雜魚楚割鮮海藻之類野菜菓之類又五位以上

人別有雜給六位以下二百六十人。有乏皆以別有雜給。又新掌祭器物。小齋等給之。食物園韓神祭。雜給。粉平野祭。給物。賀茂祭。齋院。陪從等。人給食料。同別當以下。食料。春日。大原。松尾。釋真等。雜給。供物。諸佛寺。食料。諸國。貢進。菓子。親王以下。女官。妃。夫人。女御。女孀。以上。月料等。掌之。○愚曰。大膳。內膳。大炊。職掌。分別。朝內。膳。掌。天子。御膳。此外。神事。佛事。供物。諸國。奉貢。御。熱物之事。又。大膳。者。掌外膳事也。一切神事。佛事。諸節等。時。其。小齋。人。御。巫。等。所給之。魚。鳥。菜。藻。菓。之物。掌之。皆外之。膳部。事也。假令。新掌。祭之時。內。膳。饌。供。御。大膳。小齋。給。食物。惣。三百六十人。奉行之也。大炊。曰。杵。箕。中。取。案。八。脚。杵。前。明。櫃。納。御。米。粟。調。布。等。奉。行。之。但。大。炊。者。五。穀。薪。等。飯。椀。等。事。知。之。大。膳。魚。鳥。菓。菜。藻。食。物。知。之。內。膳。天。子。御。饌。魚。鳥。菓。菜。藻。并。薑。盤。等。奉。行。也。大。炊。一。向。知。炊。米。穀。而。已。

唐唐名太官署。秦置太官令。屬少府。漢不改。晉屬光祿。後魏分太

官為尚食。知御膳。太官掌百官之饌也。唐書太官署令二人。從七品。下丞四人。從八品。下掌。祿祠。宴朝會。膳。食。祭。日。令。白。卿。詣。廚。省。牲。鑊。取。明水。明。火。師。宰。人。割。牲。取。毛。血。實。豆。遂。烹。又。實。簋。簋。設。于。饌。幕。之。內。○光祿。漢書曰。秦。即。中。令。掌。官。殿。掖。門。武。帝。太。初。元。年。更。名。光。祿。勳。通。典。云。梁。除。勳。字。曰。光。祿。卿。續。事。始。曰。秦。掌。官。殿。門。戶。郊。祀。主。諸。即。將。在。殿。中。侍。衛。北。齊。兼。掌。膳。隋。全。掌。諸。殺。膳。不。掌。官。殿。應。劭。曰。光。明。也。祿。爵。也。○官。位。令。大。夫。正。五。位。上。也。弘。仁。嗟。峨。年。号。也。

亮亮。相當。從。五。位。下。唐。名。光。祿。侍。郎。

諸大夫侍共任之。諸司助之中。近代頗為輕。而諸司助多是六位。相當也。當職亮相當五位也。近代為輕。不叶其理。

○令无權亮○諸司助者諸寮助也木工大學主計主稅玄蕃此外諸寮助六位相當也又大膳亮五位也而以亮為輕不叶理事也

進

大少 唐名太官丞 六位侍任之

屬

唐名太官史 光祿侍即前漢有光祿勳後漢光祿勳卿一人其後歷代置光祿寺卿少卿未見有侍即也凡侍即郎中者六部屬官也諸寺曰卿少卿丞諸署曰令丞今光祿者諸寺也何謂侍即矣因唐亮可為少卿也○太官丞秦置太官令屬少府有丞漢不改○太官史唐書太官史八人中論詳大藏省

○愚曰侍即郎中論詳大藏省 誤 令大進從六位下少進正七位上大屬正八位下少屬從八位上

木工寮

唐名將作監 掌工匠事

頭一人

權頭一人相當從五位上唐名移作尹 工部尚書 將作大匠

頭者名家五位殿上人多任之權頭者諸大夫

五位中可然之輩任之

○令无權頭職負令木工寮頭一人掌管構木作及採枚事助一人大允一人少允二人大屬一人少屬一人工部二十人使部二十人直丁二人駢使丁○木工式掌鞞鎧腹帶等牀著幣帛木等一切神事雜器木偶人御輿火爐沐槽射的大倚子小倚子釘家室作事一切事也○愚曰木工之所作皆掌之古飛彈國多大工參京都木工頭奉行 唐 將作監秦漢有將作而不也日之飛彈工也 列其府北齊始有將作寺隋文帝開皇二年改寺為監○木作尹○工部尚書宮內唐名也不相應○將作大匠秦置將作少府漢景帝中六年更名將作大匠也唐書

職

唐名

唐書

將作監一人從三品少監二人從四品下掌士

木工匠之政

權相當正六位下 六位諸大夫任之

助

唐名工部侍郎

又將作丞

允

唐名工部郎中

又將作丞

屬

唐名將作計史

○官位令曰助正六位下大允正七位下少允從七位上大屬從八位上少屬從八位下

○工部郎中侍郎主事共宮內唐名也今付此

○非也助唐名百官唐名批將作少監是叶唐

書將作丞四人從六品下掌判監事○木作丞也後漢有左右校令將作大匠屬也唐有左右

中校署令丞左校史十一人有之將作監屬也

○主簿唐書曰主簿二人從七品下掌官吏糧

料俸食假使必由之諸司供署監物有關舉焉

錄事二人從九品上按杜氏通典云晉將作置

主簿員江左有事則置無事則省梁天監七年

復置將作主簿隋二人唐因之○計史唐書曰

武德初改令曰大匠少令曰少匠龍朔二年改

將作監曰繕工監大匠曰大監少匠曰少監咸

亨元年繕工監曰營繕監天寶十一載改大匠

曰大監少匠曰少監有府十四人史二十八人

計史三人亭長四人掌固六人短蕃近一萬人

七百四十四人明資匠二百六十八人○清三位

宗亦曰有大工權大工小工權小工是皆蕃匠

之名也此職細工所令奉行間置此輩也又竿

大炊寮

唐名太倉署掌諸國御糴由及公私熟食等事

才水

唐名太倉署

頭一人

无權官 相當從五位下 唐名太倉令 導官令

五位諸大夫任之近代大外記中原師遠子孫相傳之温職中尤膏腴也

○職貢令曰大炊寮頭一人掌諸國春米雜穀分給諸司食料事助一人充一人大屬一人少屬一人大炊部六十人使部廿八人直丁二人駢使丁三十人令義解曰大炊寮凡諸雜穀者皆於此寮技領更分充諸司假令粟充主水大豆充大膳之類也○大炊寮式寬神八座春冬祭之六月神今食稻粟曰杵箕中取寮納米粟暴布帛供奉小齋諸司雜給鎮魂祭米粟薪等此外神事祭禮稻米大豆小豆等親王以下命婦等雜給米熟食之椀之事佛事供養米糯米胡麻大小麥諸司諸寮臺所入用之米皆自當寮令支配也○萃菴曰給臣下膳者內藏大膳大

炊等令奉行也天子供御內膳奉行也又強者主水奉之也○中原師遠者中原之祖勝良自勝良六代之孫也父曰師平宗尤曰師遠子孫斷絕今我家任之○膏腴二字出所漢書曰高祖有洛陽妻敬說曰秦地被山帶河四塞以爲固卒然有急百萬之衆可備因秦之故資其美膏腴之地是所謂天府云後高祖從妻敬諫都關中也愚曰膏腴腴勻會腹下肥也言大炊職所得之賄多其職富故曰膏腴○諸國稻田者神事時供物皆奉稻也六月神今食稻八束大直神稻春日春冬祭稻八束等是也臨其時春之爲米而備供物也大炊式曰凡供御稻米粟米春備日別送內膳司中宮又同但東宮送主膳監凡供御料稻粟並用官由中宮東宮齋官亦同但齋官者在京之間供云其春得米一束二把五升糯米亦同○愚玉井悅曰御稻田者天子東宮中宮等供御稻也從諸國以稻輸大炊寮大炊寮以女丁八人春之爲米渡內膳司故曰御

稻田○公私熟食者禁中所為臺所
并諸司當番人給熟食委見于首卷
太倉署令三人從七品下丞五人從八品下監
事八人掌廩藏之事秦漢太倉令丞有之前漢
因此然太倉秦漢始也○導官令秦漢導官少
府屬也後漢導官令一人主春御米及作乾糶
導擇也丞一人是司農屬也

助

權助唐名主饗

六位諸大夫任之

允

大小 唐名太倉丞

六位侍任之

屬

大小 唐名太倉史云

○官位令助從六位上无權助允從七位上無
木少屬大從八位 **唐名**主饗未考但饗字取乱切
下少大初位上 **名唐**字彙炊饗取其進火謂之
饗取其氣上謂之炊言掌其飯饗也○太倉丞
秦漢始置太倉令丞唐書太倉丞五人監事八

主殿寮

唐名尚舍局
掌殿上殿下洒掃事

頭一人

无權官相當從五位下
唐名尚舍奉御殿中監

五位諸大夫任之近代小槻家

相傳任之

人掌廩藏之事○太倉史唐書太倉史二十人
○職負令主殿頭一人掌供御輿輦蓋笠織編
帷帳湯沐洒掃殿庭及燈燭松柴炭燎等事助
一人允一人大屬一人少屬一人殿部四十人
使部二十人直丁二人駟使丁八十人○官位
令无權頭頭從五位下○主殿式畧記釋真鎮
魂園韓神松尾等祭名香胡麻油油魁燈蓋燈
炷松明燎燈炷燈心之布事也炭又佛寺等同
上諸司所請年料之油凡諸節會等燈油年中
所用御薪湯殿料一百八十荷御匣殿御洗料
七十二荷御沐料一百八十荷御脚水料二百
四十荷御炊料七百八十荷儲料二百荷中宮准

此御輿裝束每日早朝頭率僚下掃治御前及
宮掖所云又云火炬小子四人取山城國葛野
郡秦氏子孫堪事者為之齒及冠婚申省請替
凡今良男一百四十一人女二百二十六人並
給月糧男別日黑米二升鹽二勺女別減米五
合鹽五撮○愚曰殿部今良者洒掃之奴婢也
女今良掃後宮男今良掃表也○隆職自小便
祖今雄至十二代唐尚舍房周禮天官下有掌
隆職也父曰師經唐舍掌王會同之舍也蓋此
任也於魏則殿中監也隋煬帝別置殿內監改
舊殿中房曰尚舍置奉御奉御事物紀源曰北齊門
下省初置典御之官隋改曰奉御以隸殿中省
○殿中監魏始置殿中監蓋分門下太僕二局
以取殿內監唐為殿中監

助

權助 唐名尚舍直長

六位諸大夫任之

允

大少 唐名尚舍丞

六位侍任之

屬

大少 唐名尚舍令史

○官位令無權助助從六位上允無大少從七
位上屬大從八位下少屬大初位上
唐尚舍直長隋改殿內局為尚舍局有奉御直
名長○丞令史相應也周禮掌舍掌王之會同
之舍設東宮轅門為壇壝官棘門為惟宮設旌
門無宮則共入門凡舍事則掌之

典藥寮

唐名太醫署 又尚藥局

頭一人

無權官 相當從五位下 唐名太醫令 尚藥奉御

醫道極官也他人不任之

○職負令曰典藥寮頭一人掌諸藥物療疾病
及藥園事助一人允一人大屬一人少屬一人
○典藥式畧曰元日御藥白散度嶂散屠蘇千
瘡萬病膏臘月御藥犀角丸芍藥丸温白丸千

瘡万病膏并麻膏者婆膏調中丸芒消黑丸。鼓丸中官臘月御藥東宮白散度璋屠蘓其外一切丸藥藥種諸國所貢之藥種等諸司年料雜藥等典藥職掌也。○愚曰典藥天子之醫也。此寮天下藥種醫書所集也。又藥園非有一所諸司寮或十種或廿種植之又諸國貢之。又養乳牛七頭犢七頭在此寮為取供御乳汁也。供御乳日別大三升一合五勺取之。天子令食或用御藥也。○醫道。唐太醫署隋世有太醫署令唐和氣丹波也。**名**唐因之以教生徒如學校也。唐書曰太醫署令二人從七品下丞二人醫監四人並從八品下醫正八人從九品下。令掌醫療之法其屬有四。一曰醫師二曰針師三曰按摩師四曰咒禁師皆教以博士考試登用。如國子監云前漢太醫令少府屬官也。○尚藥為事物紀原曰梁陳以來皆為太醫兼職亦秦所置六尚之一也。○太醫令周禮天官冢宰之屬有醫師上士下士掌醫之政令聚毒藥以供醫事秦

太醫署令丞漢因之。○尚藥奉御長官也如淳曰掌天子物曰尚此職原唐名掌天子物官皆曰奉御所謂尚舍尚衣尚食尚藥皆有奉御也。○續日本紀曰兼和六年八月以東鴻臚院地二町宛典藥寮為御藥園三代實錄云貞觀四年十二月相模國大住郡荒廢田四十二町奉冷泉院典藥寮。

助

權助 相當從六位下
唐名 大醫正云

同輩五位六位共任之

○令无權助。○唐書有醫正不謂太也。

允

大小 唐名太醫丞

同輩門徒可任之較他人強不狂之

屬

大小 唐名太醫史

○太醫丞上記。○太醫史唐書太醫史四人。○官位令允無大小從七位上。大屬從八位下。少

屬大初位上。○丹家後漢靈帝五代高貴王來本朝住丹波矢部郡醫術通神故曰丹家和氣者垂仁天皇十五代和氣清磨之後也

醫博士 權唐名太醫博士 醫藥儒 相當正七位下

醫道任之近代多是五位也

○職員令醫博士一人掌諸藥分脈經教授醫學生等醫士四十人。○愚曰醫書講釋人也。欽明天皇十五年二月自百濟國奉勅貢醫博士奈卒王有凌陀採藥師施德潘量豐固德丁有陀又允恭時唐太醫博士秦有太醫令漢因之唐新編醫書名書曰醫博士一人正八品上掌教授諸生以本草甲乙脈經分而為業。○醫藥儒

女醫博士 相當唐名同上

○令外官也元正天皇養老六年十一月始置女醫博士。○同上者同醫博士也或曰女醫博士

士者女房歟且又教女房之官乎曰是治女房病人也若此博士女房可入女官之列不可入百官之列又女房之掌藥者尚藥也女醫治女病故名又有權

針博士 權相當從七位下 同上

侍醫 唐名侍御醫 相當正六位下

當道重之歟侍醫其職此云半昇殿常候禁中

故稱侍醫也 主上出御殿上之時侍醫參小

板敷奉見 龍顏故云半昇殿云近代四位五

位任之

○同上當道共指醫道。○半昇殿寬平遺識云半殿上者近始於貞觀代自今以後一切停止云

職負令針師五人掌療諸瘡病及補寫針博
士一人掌教針生等針生此人掌學針同書侍
醫四人掌供奉診候醫藥事注診候者診驗也
候望也言診驗血脉候望顏色也江匡房曰正
月元二三獻御藥時先煖御酒以御藥入於酒
名之屠蕪盛別置官內輔典藥頭侍醫等三人
一一進膝突掌之依位階皆用別坏云愚玉井
悅云侍醫奉見天子御脉人也見病之輕重令
吾知典藥頭頭調合御藥奉之典藥藥劑之役
也侍醫診候役也此書雖見顏色其實見御血
脉事也故右大臣夏野曰侍醫診驗血脉候望
顏色以之可知昔中務之屬有內藥正調合天
子御藥其下有侍醫診候之役也又內藥正兼
侍醫又文德天皇齊衡年當麻真人鴨繼鴨繼
元侍醫也同三年任典藥頭以侍醫為兼官也
○小板敷者殿上南面前有階階上有綠綠內
有板間曰之小板敷此時天子御荷子而對侍
醫侍醫進膝突奉診候也但侍醫位卑常地下

也此時令殿上故曰半昇殿也又本聽昇殿人
為侍醫不可謂半昇殿古來有權官○天子面
曰龍顏事始于漢高祖漢書曰高祖母媪息大
澤之陂夢與神遇是時雷電晦冥父太公往視
則見交龍於上已而有娠遂產高祖隆準而龍
顏云侍醫見
于禁秘抄唐名教醫藥針之經籍故名儒
乎云唐書曰針博士一人從八品上針師十人
並從九品下掌教針生以經脉孔穴教如醫生
云○侍御醫又非唐名乎今見廣相忠臣唐名
抄無侍御醫主針儒有之又針師兼外科之事

權侍醫 同道五位六位任之歟

醫師 相當從七位下 唐名同醫

○醫疾令曰五位以上疾患者並奏聞遣醫師
為療是也令醫師十人掌療諸疾病及診候上令
有醫博士上今此書次侍醫下

唐司醫周禮醫師掌醫之政令聚毒藥以共醫

掃部寮

唐名洒掃署 掌鋪設事

頭一人

無權官 相當從五位下 唐名洒掃尹 守官令

五位諸大夫及諸道五位任之近代大外記中

原師光後胤相續但於今者斷畢歟

職負令掃部司大藏省屬官也掃部司正丁
人掌薦席壯簀苦及鋪設洒掃蒲蘭葦簾等事
佑一人令史一人掃部十人使部六人直丁一
人駟使丁二十人令義解曰掃部司弘仁十年
改司為寮○掃部寮式畧云諸節會祭等設天
子御座設太臣以下座又殿祚大尊會時設東
八省院敷薦席以苦菅屋事樹屏風事立案倚
子凡御座者清涼後涼等殿設錦草墊高麗錦

表薰地緣緋東絕裏紫宸殿設黑栴木倚子行
幸赤漆床子並敷錦褥其神事并仁壽殿等座
設短帖如常儀中官草墊亦同御凡設座者皇
太子錦草墊襪錦表長副錦緣縹東絕裏并白
木倚子敷錦褥殿上行幸並通用親王并大
臣兩面草墊葡萄殿上行幸並通用大納言兩面草
墊藍染兩面表緣緋調布裏赤漆小床子並敷
黃端茵殿上行幸通用參議已下侍從已上中
床子並敷黃端茵殿上行幸通用○妃夫人錦
草墊黃地覆窰錦表紫地車前子兩面緣縹東
純裏尚侍女御錦草墊縹地散花錦表青褐車
前子兩面緣縹東絕裏囊床子敷二色綾褥四
位命婦及更衣藏人兩面草墊藍染兩面表緣
緋調布裏五位命婦及藏人青白檉草墊青白
橡措剝東絕表緣緋調布裏端殿上其座次第
如常儀○大倚子寸法高一尺三寸長二尺廣
一尺五寸小倚子高一尺三寸長一尺五寸廣

一尺三寸。大床子長四尺五寸廣二尺四寸高
一尺三寸。小床子高一尺三寸長二尺廣一尺
五寸。檯床子長四尺廣一尺四寸高一尺三寸
○中原師光師秀之子也自中原祖勝良十九
代名酒掃署尹 守官令唐書曰守官署令一
也名正八品下丞二人正九品下掌供帳席
祭祀巡幸則設王公百官之位吏部兵部禮部
試貢舉人則供帷幕王公婚禮亦供帳具京諸
司長上官以品給其牀厨供蕃客帷席則題歲
月席壽三年。醜壽五年。壽七年不及期而壞
有罰監事二人通典曰漢有守官令

助

權助相當從六位上
唐名酒掃少尹

六位諸大夫任之
六位侍任之

屬

大少 唐名酒掃史

○拾苴曰掃部允從七位上屬大初位上

正親司

唐名宗正寺
掌皇親名籍事

正一人 相當正六位上
唐名宗正卿

近代王氏五位任之 他人所
在避返

○職負令正親司正一人掌皇親名籍事佑一
人大令史一人少令史一人使部十人直丁十
人令義解曰二世以下四世以上名籍掌之也
祿令曰凡皇親年十三以上皆給時服料春絕
二疋系二絢布四端鐵十口秋絕二匹綿二屯
布六端鐵四廷其給乳母王者絕四匹絢八絢
布二十二端繼嗣令曰凡皇兄弟皇子皆為親
王女帝子亦同以外並為諸王自親王五世雖
得王名不在皇親之限正親式曰凡諸王年滿
十二每年十二月京職移官內省省以京職移
即付司令勸會名簿訖更送省明年正月待官
符到始預賜時服之例凡賜時服王定四百二
十九人待其死闕依次補之凡給祿女王定二
百六十二人○三代實錄曰貞觀七年二月二

日先是諸王自二世至四世賜夏冬衣服不限人數隨年足符出多少賜之或至五六百人是時載簿進官者四百余人此時皆服紫也但五世以下五位人唐宗正寺周小宗伯掌三族之不著紫者緋也名別以辨親疏秦置宗正漢因之以叙九族平帝更名宗伯後漢名宗正卿以皇族為之晉兼以庶姓後魏有宗正卿少卿後周有宗師大夫唐武德置宗正寺又唐書曰宗正寺卿一人從三品少卿二人從四品上丞二人從六品上掌天子族親屬籍以別昭穆領陵臺崇玄二署云

佑

相當從七位下 唐名宗正丞

常不在之

令史

唐名宗正錄事 宗正主簿

○宗正丞秦宗正掌親屬至後漢用皇族有丞唐上記○錄事主簿梁天監七年置於宗室中擇有俊者補授國初天禧改元以衛尉丞趙鼎

兼宗正簿唐書曰宗正主簿二人從七品上知圖譜官一人脩玉牒官一人知宗子表疏官一人錄事二人

內膳司

唐名尚食局 掌御膳事

正一人

相當正六位上 唐名尚食奉御

奉膳一人

相當唐名上同

近代奉膳乃為正高橋氏相傳任之今代不在

變正一流之 外他人不居

○職員令內膳司奉膳二人掌惣知御膳進食先掌事典膳六人掌造供膳調和庶味寒温之節令史一人膳部四十人掌造御食使部十人直丁一人馳使十人○內膳式畧云諸祭供物諸節供御朱漆臺盤四面二面尋常料二面

節會料黑漆、臺盤二面、察齋料朱漆、椀五口、各深三寸五分、口徑一尺一寸、供御白米、大角豆、其外雜菜、五月五日、山科園進、早瓜一棒、若不實者、獻花根漬物類、大初國吉野、御厨所進、鵝、年魚、鮪、火子、蜷、伊具、比魚、煮、疑、志、摩、國、御厨、鮓、鰻、螺、若、狹、雜、魚、紀、伊、雜、魚、參、河、國、進、雉、此、外、皆、畧、又、進、中、官、御、贊、事、此、外、從、諸、國、所、奉、御、贊、鯛、年、魚、雉、水、魚、鮓、鱒、阿、米、魚、鮓、年、魚、海、藻、梨、子、棗、胡桃、子、鮓、此、昆、布、山、薑、右、諸、國、所、貢、收、贊、殿、擬、供、御、此、等、內、膳、所、知、也。○愚、曰、鶴、白、鳥、鴈、之、類、上、古、不、供、御、食、近、代、皆、為、食、物、鶴、異、朝、不、食、之、鴈、為、食、也。○近、代、奉、膳、續、日、本、紀、神、護、慶、雲、二、年、二、月、勅、准、令、以、高、橋、安、曇、二、氏、任、內、膳、司、者、為、奉、膳、其、以、他、氏、任、之、者、宜、名、為、正、愚、王、井、悅、按、近、代、指、元、正、之、代、乎、職、負、令、有、奉、膳、而、無、正、但、慶、雲、之、比、有、正、養、老、年、以、後、無、正、也。今、世、不、任、正、者、至、親、房、時、不、置、正、也。○高、橋、氏、新、撰、姓、氏、錄、云、高、橋、朝、臣、阿、倍、孝、元、天、皇、皇、子、大、稻、與、

命之後也景行天皇巡狩東國供獻白飯于時天皇告右其美賜姓膳臣天停中原瀛真人謚天武十二年改膳臣賜高橋又安曇高橋元同姓也拾遺云寶龜六年奉膳安曇繼成非違宣旨造作氏紀文犯准絞罪延曆十一年四月廿一日配流於佐渡國萃菴云高橋至今為奉膳安曇氏唐尚食尚事物紀原曰如淳曰掌天子斷絕各唐之物曰尚秦置六尚乃有尚食則尚食秦官也○奉御上記

典膳 相當從七位下 唐名尚食直長

令史 唐名尚食史

已上膳部外不在之

○直長上記也膳部則高橋氏也

造酒司

唐名良醞署 掌御酒事

正一人 相當正六位上 近代諸道五位等任之

職負令曰造酒司正一人掌釀酒醴酢事
一人令史一人酒部六十人掌供行醴使部十
二人直丁一人造酒式畧云年料釀酒數御
酒料二百十二斛九斗三升六合九勺九撮御
井酒料十九石五斗擣糟料四十八石醴酒料
三石六斗糯米梁米小麥但御用畿內米自餘
用諸國米酒酢料六百八十八石三斗七升七
合凡神事節會諸寺等一切酒當寮所造也
唐良醴署唐書曰良醴署令二人正八品下丞
各二人正九品下掌供五齊三酒享太廟則供
鬱鬯以實六彝進御則供春暴秋清醑釀桑落
之酒云史六人按通典良醴署令丞隋始以之
世相當從七位下 常不在之
唐名良醴丞
令史 唐名良醴史

采女司 唐名采女署

正一人 相當正六位下 唐名采女令

同上諸道中雖六位又任之

職負令采女司正一人掌檢校采女等事
一人令史一人采部六人使部十二人直丁一
人采女式曰凡諸節會日正及令史供奉御
膳前注令史用采女朝臣氏凡采女四十七人
賜近官城地凡采女養由各三町采女月料各
白米四斗五升凡一外五合鹽四合五勺日一
勺五撮凡采女各充樵丁一人守廬丁一人其
樵丁每月黑米六斗鹽六合守廬丁春夏月別
庸布一段秋冬月別庸綿二屯愚悅按當司
所貢采女奉行也采女後漢書有采女名曰本
采女之始仁德天皇八十七年春正月大鷦鷯

天皇崩皇太子履中天皇也自諒闇出之未即
 尊位之間以羽田矢代宿祢之女黑媛欲為妃
 納采既訖遣住吉仲皇子而告吉日時仲皇子
 冒太子名以奸黑媛是夜仲皇子忘手鈴於黑
 媛之家而飯焉明日之夜太子不知仲皇子自
 姦而到之乃入室開帳居於玉床時床頭有鈴
 音太子異之問黑媛曰何鈴也對曰昨夜之非
 太子所賣鈴乎何更問妾太子自知仲皇子
 名以奸黑媛則默之避也矣仲皇子畏有事將
 殺太子密與兵圍太子官時平郡木竟宿祢物
 部大前宿祢漢直祖阿知使生三人啓於太子
 太子不信曰太子醉以不起故三人扶太子
 令乘馬而逃之曰大前宿祢抱太子而乘馬
 仲皇子不知太子不在而焚太子官通夜火不
 滅太子到河內國埴坂而醒之願望難波見
 火光而大驚則急馳之自大坂向倭至子飛鳥
 山遇少女於山口問之曰此山有人乎對曰執
 兵者多滿山中宜思自當摩徑踰之太子於是

以為聆少女言而得免難則歌之曰云則更還
 之發當縣兵令從身自龍田山踰之時有數十
 人執兵追來者太子遠望之曰其彼來者誰人
 也何步行急之若賊人乎因隱山中而待之則近
 遣一人問曰曷人且何處往矣對曰淡路野嶋
 之海人也阿曇連濱子云阿曇連里友為仲
 皇子令追太子於是出伏兵圍之悉捕得當是
 時倭直吾子籠素好仲皇子預知其謀密聚精
 兵數百於檟食栗林為仲皇子將拒太子時太
 子不知兵塞而出山行數里兵衆多塞不得進
 行乃遣使者問曰誰使焉曰皇太子使也時吾
 子籠憚其軍衆多在乃謂使者曰傳聞皇太子
 有非常之事將助以備兵待之然太子疑其心
 欲殺則吾子籠憚之獻已妹之媛仍謂赦死
 罪乃免之其倭直等貢彩女蓋始于此時乎云
 愚曰仁德天皇者我朝至君子也履中又我朝
 至愚人也其父喪犯黑媛醉飲又甚仲皇子者
 履中同母弟也誠君子之子如此有兄弟者乎

又云日本紀云凡采女者貢郡公領以上姊妹及子女形容端正者從十一人從女二人以一百戶宛采女一人狼庸布庸米皆准仕云云書任丁者一丈庸布一丈二尺庸米五斗云云采女氏任之唐采女令未考後漢有掖庭令掌日之追召氏唐後官貴人采女事○仁德四十年所始出采女盤坂媛名然則置年未詳乎相當正八位上

佑 唐名采女丞 常不在之

令史 唐名采女史

主水司 唐名上林署云不隸 或云膳部署又不隸

正一人 相當從六位上 白漿令

同上近代大外記清原賴業真人子孫相傳任之 職負令主水司正一人掌樽冰饅粥及水室事

佐一人令史一人水部四十人使部十人直丁一人駮使丁廿人○主水式畧云御井汲水事正月汲御生氣若水同十五日七種粥凡供御米者起四月一日盡九月三十日其四九月日別一駮五月八月二駮六七月三駮以上進物所冷并盛所冷用之中宮東宮齋內親王別奉之山城水室六所大和一所河內一所近江一所丹波一所所有之也○水室始左傳曰古者日在北陸而藏冰云詩豳風曰二之日鑿冰注十二月取冰仲春開冰室以薦宗廟群臣命婦以下分給爰以民不天札無霜雹癘疾不降又日本公事根源曰仁德天皇六十二年五月額田大中彥皇子始獻冰也是冰室之始唐上林署唐書上林署令二人從七品下丞四人從八品下掌苑園池植果蔬以供朝會祭祀及尚食諸司料季冬藏冰千段先立春三日納之冰井以黑牡鉅黍祭司寒仲春啓冰亦如之監事十人○膳部署非唐名乎○上林藏

水唐書曰上林季冬藏冰千段則此儀乎又左傳曰古者日在北陸而藏冰藏冰二字出于此○白漿令按漿字本中曰炊粟酢其汁加食物養脾胃散食熱貴人大人皆用之曰之漿又酢汁曰漿又云主水正上林令可為相應也○清原賴業自右大臣野八代也父從四位大外記定

康也

佑 相當正八位下

常不任之

令史 唐名上林監事

以上八省畢

中務者卿以下相當稍高七省相當皆同然乃於中務者似不混餘省准據異朝之故歟凡八

省被官諸寮助內藏陰陽玄蕃諸陵典藥等者所任已有其道仍諸大夫等不任之其外諸司助諸大夫任之侍以下不任之皆是可然之諸大夫官也但至二寮助者多以諸道任之也至允者一向六位侍官也諸司佑者諸三分中頗為劣然而可隨其所望也

○稍高中務者對七省一階高也異朝重中書日本又重中務也○諸寮助者內藏助醫陰兩道任之陰陽賀茂安倍任之玄蕃助諸道任之諸陵助賀茂陰陽師任之典藥助醫道任之○諸大夫四條源平武士執柄大臣家六位藏人上北面外記等也○二寮助主計主稅助也至

允諸寮允也○諸司佑者諸司三分佑也諸寮有頭助允屬曰之四分也諸司正佑令史曰之三也○諸司助者謂五寮之外四分助也五寮謂上內藏陰陽玄蕃諸陵典藥助此外諸寮諸職亮助皆諸大夫任之也○至允者諸寮允也凡此書中謂某寮某寮者惣曰諸寮謂某司某司者惣曰諸司但又諸官惣名曰諸司也今此諸司助者諸寮助也諸司佑則其司佑也某司者皆三分而無助也

職原引事大全卷之四



四冊之內

木林服平太史



